

isidın siirgin. Mi siir wiga, ya Eroni isidın siirga, sair inigin Ilisabetka. ⁶ Mi sowawaiyin Adi Komii siir whwonkam idan dimin whirki bi kimbugo ini wadieki wadieyar ywowo. Mi sowa Biyan Inkam Komiiyin siir siyupai siyupai whiekakim simiirar napiko. Mi siir yayim simiirin ha mi wakaeyok-naekim. ⁷ Mi sowawaiyin yinbe bi niyo miminko. Dimusi rani, Ilisabet saeya wig pioa ningaka. Mi sowawaiyin wai bidi ywowo.

⁸ Ya Sekaraia siir isidın siya miriia iya saeya. Mi Sekaraia siya pris inkamin krimiir kaoprigi okwowyin siir miya Adi Komii siir whwonkam ida miriigin. ⁹ Mi siirin sima yimbingi maeyauwa huuyokiyokaiya dimin whirki kimbu karamae nwowa Biyan Inkam Komii siira dimin taemin min ninkin imiiaeiya siirin hiriir yokmwın apnınopkaigi. ¹⁰ Mi ta i aiirin ikam isid komiiyin sima idowıya hirar ywo. Mi yo siya dimin taemin imiirar niki inkin imiiaeiyin mi yim sima ini idowıya hirar kwisboınim. ¹¹ Mi Biyan Inkam Komii siir paekwosımın ina yimbiyamın siir hiriir. Mi ini hiya dimin taemin haigin ninkin imiiaeiya ini sair kingiin hirar yamıkwoniyin. ¹² Mi iya siya Biyan Inkam Komii siir paekwosımın siir kigiyyin mi siya ini hindara yanaakiyin mi siya ini nididkakar ywowın. ¹³ Mi Adi Komii siir paekwosımın, siya siir boınki, Sekaraia, kira kipi nidid. Adi Komii krimiir Wanın siiram kira kwis boına, siya bidi wakaewınin. Mi kiriir wiga Ilisabet saeya yınisim yınkamiyinın wi nwıra naokinaei. Mi siir inigin wi Jon dokdap haiginıu. ¹⁴ Mi kira wi maırgımaırga taokıtaoka siirim

nwowi. Mi iikam whiekakim iriipi hiriinan, wi maingimainga taokitaoka siiramar mi owi. ¹⁵ Mi siya Adi Komii siir whwonkam idan wi inig komiigak nwowi. Mi siya wi op wain mi iki op bibiyie nhirim, kwiyae whaowaeiyim, wi simiir wara kwiyae rani. Mi iya siir naokinaei, Adi Komii siir naeyuwun wi siirar naninkinuwu. ¹⁶ Mi Isrel simiir iikam nhirim, wi siya nikunami Biyan Inkam Komiiyin, simiir Adi Komii krimiir Wanin siirim. ¹⁷ Mi siya Adi Komii siir naeyuwun mi siir kirieya biya Ilajani nwowa wi saiir hiriinankak nwowi. Mi siya wi Biyan Inkam Komii siir biya namkwokini. Mi adim simiir kwoinim wi siya kisina haigii mi sima wi simiir yin imiiram nwoki aingwowim. Mi iikamim nantamyiriyim, simiir kwoinim wi siya kisina haigii. Mi sima wi iikamim dimin whirki kimbu karamae nwowim, ninokninkin komiigakim wi simiir kwoin hiriinan kinar nwowi. Mi iikamim simiir kwoinim wi siya kisisop haigiwini Biyan Inkam Komii siiram. Adi Komii siir paekwosimin hinina boinkin.

¹⁸ Mi Sekaraia siya paekwosimin siir yai aka hinina yowarkii boin mi ta yaiya saeya kaimwoki nuwi mi kara wi panina ninokninkini, kara waibiyie bidi ywowin mi kariir wiga ya iriipi hiriinan waibiyie bidi mi owa. Siya hinina boinkikin. ¹⁹ Mi Adi Komii krimiir Wanin siir paekwosimin siir yai aka hinina yowarkii boin, kara Gabrielkin, kara Adi Komii siir whwonkam ida nokwowikin. Kariirin siya nikropkikin kiriir nauuni boinmauniyam. Kara ta yaiwin kibiya kiriir boinmauniyam hainanikin. ²⁰ Kira wakae! Dimusi rani, kira kariir yai aiir naingwo tibmii

rani. Mi panao kiriir yaiya pi kara tirbugii mi kira pi waeyaimikrim nwowi. Mi wi iya ti digworaekwo whiekakim sima nimbiniyana wi sairar nadigiuwi mi ta kariir yaiya wi kaimwowa nwowi. Adi Komii siir paekwosimin hiniina boinkin.

²¹ Mi iikamim Sekaraia siiram nwowim sima ina yinaingwoyimi yok boinim, siya dimu dimin minkimimini, maeyaua hiuyokiyokaiya dimin whirki kimbu karamae nwowa saiir hirin?

²² Mi iya siya idowiya ha napnaniniyin mi siya yai simaka bi nani boinikin. Mi sima ina yinokninkinkiyim mi tari siya yaeya dimin win bidi kignaniyin maeyaua dimin whirki kimbu karamae nwowa saiir hirin. Mi siya simiirin ini inarar yani kinmimauuuiin mi siya ini waeyaimikrimar ywokrpkaiyin.

²³ Mi siir mini iyim dig nwokiyim mi siya ina swoki amin siir omaka hariir. ²⁴ Mi taka ii aiirarin siir wiga Ilisabet saeya ini yinpiugakar ywokiya. Mi idowiya napririr karamae saeya nwowim bwanim iriiyar. Saeya hiniina boinka, ²⁵ mi Biyan Inkam Komiiyin siya kariirsi naingwobumbugin mi siya kara nididnanaekaiyiya iikam whiekakim simiir whwonkam ida, siya bidi yatkiigiya. Iriig.

Paekwosimin siya Maria saiir boinkin, Jisis siirin wi saeya naokainaei

²⁶ Mi bwan iriiyar whir aka, paekwosim Gabriel siirin Adi Komii siya yikropki nu Galili hiran omisim whirin Nasaret siirim. ²⁷ Mi kopaksim ira, saiir yopiigar whausokninkin prapraskiya, saeya hi min bi nanaeka, sima saiirin whran nwirin siiram boiritmaiga siya nonkwonaim siir inigin

Josepkin, siya Devidni isidin siir hirankin. Mi ta kopaka saiir inigin Mariaka. ²⁸ Mi paekwosimin saiiram ha namin mi siya saiir ini boiniu, Akam, Adi Komii siya kiriirsi naingwobumbugin. Mi siya ini kinakar nwowin. ²⁹ Mi Maria saeya ta yai aiir wakaeya saeya ini hindara yanaakiya. Taka yaiya saeya panin, panin yaiga. ³⁰ Mi paekwosim siya saiir boinki, Maria, kira kipi nidid. Adi Komii siya kiriirsi naingwobumbugin. ³¹ Wakae! Kira wi yinpiugak kipi nwowi. Mi kira yinisim yinkamiyinin wi nwira naokinaei mi kira siir inigin wi Jisis nokdap haiginu. ³² Mi siya wi inig komiigak nwowi. Mi siirin wi hinina boini, Adi Komii ninomor kouanin siir yinisimkin. Mi Biyan Inkam Komii Adi Komii siirin wi siir brougaeyin Devid nu kigriraowiyin wi siir hiriinan nokmwın okwo haiginuwi. ³³ Mi siya inokinokin wi Judami inkam komii nwowi. Miya inkam komii nu kigriraowiyin wi siir hiriyyar nwoyokiyokikaeyami. Nningaka.

³⁴ Mi Maria saeya paekwosim siir yai aka hinina yowarki boin, tiriiginin wi panina nimbiyami? Kara kamkak rani. Kara inkam nwir aka bi nwoka mi kara wi yinkak ha nwo rani. ³⁵ Mi paekwosim siya saiir yai aka hinina yowarki boin, Adi Komii krimiir Wanin siir naeyuin wi kiriir naninkiniuni mi siir kirieya kiriirin wi saeya kinsis haiginuwi. Mi mhoyiya kira wi ti yinisimin siir naokinaei. Mi sima wi ha boini siirin dimin whirki bi kimbugin. Siya Adi Komii siir yinisimkin. ³⁶ Wakae! Biya kiriir yopiiya Ilisabet saeya wai bidiyar ywowa mi saeya ini yinkakar swoki owa. Saeya bwanim iriyyar whira ywo Biya sima ha boinkim saeya wi

yinpiugak nwo rani. ³⁷ Dimin whirkin Adi Komii siya tir karamae bi nwokin. Nningaka.

³⁸ Mi Maria saeya siir yai aka hinina yowarkii boin, wakae! Kara Biyan Inkam Komiiyin siir miyan wiga. Wa kira boina siya kariirin wi hriiyar mi tiri. Mi paekwosimin siya saiir haiburgigin mi siya ina yamin. Iriig.

Maria saeya Ilisabet saiir ini kigu

³⁹ Mi ii nhirim bidi yamkiyim mi Maria saeya bi kimiminka, ina nhinama, mhu nhirim om whirin nu Judia hir nwowim simiir hriir. ⁴⁰ Mi saeya Sekarai siir omaka aiir napninopkainama mi saeya kimidiniya Ilisabet saiir ini boinu, akam. ⁴¹ Mi iya Ilisabet saeya ta akam Maria saeya boina saiir wakaeya mi ti yinisimin ina kakninaokaigiyin. Mi Adi Komii siir paekwosimin ini saiirar yaninkinuuwim. ⁴² Mi saeya ha kauiyikiya mi ina boinkiya, kira ini kina wigar ywowa. Mi iki wig nhirim simiir kouwin ina kirar ywowa. Mi war yinisimin kiriir mhinau nwokaiyin, yo ini sakisar mi owin. ⁴³ Kara panin wiga, ti Biyan Inkam Komiiyin siir apua ta kariiram nita? ⁴⁴ Wakae! Kariir wina, kiriir yai aiir wakaekiya, akam, kira boinkiya mi ti yinisimin kariir mhinau nwokaiyin ina kaknanaokaigiyin mi siya ini maigimaigar ywokiyin. ⁴⁵ Kira Adi Komii siiram naingwo tibmii wiga kira maigimaiga ha dwo. Mhoiya kiriirin wi Biyan Inkam Komiiyin siya boina wi saiir hriinan tiri. Ilisabet saeya hinina boinka. Iriig.

Maria saiir mwaiga

- 46 Maria saeya mwai waowa saeya hinina boinka,
Kariir mhi kwoinim ini Biyan Inkam Komiiyin siiramar naingwo irkakim.
- 47 Kara Adi Komii siiram maigimaigaei, kariir nanmaiwarkainain inkamkin.
- 48 Kara miyan wig ningaka. Mi siya ini kariir-siyar swoki aingwo bunan. Mi Tariinanin mi mhoiya irupi hariinan, iikamim sima kariirin wi hinina boini, kara wig bimbuiwani rani.
- 49 Dimusi rani, Adi Komiiyin kirieki kiriekakin, siya kariirin dimin komiigi komii iirar tirkin. Mi siir inigin dimin whirki bi kimbugin.
- 50 Yaioyae yaioyaeyim hirii hariinan kinairgim. Sima pi inan ii okwoki mi Adi Komii siya iikamim siirsi naingwo ididim wi simiisi naingwobumbuwi.
- 51 Adi Komii siir ina mi kirie kirieyim saeyar nonkwo miriigim. Mi iikamim simamar naingwonaeyim, simiirin siya bidi nhinikriopkiyim hinda tinda.
- 52 Mi inkam komii komiiyim nu kigriraowiyim, simiir miyim wi Adi Komii siya nikripkii mi iikamim inig karamaeyim, simiirin wi siya hainanprasi
- 53 Siya dimin miyik miyikim wi iikamim mhiigi naowim wi simiir hauuwi. Mi iikamim iki digworaekwoki naokinguguninkinim simiirin wi pu ninga ninga siya nhinikriopkii.

- 54 Mi siya ini naingwobumbuwa biya siya nimbina ini saiir swoki aingwowoknakiyin. Mi siya Isrel simiir iikamim simiir whinkinsiis haiginugin.
- 55 Siya krimiir brougaeyin Ebrahim saika bidi yimbiniin mi siya siir yinieyim mhoiia niti, simiirsi naingwobumbuwi. Maria saeya hiniina waoboboinka.
- 56 Maria saeya Ilisabet saikan bwanim whwoima ywo. Mi saeya ina swoki ama saiir oma hiriir. Iriig.

Ilisabet saeya Jon siir yaokaina

- 57 Ilisabet saeya naokainani iia yinisim iir, ina yimbiyama. Mi saeya yinisim yinkamiyin iir yaokaina. 58 Mi saiir inkamnanim, saiir omaka kingiin nwowim, simiir hiranim mi saiir nomiiyau ikim, sima ta yai aiir wakaeyim Biyan Inkam Komii siya Ilisabet saiirsi naingwobumbuwin mi sima ini maigimaiga wara mi inkin owim saikan.
- 59 Mi ii iriyyar kwoimaka sima yinisimin siir mio isa ina kitiyopnir haiyim. Mi sima minam namkim siir adin Sekaraia siir inig iirar swoki okdap haiginuwim. 60 Mi siir apua saeya boin. Ningaka! Siir inigin Jon dokdap haiginu. 61 Mi sima saiir boin, krimiir brougae wanwiyaeyim biya ti hiriinan inig iir bi nokdapkim. 62 Mi sima siir adin siiram kinmimauu srii, krma yinisim siir inigin wi panina dapi? 63 Mi mhoiia Sekaraia siya simiir boinki, yokwo siir hauugiyim pi winmauugiyim. Mi siya hiniina winmauugi, siir inigin Jonkin. Mi sima ini hindarar yanaakiyim.
- 64 Mi bi kimiminkikin, Sekaraia siya yai ina

swoki kaonis boinkiyin. Mi siya ini Adi Komii siir inig iirar hainanprapraskiyin. ⁶⁵ Mi simiir inkam inkannanim simiir omaka kingiin nwowim sima nidid prasae bi kinkim. Mi ta yaiya ini mhuum nu Judia hiranam ini simiirar yiniyokigiya. ⁶⁶ Mi iikamim ta yai aiir wakaeyim, sima ini sima simar yinaingwoyimyok boinim. Ti yinisimin siya wi panin panina nwowi. Sima ina yinokninkinkiyim, Biyan Inkam Komiiyin siir kirieya ini saika nwowa. Iriig.

Sekaraia siir mwaigim

⁶⁷ Jon siir adin, Sekaraian Adi Komii siir paekwosimkin bidi yinkiniukikaiyin. Mi siya diminin mhoiya nimbiamanim simiirin ina kauwok boinkiyim.

⁶⁸ Krima Biyan Inkam Komiiyin, krimiir Adi Komiiyin siir inig iir hainanprapraskii. Mi siya siir iikamim, Isrel hiranam simiir whinkinsiisim nitkin. Mi sima ini rirmiya ywokiyim. ⁶⁹ Siya ninansiin okwokikin nanmaiwarkainan inkam komiiyin, krimiir nanmaiwarkainam Devidni isidin siir inkam nwirin siir. Siir miyan inkam nwowam. ⁷⁰ Siya siir profet inkamin dimin whirki kimbu karame nwowin siirin bidi bidiniyarin hinina boinkin. ⁷¹ Siya krimiirin, krimiir sau omomin simiir hiranki nanmaiwarkainaei. Mi siya krimiirin wi kamim krimaka nomboin ii ae karam nwowim, wi simiir in kirieya saiir hirankar nispimspaki hainakii. ⁷² Siya nimbina krimiir brougae wanwiyaeyim simaka mi saeya. Mi siya ta

mì siir piu aka ìni kíríe warar yínkín okiyím. Mì siya maeyau siiyín nu apa nńnga saiir hírar nwonínaeyín mì ìni Isrel sìmíir iikamím sìmíir híriiyar yímbiyamín. Fírig.

2

Maria saeya Jísís siir yaokainaki (Mt 1:18-25)

¹ Mì taka ìiya Sisa Ogastasín nu komii Rom híran inkam komii nwokín. Mì siya siir bíyan inkam komii komiiyím sìmíir boínki tí omísísímím siir hír nwowím siya kígríraowiyím sìmíir híran iikamím sìmíir ìníg ìmíir níní wínakíyam. ² Mì siyíuín ìníg haiyín iikamím omom omaním sìmíir mì ta ìi aaiir haibwakainakím. Mì taka ìiya Sairínias siya nu Siria híran omom sìmíir bíyan inkam komii nwokín. ³ Mì iikam whiekakím síma ìni sìmíir yapayapa omamar swokí amím. Mì sìmíir ìnígím sìmíir om hírar ìni wínaki yokwoni.

⁴ Mì Josep siya om Nasaretín, nu Galili hír nwowín siir haiburgigín mì siya ìna yamín siir brougaeyín Devid siir om ìiram, Betlehem nu Judia hír nwowín siirím. ⁵ Josep siya mì wíga siya borítmaiya Maria, sowar yam. Sowa mánam namkwo, ìníg níní dapmauwíuwam. Mì taka ìiya Maria saeya yínpiugakar nwonamka. ⁶ Mì ìiya sowa om Betlehem hírar nwowa mì yínísímín ìna kaknanaokaiyín. ⁷ Mì taka ìiya sowíir yínísím yínaomiyínín ìni saiirar yaokainan. Mì saeya yínísím ìírín yíuís mímíiyya saiir hígríníu. Mì siirín bulmakaumi twowa nae haigiya saiir kíkaiyíu whwonkai. Mì símani bulmakauni omaka saiir whwonkaigím. Dimusi rani, omakam

inkamki whwonkaiiyim inkam kina bidi digiyim. Iriig.

Adi Komii siir paekwosimim sima ini boinmauwuwu kamim sibsib kigriraowiyim simiirin

⁸ Mi kam nhirim sibsib kigriraowiyim, niyaka sima omin siir kingiin hir waikaowigim, maeyauwa sibsib ima naeiya saiir. ⁹ Mi Biyan Inkam Komii siir paekwosimim simiir hiriir yimbiyam. Mi Biyan Inkam Komii siir paeya namnamiinan ha wokiinaiiniyin mi ini simiirar yamitkiniuwun. Mi sima nidid prasae bi kinwinkim. ¹⁰ Mi paekwosimin ina boinin simiirin, wakae! Kima kipi nidid. Kara yaiwin kibiya kimiir nauuni boinmauugigam nitkin. Mi ta yaiya iikam whiekakim simiir kwoinim wi maigimaigra komii saeya nnowaiginuwi.

¹¹ Mi taka iya brougae Devid siir om hirin wig ira yinisim yinkamiyin nwira yaokaina. Mi ti inkamin kimiir nanmaiwarkainankin. Adi Komii siyar nimbinkikin siirin, Biyan Inkam Komii Kraiis nnowam. ¹² Mi kima siirin hiniina nini kigninokninkinuwi mi siyairgin. Mi kima wi yinisim nwirin yuis mirmini saeya higrinuun wi siir nini kiguwi. Mi siya ini bulmakaumi twowa nae haigiya, ini saiir whwonkaiyin. Adi Komii siir paekwosimin siya hiniina boinkikin. ¹³ Mi bi kimiminkikin ninomor kou hiran paekwosim whiekakim ina yuunaiiniyim mi sima ini ti paekwosimin saikar yauni oniyim. Mi sima ini Adi Komii siir inig iir hainan prapraskiyim. Mi sima mhoiia hiniina boinki,

¹⁴ Adi Komii krimiir Wanin ninomor kou hiranin siir inig iir hainanki. Dimusi rani, Adi

Komii siya big nasmirwaiya b̄idi ywokiyān simiir̄in mī iikam whiekakim̄ nuanim̄ sima ir̄ipa dingwomamair̄ aeikiyam̄.

15 Mī iyā Adi Komii siir̄ paekwosim̄im̄ mī sima swokī amā ninomor̄ koū hiriir̄, simiir̄ haiburgigim̄ mī kamim̄ sibsib̄ kigr̄iraowiyim̄ simā simā yomboin̄ amboin̄ki, humbae! Krima om̄ Betlehem̄ hiriir̄ nami. Tī diminin̄ hir̄ nimbiyam̄in̄ siir̄ ninī kignaki. Biyan̄ Inkam̄ Komii siyā boinkiyin̄ krimiir̄. 16 Mī simā birī kimim̄inkim̄ inā yamsauwim̄ mī simā Maria, Josep̄ mī yinisim̄in̄ twowā bulmakaumī naē haigiiyā sair̄ kikaiȳu whwonkaiyān, simiir̄nī inī kiḡu. 17 Mī iyā tī kamim̄ sibsib̄ kigr̄iraowiyim̄ simā siir̄ ninī kiḡuwim̄ mī simā tī yayim̄ Adi Komii siir̄ paekwosim̄im̄ simā boin̄m̄im̄auugigim̄ simiir̄ tī yinisim̄in̄ siir̄im̄ mī simā inī sowiirwaī boin̄m̄im̄auuniyim̄. 18 Mī iikamim̄ tī kamim̄ sibsib̄ kigr̄iraowiyim̄ simiir̄ yaī aiir̄ wakaeyim̄ mī simā inī hindā yanaakiyim̄. 19 Maria saeyā tī yayim̄ saeyā wakaeyim̄ simiir̄ simiirā naingwokwokaigika. Mī sair̄ kwoin̄aū hirar̄ haigī okai, saeyā birī naingwō owouga. 20 Mī kamim̄ sibsib̄ kigr̄iraowiyim̄ simā hā swokī apamim̄ mī simā mwaī inā yapwowaowamim̄ Adi Komii siir̄ in̄iḡ iir̄ hainanam̄ digworaekwowim̄ simā wakaeyim̄ mī simā kigim̄ simiir̄. Mī digworaekwo whiekakim̄ Adi Komii siir̄ paekwosim̄im̄ simā boin̄mam̄auugikim̄ b̄idī yimbiamkiyim̄. Iriiḡ.

Sima siir̄in̄ Jis̄is̄ yokdap̄ haiḡin̄u

21 Mī mhoīiyā iī ir̄iiyar̄ kwoim̄im̄ namkiyim̄ mī siir̄ mioisā inā kitiyopn̄ir̄ haiya. Mī simā siir̄ in̄igin̄

Jiſis yokdap haiginiu. Mi Adi Komii siir paekwosimim sima biyyar dapkikin, iya siya siir yopiiya saiir mhinau hir niki okai karamaeyar niki owin sairar. Iriig.

Simion Ana sowa Jiſis siirin omaka komiyya Adi Komii siira saiir hir ini kigi

²² Ta iya sowa buga niyoprikmaiya sowa buga siyiun biya Moses siya winboinkiyin mi siir hiriinanar mi tir. Mi siir ad yopiiyo ina hainamwo siirin om komii Jerusalem hiriir, Biyan Inkam Komii siir in nin onkwo hauugiyam. ²³ Yai komii kwira Adi Komii siir Yokwo Komiyya saiir nwowa, saeya hinina winboinkika, biki biyan yinisim yinhaomiyinin, yo minim nimbingin, Biyan Inkam Komiiyin siir hauugiyam, siir yinisimar nwowim. ²⁴ Yokwo Komii saiir yai kirie kwira saeya hinina boinkika, iya wigkamwo sowa yinisim yinkamiyin yinhaomiyinin, Adi Komii siir omaka komiyya saiir hainam mi yo sowawaiyo iriipi hiriinan inmab haomwo isa timi isom hainam. Mi inmab airam mi whaowaekin, mhautam haomwo isa timi isom hainam. Mi Josep, Maria sowawaiyin om komii Jerusalem hiriir asi namkwo.

²⁵ Mi inkam nwirin om komii Jerusalem hir nwokin, siir inigin Simion. Mi ti inkamin siya dimin whirki bi kimbugin. Ningaka. Siya inkam wadiekin. Siya Adi Komii siiramar mi kwisboinikin mi siya ii aiiimar niki owi, iya Adi Komii siya inkam nwirin siir nikropki, Isrel hiran iikamim simiir mhi kwoin imiir kirie haiginiuwam. Mi Adi Komii siir naeyiun ini saikar nwowin. ²⁶ Adi Komii siir naeyiun siir bidi

yisimauuɪn mɪ siya wɪ niki aosau rani. Nɪngaka. Siya Biiyan Inkam Komiiyɪn Kraisiya siya nitana saiiramar niki owi. ²⁷ Adi Komii siir naeyiɪn siyar hɪurworwokai insiingikin mɪ siya Adi Komii siir omaka saiir hɪriir yapnɪnopkainam mɪ yopii adwo yɪnisim Jisis siirɪn ina hainaniyɪn Adi Komii siir omaka saiirɪm, Adi Komii siir hauugiyɪm, simiir siyɪu ieya boinɪn siir hɪriinan. ²⁸ Mɪ Simion siir ina ti yɪnisim iirar yɪnkwo mɪ siya Adi Komii siir inig iirɪn hɪnɪna hainan prapas boinki,

²⁹ Biiyan Inkam Komii dimɪnɪn biiya kira nɪmbinɪn, kara siir bɪdi kigin. Mɪ tariinanɪn kara naonami, kira kariirɪn ha kignɪnkɪnki. Tariinanɪn kara kariir miiyan inkamɪn wɪ maigimaigar nwowi.

³⁰ Inkamɪn krimiir nanmaiwarkainɪnɪn kara siir bɪdi kigin.

³¹ Kira ti dimɪn iirɪn iikam whiekakim hɪnda tindanɪm simiir whwonkam ida diriraerarkɪn.

³² Siya paenan minam niuyakin iikam whiekakim Juda iikam tani, simiir kwoɪn imiir nanaaknɪnki haiginɪuwam. Isrel kariir iikamɪm inig komii simiir hauu haiginɪuwam.

³³ Mɪ iya siir yopii adwo sowawaiyɪn hɪriinan wakaeywo ti hɪriinan yayim Simion siya boinɪm sowiirwai yɪnisim iir mɪ sowawaiyɪn naingwoyɪmyok pranae bi kinkwo. ³⁴ Mɪ Simion siya simiirniyɪn hanɪngɪyigboinmamaɪr haiginɪu. Mɪ siya Maria Jisis siir apua saiirɪn hɪnɪna boinki, wakae, ti kowiirwai yɪnisimɪn, Isrel simiir iikamɪm wɪ higa siya ninɪuwi. Mɪ nhɪrɪm

wi siya swoki anmaiwarkainaei. Ti inkamin siya, Adi Komii siya nimbini. Mi siir siyu iirin wi siya niisimauwi mi nhirim wi saikar ninkinwamwarkii boini. Mi nhirim wi yaewan siir kindiyuwangigi. ³⁵ Mi iikam whiekakim simiir kwoin aowa aowanim wi idowiyar nwoki. Mi mhoiia sima siirin wi siyu miyik miyiknan tir tani. Mi kira siirin hiriinan kigi mi kiriir kwoinin wi hindara hugimkikigugi, siirsiyin. Mi ta hik hiriinana wi sauin, inkam piu nitiyin mi ha kimpipisugiiyin, wi hiriinan kimpipisugi. Simion siya hinina boinkikin.

³⁶ Mi profet wig ira om komii Jerusalem hir nwoka, saiir inigin Anaka, saeya Fanyuel siir yinisimka. Asa siir isidin siir hiranka, saeya waibiyie bidi yowa. Biya saeya kam pua niki owa, saeya biewiyim pariiga ywo, iriyyar whis (7). ³⁷ Mi mhoiia saiir kam in ina yaonamin mi wig igabae nhinga saiir biewiyim pariig, kamnwii whii (84). Mi saeya inokinokin Adi Komii siir inig hainanim bi siisika, saeya Adi Komii siir inig iirin ni nabie ni nabie hainanika. Mi ii nhirim, saeya nae minim pa mi haiyaei iiyim saeya nhwo Adi Komii siiram kwisboiniyim Adi Komii siir omaka komiia saiir. ³⁸ Mi iya Josep Maria sowawaiyin ta omaka Adi Komii siira saiir hirar niki owo, Adi Komii siir ninkin imiiaeyim mi Ana saeya ha nimbiniya mi saeya ini Adi Komii siir inig iir ini igboinmamairniya. Mi saeya kimidiniya ti yinisimin siir yai imiir boinmimauu, iikam whiekakim om komii Jerusalem hiranim, siirim nwokwokinim, Isrelan iikamim hir nwowim simiir nanmaiwarkainam. friig.

Josep siya om Nasareta hiriir swoki haiyug apnam

³⁹ Sima digworaekwo whiekakim diriraerar digiyim, Biyan Inkam Komiiyin siir siyu ieya boinin siir hiriinan mi sima ina swoki amim nu Galili, simiir oma Nasareta hiriir. ⁴⁰ Mi ti yinisimin ha mwrigiyin mi siirin ma minkin bi nipiyaokimiminkin siya ini kiriekakar ywokiyin mi siya ini ninokninkin miyik whiekakar mi okiyin. Mi Adi Komii siir naingwoyimyoka ini saikar nwowa. Iriig.

Yinisim Jisis siya ina yamin Adi Komii siir omaka saiirim

⁴¹ Mi biewii biewiiyim ta ii komiia wou nikwo aeiya Pasova Jisis siir yopii adwo, sowawaiyin om komii Jerusalem hiriayar namnanaeiko, sowawaiyin bi nwokaigiiko. ⁴² Jisis siir biewiiyim iur whisa namwo iuwim mi siya wara yinkin am, siir yopii ad owakan, ta ii komiia wou nikwo aeiya saiirim. Biewii biewiiyim biya sowawai niki tirkiyim simiir hiriinan. ⁴³ Mi wou nikwo aeni iya dig nwokiya mi sima ina swoki amim mi yinisim Jisis siya om komii Jerusalem hirar ywoki. Mi siir yopii adwo sowawaiyin ha bi naingwoko siya ini hirar ywokiyin. Nningaka. ⁴⁴ Mi sowawaiyin ha naingwoko siya ti ikam whiekakim sowaka waiyar napamim simaka napami mi ta nabe kirieya sowa sowa asi napamko. Mi sowa sowiir nomiiyauim mi sowiir ad igrimim simiirim hansiram siya simaka mi owi. ⁴⁵ Mi sowawaiyin ha hansiranaeyo siir bi swoki kigin. Nningaka. Mi sowawaiyin, om komii Jerusalema hiriir asi swoki haiyug hansranamko siirimin. ⁴⁶ Iyim sowawai

siirim hansiro, kwisa hansir mi kwoimaka saiir ini kigiu, omaka Adi Komii siira saiir hir nwowi siya, Juda simiir inkamim siyupai, siyupaiyim sim nowomwarkaiyuwiyim simiir bopwoniya hir nidwokai wakaemimiki, simiir yai min dimin imiir mi siya simiirin ina mi kinawaomwarkii sriiyin. ⁴⁷ Mi kamim siir yai imiir wakaekiyim mi sima ini hindarar yanaakiyim ti yai whiekakim siya ninomokninkin boinkiyim simiirin. ⁴⁸ Mi sowawaiyin siir nini kigiuwun mi sowa ini hindara yanaakiyo. Mi siir yopiiya saeya siirin hinina ini boiniu, yinisim! Kira kririrwaiyin hinin dimusi tirkikin, ha? Krirawaiyin kiriirsiyin pranae pranae bi naingwoyimyok hansirko. ⁴⁹ Mi siya sowiirwai yai aka hinina yowarkii boin, kowawaiyin kariirim dimusi hansirko? Mi kowa bi ninokninkinko, kara pi kariir Adin siir omaka tirar nwowi, ha? ⁵⁰ Mi sowawaiyin bi ninokninkinko ta yaiya siya boina saiir yaimwokiya imwo aiirin.

⁵¹ Mi siya ini sowakawai warar swoki inkin amin om Nasareta hiriirin. Mi siya ini yopii ado sowiirwai yaiyar mi wakaeyoknan. Mi ti yaimin diminin siya boinim, ini yopiiya saiir kwoinawu hirar haigi okaiyim. ⁵² Mi Jisis siya komii namwoiwun mi siir ninokninkina ini warar mi inkin opnirtaraokiya. Mi likam ikim sima ini siiramar yaingwokininim. Iriig.

3

Jonin op baptais haiginiuwiyin yai siya boinmimaugin

(Mt 3:1-12; Mk 1:1-8; Jo 1:19-28)

¹ Taibirias Sisa siya kigriraokiyim omom omom nhirim nu Rom hiranim, biewiyim iuur iriyar (15). Mi Pontias Pailat siya nu Judia siir kigriraowan inkam nwokin. Mi ta ii aairin Herot siya iikamim nu Galili hiranim, simiirin saiir kigriraokin. Mi siir akamin Filip siya nu Itaria mi nu Trakonaitis sowiir kigriraowan inkam komii nwokin. Mi Laisenias siya nu Abilini siir kigriraowan inkam nwokin. ² Anas, Kaiafas sowa prismi biyan inkam nwoko. Mi ta iya Jonin Sekaraiani yinisimin maeyau siyin nu apa saiir hir nwowin mi Adi Komii siir yaiya siir hiriirin, saiirar nimbiamkin. ³ Mi Jon siya omom omom whiekakim ie Jodan siir kingiin hir nwowim, simiir hiran iikamim simiirin siya hiniina boin, kima kimiir dimin biyeyim digumii simiir haimriiyugigi mi op wa nwoki baptais haiginuim mi Adi Komii siya kimiir dimin biye biyeyim biya kima tirkaiyuim wi haningin haiyoprimdiyumiigi. ⁴ Jon siya hiniina boin profet inkamin siir yai aairin. Yai nhirim profet Aisaia siya winboinkiyim Yokwo Komii saiir, yim hiningim,

mi inkam nwirin maeyau siyin nu apa niinga, hir kauwok boinkiyin siya hiniina kauwok boinkikin, Biyan Inkam Komiiyin siir siyuim simiir kisisop diriraerarkwokin. Siir siyu iir sibgu diriraerarkwokin. Profet Aisaia siya hiniina boinkin.

⁵ Mi maeyauwim ieno ieno whiekakakim yim ha timi hainkrimkrinkinkwokin. Mi mhu komii komiiyim mi mhuisisim ikim, wi sima dopkiyimikina mi siyuim mipugnan wrieyokim yim timi oprintioki mi siyuim

haigi inamnaniyim, yim timi iyiohimikmai diriraerarkwokin.

6 Mi iikam whiekakim wa nwoki kigninokninkinkiyim, inkamin Adi Komii siya nimbiniin krimiir nanmaiwarkainanin siirin. Profet Isaia siya hinina boinkikin.

7 Jon siya iikam isid komiiyin siiram nitim saika nwowim simiirin hinina boinki, kima iikam miyiknanki mi iuwi, ini wrakiwranan ywowim. Mi kimiirin nhinga boinkikim kariirim nidamnaniyim, op kimiir baptais haiginugiyim? Mi Adi Komii siya wi kimiir nonkwoninwomwurninkin tani, anya? ⁸ Mi kima iikam whiekakim simiirin hinina diisiimauu, kima kimiir dimin biye whiekakim, simiirin bidi haiyoprimdimiigiyim. Mi kima, kima kima hinina kipi ninkinwamwarki boin, nim krima Ebrahim krimiir brougaeyin siir iikamkim mi siya wi digar nwowi mi krima wi iikam miyikar nwowi. Ningaka. Mi Adi Komii siya naingwowi mi tiki siiyam siyar mi diriraerarii, siya wi digar mi owi mi sima wi Ebrahim siir yinisimar namwoiuwi.

9 Ua ini paemii hirar haigin taowaigina mi pae whiekakim nae miyik bud karamae nwowim yim wi paenau sima niyitkaigaiki. Mi wim kima ini ti paeyim simiir hiriinan ywowim.

10 Mi sima siirin hinina srii, krima wi panina tiri. Simiirin hinina niisiimauuim, krimiir dimin biyeyim bidi haiyoprimdiyimiigiyim, ha? ¹¹ Mi Jon siya simiirin boiniyo yaiya hinin boinki, inkamin yuis kwisairgakiniuwi mi siya kwira, inkamin nhinga nwowin, siir timi hauu. Mi inkamin naeminkin naokingugunankaiyin yio

iriipa hiriinanar timi tir. ¹² Mi kamim omom omomi umir haiiyim, yim iriipi hiriinan ina mi itim Jon siirim, op simiir baptais haiginuim. Mi sima siirin hinina srii, iikam nowamwarkaiyuan inkam, krima wi panina tiri, simiirin hinina nasisimauum, krimiir kwoin biyeyim, bidi haiyoprimdiyumiigiyim? ¹³ Mi Jon siya simiirin hinina boinmaugi, kima umirmairin gavman siya boinkiyin siirarar hai. Yaeya umir nokii kipi swoki inkin hai. ¹⁴ Mi kamim yaii niniiyim yim iriipi hiriinan siirin ina mi sriiyim, krima wi panin panina tiri? Mi siya simiirin hinina boinki, kima inkam nhirmi hindara kipi priitopriitio mi kima simiirin whisarii kipi priiboin huriyiu mi simiir umirim whisarii kipi priiyiksasae hai. Mi kimiir kwoinin hiinsima dwo ti umirsimin kima haiiyin kimiir mi aiirsi.

¹⁵ Mi iikam whiekakim sima ina yinaingwoyimiyyok boinim, ti inkamin siya Kraisin Adi Komii siya nikropkiyin iikamim sim nanmaiwarkainam, aniya? ¹⁶ Jon siya simiir yaiyaka hinina yowarkii boin kara kimiirin op ara baptais haiginuwi, inkamin kariir mhoiyya nitin kariir kouwin ini siyar ywowin mi siya ini yaowae adnan ywowin, kara ini yinisimnan ywowin. Mi kara siir miyyim wa sibgu inomokninkin mirii rani. Kara inkam miyyik rani. Nungaka. Mi kara op arar baptais haiginuwi mi Adi Komii siir naeyiun siirin wi siyar hainuae haiginuwi mi ti dimin biyie imiirin wi paenan siyar nu iuguski. ¹⁷ Siya ini inkamin twonidim twonau haigiyyin mi ha nokwobrombropiyin, ini siir hiriinan ywowin. Mi iyya iki twonid imiir nokwobrombrop

digiyim mi kasim pa kuubrukigi. Mipi twonid nningam simasima namwokaiyuwi mi simiirin pi omaka nae haigiya hir nin haigiyuwi. Mi siya kas imiirin pa nhisopkininaka mi simiirin pi pae nhisopkin namginki. Mi ta paeya saeya wi niutingi rani. Nngaka. Saeya wi hriiyar niuyokiyokikaeyami.

¹⁸ Mi Jon siya ti hriinaninim simiir boinmauu digiyin mi siya Yaiwin Kibiya saiir yai kiriekirie kibi whiekakim simiir warar yinkin boinmimauu.

¹⁹ Jon siya gavmanin siir biyan inkamin Herot io siir nwokin. Dimusi rani, siya siir nomousimin Filip siir wiga Herodias saiir hainiki nonkwonan mi siyu biye nhirim siya tirim io simiirsi wara mi inkin okin. ²⁰ Mi Herot siya siyu biye komii whirin ha swoki tirin mi ini ti biyaninim simakar swoki inkin haiginkiyin. Whisarii rani, Jon siirin siya hugripkikikaigin. Iriig.

*Jon siya baptais haiginugin Jisis siirin
(Mt 3:13-17; Mk 1:9-11)*

²¹ Iya Jon siya ikaminim simiir baptais haiginuin mi siya Jisis siirin ini warar mi inkin baptais haiginuin mi iya Jisis siya nhwovar niki kwisboinin mi ninomora ini omaka anonanar haiwaokiya. ²² Mi Adi Komii siir naeyuin ina yuwiniyin. Mi sima kigwin siir naeyuin inmabnan siinaini siiram. Mi yai kwira ninomor kou hir kauwok boinkiya saeya hinina kauwok boinkika, kira kariir yinisim wadieki wadie kngin. Mi kariir kwoinin ini kiriiramar naingwokwonanaeyin. Mi kariir mhi kwoinin, kiriirimin ini maigimaigya ywokiyin. Iriig.

*Jisis siir yidiwii wanwiyaeiyim simiir inig ima
(Mt 1:1-17)*

²³ Hya Jisis siya siir biewiyim, kamnwir iuura nwowin mi siya ha mirii bwakainakin. Iikamim simiir kwoinim ha naingwokim, Jisis siya Josep siirgisiir nhiekinuwi. Ningaka. Siya Adi Komii siirgisiir yinisimkin. Mi Josep siya Hilai siir yinisimkin.

²⁴ Mi Hilaiyin, yio Matatni yinisimkin. Mi Matatin, yio Livaini yinisimkin. Mi Livaiyin, yio Melkaini yinisimkin. Mi Melkaiyin yio Janaini yinisimkin. Mi Janaiyin, yio Josepni yinisimkin. ²⁵ Mi Josepin yio, Matataiasni yinisimkin. Mi Matataiasin, yio Emosni yinisimkin. Mi Emosin, yio Neamni yinisimkin. Mi Neamin, yio Eslaini yinisimkin. Mi Eslaiyin, yio Nagaini yinisimkin. ²⁶ Mi Nagaiyin, yio Meatni yinisimkin. Mi Meatin, yio Matataiasni yinisimkin. Mi Matataiasin, yio Semeni yinisimkin. Mi Semenin, yio Josekni yinisimkin. Mi Josekin, yio Jodani yinisimkin. ²⁷ Mi Jodanin, yio Joanani yinisimkin. Mi Joanandin yio, resani yinisimkin. Mi Resanin, yio Serababelni yinisimkin. Mi Serababelin, yio Sialtielni yinisimkin. Mi Sialtielin, yio Neraini yinisimkin. ²⁸ Mi Neraiyin, yio Melkaini yinisimkin. Mi Melkaiyin, yio Edaini yinisimkin. Mi Edaiyin, yio Kosanamani yinisimkin. Mi Kosanamain, yio Elmadamni yinisimkin. Mi Elmadamin, yio Erni yinisimkin.

29 Mi Erniyin, yio Josuani yinisimkin.
 Mi Josuain, yio Eliesani yinisimkin. Mi
 Eliesain, yio Jorimni yinisimkin. Mi
 Jorimin, yio Matatni yinisimkin. Mi
 Matatin, yio Livaini yinisimkin. 30 Mi
 Livaiyin, yio Simioni yinisimkin. Mi
 Simionin, yio Judani yinisimkin. Mi
 Judanin, yio Josepni yinisimkin. Mi
 Josepin, yio Jonamni yinisimkin. Mi
 Jonamin, yio Elaiakimni yinisimkin.
 31 Mi Elaiakimin, yio Meliani yinisimkin.
 Mi Melianin, yio Menani yinisimkin.
 Mi Menanin, yio Matatani yinisimkin.
 Mi Matatanin, yio Netani yinisimkin.
 Mi Netanin, yio Devidni yinisimkin.
 32 Mi Devidin, yio Jesini yinisimkin.
 Mi Jesiyin, yio Obetni yinisimkin. Mi
 Obetin, yio Boasni yinisimkin. Mi
 Boasin, yio Salmoni yinisimkin. Mi
 Salmonin, yio Nasoni yinisimkin. 33 Mi
 Nasonin, yio Aminadapni yinisimkin.
 Mi Aminadapin, yio Atmini yinisimkin.
 Mi Atminin, yio Anaini yinisimkin. Mi
 Anaiyin, yio Hesroni yinisimkin. Mi
 Hesronin, yio Peresni yinisimkin. Mi
 Peresin, yio Judani yinisimkin. 34 Mi
 Judain, yio Jekopni yinisimkin. Mi
 Jekopin yio Aisakni yinisimkin. Mi
 Aisakin, yio Ebrahimni yinisimkin.
 Mi Ebrahimin, yio Tirani yinisimkin.
 Mi Tirain, yio Nehoni yinisimkin. Mi
 Nehoin yio Serakni yinisimkin. 35 Mi
 Serakin, yio Reuni yinisimkin. Mi Reunin,

yio Pelekni yinisimkin. Mi Pelekin,
 yio Ebeni yinisimkin. Mi Ebenin, yio
 Selani yinisimkin. ³⁶ Mi Selain, yio
 Kenani yinisimkin. Mi Kenanin, yio
 Apaksatni yinisimkin. Mi Apaksatin,
 yio Siemni yinisimkin. Mi Siemin,
 yio Noani yinisimkin. Mi Noain, yio
 Lemekni yinisimkin. ³⁷ Mi Lemekin, yio
 Matusalani yinisimkin. Mi Matusalain, yio
 Inokni yinisimkin. Mi Inokin, yio Jaretni
 yinisimkin. Mi Jaretin, yio Mahalalelni
 yinisimkin. Mi Mahalalalelnin, yio Kenani
 yinisimkin. ³⁸ Mi Kenanin, yio Inosni
 yinisimkin. Mi Inosin, yio Setni yinisimkin.
 Mi Setin, yio Adamni yinisimkin. Mi
 Adamin, yio Adi Komii yinisimkin. Iriig.

4

Setan siya siir nipiyaokiyam tirkin (Mt 4:1-11; Mk 1:12-13)

¹ Adi Komii siir naeyiun ini Jisis siir
 yaninkinuniyin mi siya ie Jodan siir haiburgigin
 mi ina swoki amin. Mi Adi Komii siir naeyiun
 siya yikunam maeyau siiyin apa nanga inkam
 karamaeya saiir hiriir yam. ² Mi siya ta maeyau
 siiyin apa inkam karamaeya saiir nwowin, iiyim
 kam nwisa ywo (40). Mi ta iya Setan siya Jisis
 siirimin saiir kinankukin. Mi ta ii aiirin Jisis siya
 nae bi naekin ningaka. Siya mhirima nwokin.

³ Mi Setan siya siir boinki, kira Adi Komii siir
 yinisimkinuwi mi kira pi ti siiyain siir boinki
 mi siya pi bret nwoki imbiyamim. ⁴ Mi Jisis

siya siir yai anaka hinina yowarkii boinki. Yokwo Komii saeya hinina boinka inkamin nae aram naingwowyin siya wi kiriekak nwo rani. Nningaka. Inkamin bret ara naeyam naingwowyin siya siirin wi kwoinbudin omwai waiyayokiyokiiyin siir hauu rani. Nningaka.

⁵ Mi Setan siya siirin ina yikunainamin mhukua hiriir mi bi kimiminkikin, siya ina yisiimauuwim nu tiran omom omom whiekakim simiir. ⁶ Mi siya boinki, kara ti kariir omom omomim mi kariir dimin taemin whiekakim wi kiriir hauuwi. Mi kira wi nu kigriraowan inkam komii nwowi, whisarii rani, yim ti digworaekwowim kariirargim mi kara inkam nwir mi hauuwi kara wa mi hauuwi, kariirar kwoinkin. ⁷ Kira ogmwo kariiram hui mi kariir inig iir hainani, ti digworaekwo whiekakim yim kiriirgim. ⁸ Jisis siya siir yai aka hinina yowarkii boinki, Yokwo Komii saeya hinina boinka. Kira Biyan Inkam Komiiyin siir inig iirarar hainan siya kiriir Adi Komiiyin mi kira siir mi aiirarar donkwo iski.

⁹ Mi Setan siya Jisis siirin om komii Jerusalem hiriir yikunam. Mi Jisis siirin omaka Adi Komii siir inig hainaniya saiir akou hir ini okmwain okwoiu. Mi siya siir boinki mi kira Adi Komii siir yinisim kinginuwu mi kira pa diswit natkinainam. ¹⁰ Yokwo Komii saeya hinina boinka mi Adi Komii siya wi siir paekwosimim simiir boinki. Sima kiriirar sibgu kigriraowim mi kira wi nao rani. ¹¹ Mi sima wi kiriir nonkwowini simiir inam mi kiriir iga wi siiya kwirki swoki hain tani. Nningaka. ¹² Mi Jisis

siya siir yai aka hinina yowarkii boin, Yokwo Komii saiir yaiya saeya hinina boinka, kira Biyan Inkam Komiiyin siirim kipi kinankiu mi siirim kipi srii, ti hiriinan dimin biyieyin siya kiriir whindiriraerarkiyim. Nningaka. ¹³ Mi iya Setan siya siirim kinankiuguguwun, ti dimin taemin whiekakim simiir mi Jisis siya bi wakaeyoknakin. Mi Setan siya Jisis siirin ina haiburgigin mi ina ini sinsin wokmainakiyin. Iriig.

Jisis siya nu Galili hir m'rii bwakainakin

(Mt 4:12-17; Mk 1:14-15)

¹⁴ Mi Jisis siya nu Galili hiriir namin mi Adi Komii siir naeyiu miyikin siir kirieya ini siyakar ywowun mi dimin taemin whiekakim Jisis siya diriraerarim simiir yaiya ina haigiririr boinama omom omomim simiir. ¹⁵ Mi siya ikam whiekakim simiirin, simiir omaka yai nidwokai wakaeya saiir hir boinmimauugin mi sima ini siir inig iirar hainan prapraskiyim. Iriig.

Mi om Nasaretan ikamim sima dig'umii Jisis siir haimriiyugim

(Mt 13:53-58; Mk 6:1-6)

¹⁶ Mi Jisis siya omin yinisim sapisap siyar naemrwi okwonaniyin Nasaret siirimar swoki am. Mi Jisis siya Judami ii komiia pu siisiya dimin taemin tir karamae nwoyiya ta omaka yai nidwokai wakaeya saiir yapninopkainam. Inokinokin siya triya saiir hiriinan mi siya ini Yokwo Komiiya saiirar yokwo mwaingiyin. ¹⁷ Mi sima siirin profet Aisaia siya wina yokwowa bidi bidiniyar saiir hauu mi siya mi kwira hinina boina saiiram hansirkin,

18 Adi Komii siir naeyiwin ini kariir tir nwowin. Mi siya kirie kariirin minam hauugin mi ha nimbinkin, siir yaiwin kibiya iikamim sima sima sipiyimiyokmaeyamiyim simiir boinmimauuim. Siya kariirin minam nikropkikin kara ta hiriinan yaiya iikam simiirin hinina boinmimauuim mi digworaekwowim uridnan kimiir nitkiyim mi kimiirin wi rirmiia kara nwowaiginuwi mi iikamim nhwokwisae nwowim simiir nhwowim wi wadie kara nwowaiginugi. Mi iikamim hikak nwowim simiirin wi rirmiia kara nwowaiginugi.

19 Siya kariirin minam nikropkikin. Iya Adi Komii siya nanmaiwarkainana iikamim simiir kara saiir boinmimauukin.

20 Mi siya ha mwain digiyin mi yokwowa ina swoki haiginikougiya. Mi ina swoki hauugiya inkamin yokwo imiir kigriraowiyin siir. Mi siya ha swoki idwowin mi ta omaka yai nidwokai wakaeiya saiir nwowim iikamim simiirin ta ii aiir nowomwarkaiyu bwakainamkin mi simiir nhwowim siirara kaonanaekiyim. ²¹ Mi siya simiir boinki, yaiya tariinan kima kwawakaekiya Yokwo Komii saeya boina, tariinanin saeya tasi nimbiraraowa. ²² Mi sima siirin ina boin wadeyin mi sima naingwoyimiyok prasae bi kikinkim yai miyik miyikim siir yai hiranka nimbiniyim simiirsiyin mi sima boin. Ti yinisimin siya tari Josep siir yinisimkin, aniya? Mi siya krimiir hiriinanargin mi siya ti hiriinan yai miyik miyikim papiyanki haigim? ²³ Mi siya simiir boinki, kara kimiirin pi boiniyo yai kwira saiir

yaimwokiyaime wo aiir boinmauugi, inkam iikam nhiri whindiriraerariyin yo ti hiriinan inkamin sasar timi whindiriraerarna. Siyu hiniinin Kapaneam kira tirnaniyin mi ti kiriir ombud om iirin hiriinan siyu iirar timi tir. ²⁴ Mi siya boin, kara kimiirin yaimwowar boini, iikamim sima simiir omki oman profet inkamin siir yai bi wakaeyok-naeikin. Nningaka. ²⁵ Wakae! Kara kimiirin yaimwokiyaime wowa boini, bidi bidiniyarin Ilaija siya nwowa mi wig igabae nninga nhirim nu Isrel hir nwokim. Mi taka iya naoki bi swoki kinmiminka biewiim whwoim haimii (3 ½ yia). Mi iikam whiekakim ti nu iir nwowim sima mhi prasae bi naokim. ²⁶ Mi Adi Komii siya Ilaija siirin iki wig igabae nningam nu Isrel hir nwowim simiirim bi nikropkikin. Nningaka. Siya siirin, wig igabae nninga irua om Sarefat nu Saidon hirana saiiram nikropkikin nae saiir hauu aeyim. Mi ya saeya nu Isrel hiran wig rani. ²⁷ Mi profet Ilaija siir iya iriipi hiriinan mi siya iikam nhirim nu Isrel hiranim paowaigi piskomkopouwim, simiir nwirni miyik bi nwokin. Nningaka. Mi nninga nwokiyin Neman sasargin. Neman siya Isrelan tani, siya Sirian inkamkin. Jisis siir yaiya hiriinanka. ²⁸ Mi ta iya iikam whiekakim sima ta omaka yai nidwokai wakaeya saiir hir nwowim sima ta yai aiir wakaekiyim mi sima bidi yinokninkinkiyim ta yaiya Jisis siya simiirar huriyu boinkin. Mi simiir mhi kwoinim haughauga asi whwiyekikim. ²⁹ Mi sima ha ninsiin okwokwokiym mi Jisis siirin ina kiyai-wowitnaniyam in omin siir yaba hiriir. Mi sima siirin mhuism whirin simiir om ieya nwowin

mì sîma siirìn hîrankî nîtkiigiyîm tîrkîm. ³⁰ Mî sîma dîg bî nwokîm whîsariî rani, Adî Komîi siyar nîkidukîn sîmiîr kwoinîm mî sîma asi nîdidkîm. Mî Jîsîs siya ìnî sîmiîr bopwôwar yapnamîn. Mî siya ìna yîugusamîn. Iriig.

*Jîsîs siya ìnkam nwîrìn uridyîu biyîekakîn siir haiswonîskikîn
(Mk 1:21-28)*

³¹ Mî Jîsîs siya om komîi Kapaneam nu Galîli hîranîn siir namkîn. Mî Judâ sîmiîr ìi komîiya pîu siisiya dimîn taemîn tîr karamae nwowiya siir iikam nhîrîm saiîrar mî owomwarkaiyîugîn Adî Komîi siir yai aiîr. ³² Mî sîma ta siir yai aiîr wakaeyîm mî sîma ìnî hindara yanaakiyîm. Dimusi rani, siir yaiya ìnkamîn ìnîg komîigakîn siir hîriinan boînkîn ta yaiya kîrîe komîigaka. ³³ Mî omaka yaimîn dimîn nîdwokai wakaekiya, ìnkam nwîrìn yîu biyîekakîn hîr nwokîn. Mî siya ìna kauwok boînamnankiyîn, ³⁴ hîe! Jîsîs om Nasaretanîn, kîra ìmu dimîn tîram nîtkîn, ha? Kîra krîmiîr nonkwonînwomwîrnînkînam nîtkîn, ha? Kara kîriîrìn ìna nînoknînkîn kîrargîn Adî Komîi siir yînisîmîn dimîn whîrki kîmbu karamae nwowîn mî iikam whîekakîm krîmiîr nanmaiwarkainanîn. ³⁵ Mî Jîsîs siya ìgao yai tî yîu biyîe siir yîkwao boînkî, kîriîr yaiya tî tankî! Mî yîu biyîeyîn siya tî ìnkam ìiîrìn iikam whîekakîm sîmiîr whwonkam ìdar haigi ìrîmtîogîgîn mî siya ìna yamîn. Mî siya siir bî nonkwonînwomwîrnînkîngîgîn. ³⁶ Mî iikam whîekakîm sîma hîriinan kîgiyîm mî sîma ìnî hindara yanaakiyîm. Mî sîmasîmarìn hîniîna yîmboîn amboîn, ae! Ta yai hîniîna saeya panîn panîn yaiga. Mî siya yîu biyîeyîm sîmiîrìn

wi inkamın kirie komiigakin mi inigak ikin mi siir hiriinan boinmimauwi. Mi sima hiriinan wakaeyim mi sima ti inkam iirin ina haiburgigim mi sima ina yamim. ³⁷ Mi ti dimin hiriinanin Jisis siya tirkiyin ina haigiririrkiyin, omom omom imiirin. Iriig.

*Jisis siya iikam kasa bi haiswonimniskigin
(Mt 8:14-17; Mk 1:29-34)*

³⁸ Mi Jisis siya ta omaka yaimin dimin nidwokai wakaeya saiir haiburgigin mi Saimon siir omaka aiir yam. Mi Saimon siir niua saeya ma piu huua kiniya saeya niiga. Mi kamim sima ini ikunaki Jisis siirin saiir nini kigniyam. ³⁹ Mi siya ha namın, kimidiniya hiya saeya whina saiir kinginar ini okwowuwın mi siya ta ma huua kiniya igao yai saiir boınki mi ta ma piu huua kiniya ina haiburgiga. Mi saeya biri kimiminkika saeya ina yinsiin idwo sasaugiya mi saeya ini simiir nae imiirar swoki insiin diriraerara.

⁴⁰ Mi iya bieyin nikiiyamki tibin, iikamim nomiiyugakim, sima simiir nomiiyauim mapai mapaigi niyım simiirin ina yikunaniyim, Jisis siirim. Mi siir ina ti iikamim makak makakim simiir piu imiir nonkwokiyim mi siya simiirin ina yinimniskigiyim. ⁴¹ Mi ti uridyıu bibiyeyim iikam whiekakim simiir hir nwowim sima ini warar yınkin amkiyim mi sima igao yaigak hinina ywonamim. He! Kira Adi Komii siir yinisimkin. Mi Jisis siya igao yaigak simiir ywoki mi siya yai simiir bi kignınkin boınaikın. Dimusi rani, sima ina ninokninkinim siya inkamın Mesaia Adi Komii siya nimbınin siya krimiir nanmaiwarkainanin.

Jisis siya yai omakam yaimin dimin nidwokai wakaeyim simiir hir boinmimauugin.

(Mk 1:35-39)

⁴² Mi bienainakarın siya tiki om iir haiburgigin mi siya maeyauwa inkam karamaeya saiir yam, nhwo Adi Komii siirim kwisboinim. Mi iikam whiekakim sima ina yamim Jisis siirim hansiram. Mi iya sima siir hansiryiskaiyin mi siir kwoinin kimidiniya sima yikpitmaiym ti simiir om iir haiburgigsi, siya pi om whira namisi. ⁴³ Mi siya simiir boinki, kara yaiwin kibiya iya Adi Komii krimiir Wanin siya digworaekwo whiekakim mi iikam ikim, simiir kigirkakana saiirin pi iki omom omom nhirim simiir mi boinmimauuwi. Kariirin Adi Komii siyar nikropkikin mi kara hiriinan asi tiri. ⁴⁴ Mi siya ha boin digiyin mi siya ina haiburgigin simiirin mi siya ina yamin Adi Komii siir yaiya saiirin iki omakam, yaimin dimin, nidwokai wakaeyim nu Judia hiranim simiir asi boinmimauuwamkin. Iriig.

5

Jisis siya boinkin Pita siya anasu hoimgak asi haigin

(Mt 4:18-22; Mk 1:16-20)

¹ Mi iigwira Jisis siya Genesaret whigbid hir nwokin. Mi iikam whiekakim sima ha nitim, ini saikar yaninkinuniyim. Adi Komii krimiir Wanin siir yai aiir wakaeyam. ² Mi siya igopsim iswo sowiir kigi sowa whigbid hir nwowi. Mi kamim anasu haiiyim sima ti i iswo sowiir bidi haiburgigo. Mi sima haimna hisoki. ³ Mi Jisis siya iisim ira saiir kwirii, ta iya Saimon Pita siirga. Mi

siya Saimon Pita siir boɪnki siya i aiirɪn hamiiɪsɪma wokiyopkiyɪm yaba hiriir mi siya ta ikopsɪm aiir yidwokai boɪnmɪmauugi Adi Komii siir yai aiirɪn, iikam whiekakɪm sɪmiir.

⁴ Mi Jisis siya yai ha boɪn digiyɪn mi siya Saimon Pita siir boɪnki, iya whiidopwoniya kinaniyam, kira mi kiriir isidɪn kɪma haɪmna ditmai anasu kikaiyɪm. ⁵ Saimon Pita siya ɪna yowarkii boɪnɪn, inkam komii ta nii kirɪeya krɪma whisariiyar mɪriinanaemaowikɪm, anasu whɪrmɪn whɪrmɪn bi swoki iigimɪmɪnkɪn. Mi kira pi boɪnkɪn, kara pi asi nitmai. ⁶ Mi sɪma ha nitmaikiyɪm mi sɪmiir haɪmna anasu kasa bi niigikɪm mi haɪmnain pi hiriyyar pi inanbirgiyɪn. ⁷ Mi sɪma sɪmiir irɪpa miɪyan kamɪm i ɪra saiir nwowɪm sɪmiirɪm kɪnkina, sɪmiir whɪnmɪriiyɪm mi sɪma ha nitɪm mi anasum ɪna yiskaina haigimɪmɪrkiyɪm. Mi i iso ɪni hindara iyɪmɪmɪnkiywo. ⁸ Saimon Pita siya hiriinan kigiyɪn mi ogmwoɪn Jisis siir kingiina ɪni hɪuɪu mi ɪna boɪnɪn, Biɪyan Inkam Komii, kira kariir haiburgik mi kira ha dam! Dimusi rani, kara dimɪn biyɪe tɪran inkamkɪn. ⁹ Siyar mi kamɪm saɪkar nwowɪm, sɪma ti anasu whɪe komiiyɪm sɪma haiyɪm sɪmiir kigiyɪm ɪni hindara yanaakiyɪm. ¹⁰ Sebedi siir yɪnisɪm nwiso Jems, Jon sowa Saimon Pita sɪma irɪpa miɪ kwɪruwa mɪriigɪm. Sowa irɪpa hiriinan ɪni warar mi ɪnkɪn anaakiywo. Mi Jisis siya Saimon Pita siir boɪn, kira kɪpi nɪdid ti anasu kira haiyɪm, mhoɪiya kira iikamɪm sɪmiirɪn wɪ hiriinan haii, kariir mhoɪiya nitamɪn. ¹¹ Mi sɪma i iso ha nadu hɪuwamasukuniyɪm mi sɪmiir digworaekwo whiekakɪm ɪni hirar iyopnɪsugikɪm mi sɪma ɪni Jisis siir mhoɪiyar yamɪm. Iriig.

Jisis siya inkamın paowaigi piskomkopouın siir haiswoniskigın

(Mt 8:1-4; Mk 1:40-45)

¹² Iḡwıra Jisis siya om whirın inkamın paowaigi piskomkopouın siya nwowın siir ini owou. Mi ti inkamın siir piua paowaigi bidi yınkinıua mi iya siya Jisis siir kigwinın mi siya ini Jisis siir igmiiga whwonkam ida kingiınar yakai kaiyırrou whınaiınamın. Mi ina boınaiyın, Inkam Komii kira naıngwowi mi kariırın wı dig kirar nwowaigınıugi. ¹³ Mi Jisis siir ina ha ninkikiya mi siir yanonkwowıuın mi siya boın, kara ha naıngwowi, kiriir ma ha digi! Mi ta ma bi kimiminkika ina digiya. ¹⁴ Jisis siya igao yai siir boınki, kira sibgu mıntarao! Kira wı inkam nwırni kipi boınmauu ti diminın. Niıngaka. Mi pa dam inkamın naemın kimiırsi nınkin imiiyaeiyın Adi Komii siirım pris inkamın kimiir kaoprigi okwowyın siir tını boınmauuıu. Mi kira Adi Komii siirın nae pa dınkin imiiyaeki! Kiriir piu wadie nwowa saırsi. Mi yaiya krımiir brougae Moses siya wınkiya saıir hiriınan. Mi ti kamım nwoki inoknınkin wını kiriir paowaiyım bidi wıskiyım. ¹⁵ Mi diminım Jisis siya tirım simiir yaiya ina yiniyokıgiya. Mi iikam whiekakım siir yai wakaenakiyım nitkim mi maim simiir piı nwokaiyım simiir warar haiswoniskıgiyım. ¹⁶ Mi ii nhirım siya maeyaua inkam karamae pi saıir napnınopkainami mıpi nhwo hir nini kwısbıınııwi. İriig.

Jisis inkamın ıga in nınsımsırııwın siir hais-

*woniskiigigin**(Mt 9:1-8; Mk 2:1-12)*

17 Mi iigwir nabe Jisis siya iikam nhirim simiir nisisiimauugin mi Farisi kam ikim mi kamim siyiu komii komiiyim sim ninokninkiniyim sima hir warar ninkin idwokim. Sima ti omom omom whiekakim nu Galili mi nu Judia mi om komii Jerusalem simiir hirankim nitkim. Mi Biyan Inkam Komiiyin siir kirieya ini Jisis saikar nwowa, makak iikamim simiir haiswoniskiiyim. 18 Kam nhirim sima ha nitim, inkam nwirin iga ina ninsimsiriuninkinin siirin hīgakar hainamin, sima siirin omakanau hiriir haininopkainamim tirkim, Jisis siir igmiiga nini haiginiyim. 19 Dimusi rani, ini iikamki yinkiniu waowim, sima ini siyiuim yinkinyaeyaonamim, ti makak inkamin siir haininopkainamim. Mi sima siirin akoua hiriir hainainam mi sima maeyau kwira saiir yami inikinngi. Ta hīya saiir digar mi ti inkamin ta hī aiir whwonkaiyin sima siirin hīgakar yonkwosiisiisnainam iikam ima nwowa maeyaua saiir bopwoniya. Mi sima Jisis siir whwonkam ida yauuni kikinū. 20 Hya Jisis siya simiir naingwo tībmii kirie saiir kigiyin mi siya ina boinin, nomiiyau, kiriir dimin biyieyim kara bidi haiyoprimdiyūmiiigiyim. 21 Mi kamim siyiu komii ninokninkiniyim mi Farisi kam ikim simasamarin ina yomboin amboinim. Yipikin ti inkamin Adi Komii siir hiriinan boinin? Inkam nwirkin bi swoki haiyoprimdiyūmii srankin dimin biyieyim. Nīngaka. Adi Komii siirarar mīga. 22 Mi simiir kwoinim Jisis siya bidi yinokninkinkiyim mi siya simiir boin, dimugin? Ti hinin kwoinin kimiir

waur nwoyai, ha? ²³ Piki hini dimin kirie ikim kara mirii kamae nwowiyim mi piki hini dimin ikim hiinsima nwowiyim kara mirii kamae nwowiyim? Mi kara ha boini kiriir dimin biyeyim kara bidi haiyoprimdiyumiigiyim ta mi hiriinana ya mi kirie, o mi komii rani, aniya? Mi kara ha boinki, kira dinsiingi mi kiriir hi aiir hainam ya mi komiiga, iye? Mi komii rani, aniya? ²⁴ Yaowae Adin ninomor kou hirankin nin karagin. Mi kimiirin wi karar nisiimauwi kirieya dimin biyeyim simiir haiyoprimdiyumiigiyim mi Jisis siya ti inkamin iga ina ninsimsiriun siir asi boinkikin. Kara kiriir boinki, kira dinsiingi! Mi kiriir hi aiir dinsiin hainam mi kira pi kiriir omaka damigusam! ²⁵ Mi siya biri kimiminkikin ina yinsiin hainamin siir hiya mi siya ini ikamim simiir whwonkam idar yapnamin mi siya mwai ini Adi Komii siir inig iirar hainan ap waowaowamin. ²⁶ Mi sima ina yanaakiyim mi sima naingwoyimi yok prasae bi kinkim mi sima ini Adi Komii siir inig iirar hainanprapraskiyim mi ina boinim, ae! Dimin prasae rani, tapa krma kwakigiyin. Iriig.

*Jisis siya Livai siir nikiunakin
(Mt 9:9-13; Mk 2:13-17)*

²⁷ Mi ti diminin siir mhoiya, Jisis siya napnamin mi siya kigi inkam nwirin omom omomi umir haiyin siir inigin Livaikin, siya omaka siya nidwokai miriia saiir hir nidwokai. Mi Jisis siya siir boinki, kira kariir mhoiya wit. Mi Livai siya ha ninsiingiyin mi siir digworaekwowim ini hirar grirgirikim mi siya ini Jisis siir mhoiya yamin.

28 Livai siya ha ninsiingiyin mi siir digworaek-wowim ini hirar yinsiin haiburgigin mi siya ini Jisis siir mhoiyar yamin.

29 Mi Livai siya nae komiia ina diriraerarin siir omaka hirar, Jisis siiram. Mi kam hoimgakim omom omomi umir haiiyim mi kam nhir ikim, sima warar yinkin idwokai ae sowakan. 30 Mi Farisi kamim mi kamim siyu komii komii ninokninkiniyim sima Farisi simiirar isid whirkin. Kamim Jisis siir kigna miriiyim, simiirin hinina yiniinsao boin, kima wari kamim omom omomi umirim yaeya swoki inkin haiiyim mi kamim siyu biye tiriyikim, nae op min simaka dimusi nidwokai ae kwiyae, ha? 31 Mi Jisis siya simiir yai aka hinina yowarkii boin, inkamin ma karamaeyin, yio siya inkamin paowai widiyin siiram bi swoki amikin. Niingaka. Mi iki makak iikamim pi simasimar nami kamim paowai widiyim simiiram. 32 Kara inkamin paowai widiyin siir hiriinankin, kara iikam miyik miyikim sima ha naingwowim krima iikam miyikim simiir mhi kwoin ninkpit haigi aram bi nitkin. Niingaka. Kara iikam biyeyim hinina naingwowim krima miyik rani, simiir mhi kwoin imiir ninkpit haigiyim nitkin. Iriig.

Nae haiya aeni yaiga

(Mt 9:14-17; Mk 2:18-22)

33 Mi Ferisi iikam nhirim sima Jisis siir boin, Jon siir kigna miriiyim kamim, sima ii kasakasa bi haiyaeikim mi nhwo pranaepranae bi kwisboinikim. Mi Farisi simiir kigna miriiyim kamim yim iriipi hiriinan. Mi kamim kiriir kigna

miriyyim, yim hiriinan bi tirkim, yim sima nae pa mi aei mi opa pa mi kwiyaedi. ³⁴ Mi Jisis siya simiir yai aka hiniina yowarkii boinki, kima ha naingwowi, iya iikamim ti inkamin wig nonkwonain siir wigwas nae aiiram niti, saiir naeyam mi kima wi saiir haiyaki, aniya? Niingaki, niingaka. ³⁵ Mi mhoiya iikam biyie nhirim sima ninkaknan nwowi siir nikiunakiyim. Mi siya siir inkam inkannanim simiir haiburgigi mi taka iya ya nikrani sima nae wi saiir haiyaki.

³⁶ Jisis siya min boiniyokin, inkamin, yuis win haimiyya saiir kipi kintio hai, yuis kaba saiir nitkin panim. Mi siya hiriinan tiri mi ta yuis miyika wi saeya nonkwobumbuwi. Mi ta yuis wina saeya wi yuis biyeya saika wi miyik kig rani. Niingaka. ³⁷ Inkamin wain opa wraisu is kaba saiir bi naokaiigin. Niingaka. Mi siya hiriinan tiri mi ti wain opa saeya niyopiinainii mi wi ta wraisu is kaba saiir mimbimbirgi mi ta wain opa wa naokininkwokwo iuguski. ³⁸ Niingaki, niingakiinga. Mi kira ta wain opa wraisu is miyik aiirar daokai. ³⁹ Ta yaiya saiir yaimwokiyaimwowa saeya hiniinga. Iikamim Moses siir siyu iir napiyim sima boriisopi Jisis siir siyu iir swoki apim mi sima wi hiniina boini ti siyuin siyu paii rani. Mi sima siyu winin digumii siir haimriyugigim mini mi sima siyu biyanin siiramar naingwowi. Iriig.

6

Judami ii komiyya piu siisiya dimin taemin tir

karamae nwowiya saeya mi haiyani iiga
(Mt 12:1-8; Mk 2:23-28)

¹ Mi Juda simiir ii komii kwira piu siisiya dimin taemin tir karam nwowiya Jisis siya witnid numirim simiir bopwowa napriokinamkin. Mi kamim siir kigna miriirim witnid nhirim simiir ki-grimgrirgi haiyamim mi sima ina yinibromprop yonkwomromrok apaeiyamim. ² Mi Ferisi nhirim sima boin mi kima Moses siir siyu komii iir dimusi taouga diriraerarkim, ti diminim Judami ii komiia piu siisiya dimin taemin tir karamae nwowiya saiir haiyam mi kima simiir dimusi tirkim, ha? ³ Jisis siya simiirin hinina yowarkii boin, kima ti diminin biya Devid siya tirin Adi Komii siirin, siir bi nwankim, iya siir isidin sima mhiigi naowim mi sima naeyim, aniya? ⁴ Mi Devid siya omaka komiia Adi Komii siira saiir napninopkainamin mi siya kimidiniya bretin Adi Komii siir ninkin imiiaeyin siir haiyin mi siya ina yaeyin. Mi haimiiyin, kimidiniya siir isid iir hauu ae. Mi kima tari siir biri mwaininokninkinkim, siyu komii siir siyuin, hinin boinkin. Tiki bretin inkam ningaki bi swoki aeikin. Ningaka. Yio pris simiirairgin. ⁵ Mi Jisis siya ina swoki boin, kara Yaowae Adin ninomor kou hiranki nitin siya, ta Judami ii komiia piu siisiya dimin taemin tir karamae nwowiya saiir Biyan Inkam Komii asi nauuni onikin. Mi kima io kariir dimusi nwowi, ha? Iriig.

Jisis siya inkamin ina biyekakin siir
haiswoniskigin
(Mt 12:9-14; Mk 3:1-6)

⁶ Mî Juda simiir ii komii kwîra pîu siiskuwakîya, dimin taemin tir karamae nwowiya Jîsis siya simiir omaka yaimin dimin nidwokai wakaeiya, saiir yapninopkainam. Mî siya simiir yowomwarkaiyîu. Mî inkam nwîrin hir warar nînkîn okîn, siir ina inîga bîdi yînsîmsîriunamim ini paeyaryaowainan ywokiya. ⁷ Mî kamim siyîu komii ninoknînkîniyim mî Farisi kam ikim, sim Jîsis siirîm hirar kaonanae. Sima biri ninoknînkînkîm, siya tî inkamîn siirîn pî Judami ii komiîya pîu siisiya dimin taemin tir karamae nwowiya saiir nasi haiswo nîskîi mî ta hîriinana saiirsi hîuriîyîu boinam mînkîm siirîn. ⁸ Mî Jîsis siya bîdi yînoknînkînin simiir kwoin imiirîn mî siya tî inkamîn inakîn naonînsîmsîriuwîn siir boînkî, kîra tîriir wînsiîn apnani. Mî tîkî inkamîn siya ina ini okwowîuwîn. ⁹ Mî Jîsis siya simiir boînkî, kara kîmiir sîiî, siyîu komiîyîn siya panîna boînkîkîn, Judami ii komiîya pîu siisiya dimin taemin tir karamae nwowiya saiirîn? Mî krîma siyîu mîiyîk tî tir iyîe? Mî siyîu biyîe tî tir, aniya? Mî krîma siir tî haiswonîski haigînîu, ta ii komii aiirîn, iyîe? Mî krîma siirîn hîriiyar tî kîgnîsu ao, iyîe? ¹⁰ Mî Jîsis siya iikam imiir kaoyokiyokîigiyîn mî siya tî inkam iîr boînkî, kîriir inîdîbîn tî inkiyînyînkî. Mî tî inkamîn hîriinan tîrkîyîn mî siir ina ini wadiyar swokî okîya. ¹¹ Mî simiir kwoinim ini haugî haugar whwiyîekîkaigiyîm. Mî ini sima simar whriboinamim mî krîma Jîsis siirîn wî panîn panîna tîrî? Iriig.

*Jisis siya aposel kamim iuur nwisa yimbin
(Mt 10:1-4; Mk 3:13-19)*

¹² Mi taka iya Jisis siya ina iiyamin mhuwisim whirin siir, nhwo Adi Komii siiram kwisboinam. Mi ta nii kirieya siya ini hirar kwisboin parkinkaiyin, Adi Komii siiram. ¹³ Mi bieyin ha maskwonaidniyakwokin mi siya kamim saika miriyyim simiiram yikugi mi siya ti kam iurnwiso simiir yimbin. Mi siya simiir inigim ina dap haiginium aposel. ¹⁴ Simiir inigim hiniin hiniingim. Mi Saimon siir inigin Pita yokdap haiginu mi siir nomousimin yo Endrugin mi nhirim yim sim inigim hiniin hiniingim Jems, Jon, Filip mi Bataromiu. ¹⁵ Matyu, Tumas mi Jems Alpiasni yinisimin mi Saimon siir inig whirin Selot. Ti inig Selotin siir yaimwokiyaimewowa hiniingim miya siya miriyya bi mirii kikipikin. ¹⁶ Judas, Jemsni yinisimin mi Judas Iskariot inkamin wir Jisis siir napwouwin siir sau omomni. Iriig.

*Jisis siya makak iikamim simiir hais-
wonimniskigin
(Mt 4:23-25)*

¹⁷ Mi siya ha digikin mi Jisis siya ini simakar yinkin apniyamin mi siya maeyau hikmainana saiir yokwo iikam isid whiekakim simakar. Mi iikam whiekakim nu Judianim mi om komii Jerusalem, an ikim mi omom om komii Taia mi om komii Saidon sowiir hiriir wainam ikim. Whigbid whigbida wainamim, simiir hiran iikamim sima warar yinkin it. ¹⁸ Mi sima siir yai aiir wakaeyam nitkim mi siya simiir ma imiir mi haiswonimniskiiyim mi iikam nhirim uridyu biyekeni ninkiniuwim simiir warar. Mi siya ina

haiswoniskii haiginiuwun. ¹⁹ Mi iikam whiekakim sima ina Jisis siir nonkwowim minkim. Dimusi rani, siir kirieya sima bidi kigiyin, iikam whiekakim makakim siya haiswonimniskigim. Mi sima ini wadieyar ywokiyim. Iriig.

Jisis siya iikamim maigimaigakakim mi iikamim hikak nwowim simiir boinmimaugim (Mt 5:1-12)

²⁰ Mi Jisis siya kamim siir kigna miriyyim simiir kaoki mi ina boinkiyin, kima ti iikam paeprigabim kima maigimaigadwo. Dimusi rani, Adi Komii siya digworaekwo whiekakim kima miriyyim simiirar kigiraowikim. ²¹ Kima ti iikamim tariinanin maigi naowim kima maigimaigadwo. Dimusi rani, mhoiyya kima wi digworaekwoki naokingugunankaii. Mi kima iikamim ti tariinan ninouninkiyim, mhoiyya kima digworaekwo whiekakak nwowi mi kima wi yaibu simiir grinkin iei.

²² Kira iikamim kinaka nombopboin ae karam nwowiyim mi io kinaka nwowiyim mi yai biyie kiriir nigbumbu boiniyin mi digumii kiriir haimriiyugigiyin kira siiramin maigimaigadwo. Sima ti diminin kiriir whisarii tir tani ni kira ti Yaowae Adin ninomor kouankin nitin kariir siyu iir napkin. ²³ Biyya krimiir brougae wanwiyaeyim, hiriinanar mi tirkim, profet inkam imiirin. Mi kira ti hiriinan diminin siya nimbiyami kira maigimaigadwo prasae kipi nwo, ogmwo warar dinwomwokam. Dimusi rani, mhoiyya kira wi digworaekwo miyyik miyyikak nwowi mi ti

digworaekwowim ini Adi Komii siyar niki onkwo idwowim, ninomor kou hir.

24 Kima ti iikamim umir digworaekwoki naokingugunankaiyuwiyim mi wadie sibgu owipisukaeyamim, kima sibgu mintirao, mhoiia kima wi hik whoimoni hai rani. Dimusi rani, kima wi ninomor kouan digworaekwowim simiir hai rani. Nningaka. 25 Kima mintirao kima wi mhi naekak nwo rani, mhoiia wim wi mhiigi naowi. Mi kima mintirao ti iikamim yaibu ninemamairim kima wi ninouninki prasae kin tani. 26 Mi kima sibgu mintirao iia iikamim sima kimiir nikboin praprasi mi biia krimiir brougaeyim, iriipi hiriinanar mi tirkim, profet niksisaie imiirin. Iriig.

Siyuin io nwowi inkamim simiiram napiyaowi ikin

(Mt 5:38-48; 7:12a)

27 Mi kara kimiirin pi hiniina boinmaugii, iikamim kariir yai aiir wakaeiyim simiiram dapiyao. Mi iikamim io nhwo nanaowiyim, kima simiirin siyu miyik iirar swoki tir haiginu.

28 Mi iikamim yaibiyie kimiir nikbumbuwi mi kima simiirin yai miyik aiirarar boinaiginu mi iikamim sima siyu biyie kimiir tirhaiginuwi mi kima simiiram in Adi Komii siiram srii, siya simiir whinkinsiis haiginuwim. 29 Mi inkam nwirkin kiriir yaeka aiir naka tioki mi ha ti swoki inkpit okwoki, yaeka kwira saiir swoki tiokiyim. Mi inkam nwirki kiriir yuis priiya saiir nishaii mi kira siirin hiriayar kigninkan haigi. Mi kira yuis haruwa kwira, saiir warar swoki inkin

hauugi. ³⁰ Mi inkam nwirkin dimin whiram srii mi kira siirin ha hauugi. Mi inkam nwirki diminin kiriir maeyau hiranki nini hainaki mi kira ha kipi swoki boin, kariir swoki hauugi. Nningaka. ³¹ Diminin kira naingwowyin sima kiriir tiram mi kira simiirin hiriinan dimin iirar swoki tir.

³² Mi iikamim kiriiram naingwowyim simiiram naingwowi, yo dimin komii rani. Mi Adi Komii siya kiriirin wi hinina boin tani kira inkam wadiekin. Nningaka. Mi iikamim dimin biyekakim yim sima iikamim simiiram naingwowyim, simiiramar naingwowikim. ³³ Mi iikamim siyu miyik kiriir tiriyim mi kira simiirin siyu miyik mi tiri, yo dimin komii rani mi Adi Komii siya kiriirin wi hinina boin tani, kira inkam wadiekin. Nningaka. Mi iikamim dimin biyekakim yim sima iriipi hiriinanar mi tirikim. ³⁴ Mi kiriir diminin inkam nwirni hauugi, hindara haisasae miriinakiam, siya kariirin wa swoki hauuwi, yo tiriiginin yo dimin komii rani, Adi Komii siya kiriirin wi yaigak saiirsi nwo rani. Nningaka. Mi iikamim dimin biyekakim yim sima iikamim dimin biyekakim simiir dimin imiirar mi hauu miriisasaekim mipa swoki hainani. Mi yim sima iriipi hiriinan dimin imiirar mi ingigir haligim. ³⁵ Nningaka! Kira iikamim io kinakar nwowoyim simiiram dapiyao mi simiirin siyu miyikar timi tir. Mi diminin hindara haisasae miriyyin, siirin haiyim kipi swoki aingwo. Nningaka. Mi kira hiriinan tiri mi Adi Komii siya kiriirin wi dimin miyik miyik imiira hauuwi. Mi kira wi Adi Komiiyin ninomor kouanin siir yinisimkin nwowi. Dimusi rani, Adi Komii siya iki iikam

biyieyim siirim naingwo karam nwowiyim simiiramar naingwobunaekin. Mi wim kima hiriinanar timi tir. ³⁶ Mi kima simiiramın Adi Komii siya naingwobumbuwa saiir hiriinanar timi aingwobumbu. Iriig.

*Kima inkam nwirni siyuın siir kipi hid
(Mt 7:1-5)*

³⁷ Mi kima iikamim simiirin kamim yai hidiyim simiir hiriinan hid karamae nwowi mi Adi Komii krimiir Wanin siya kimiirin wi mi hid rani. Nningaka. Mi kima iikamim simiir dimin biyieyim simiir haiyoprimdiyumiigi mi Adi Komii siya kimiir dimin biyieyim simiirin wi hiriayar mi haiyoprimdiyumiigii. ³⁸ Mi kima digworaekwowim iikamim simiir hauuwi mi Adi Komii siya digworaekwo kimiir wa mi iyopkaiyuwi mi siya wi yaeya digworaekwo miyik whiekak nhirim warar swoki inkin iyopkaiyugi kimiirin. Mi kima ti hinin diminin siir hauugin iikamim simiir. Mi Adi Komii siya kimiirin wi ti hiriinan dimin iirar swoki hauuwi.

³⁹ Mi Jisis siya boiniyo yaiya kwira boin simiirin, inkam nhwokwisae nwirin, siya wi inkam nhwokwisae nwirin siir swoki iisiisimauu ap rani. Nningaka. Mi siya hiriinan tiri mi sowa nwisairarin wi ieyar napnatkaigai swonami.

⁴⁰ Yinisimin iki ninokninkinam namiyin, siya inkamin iki siir nowomwarkaiyuwiyin siir ninokninkin aiir biri swoki haiburikin. Nningaka. Mi iya yinisimin siya ninokninkin komiigak nwowi mi mhoiya siya wi inkamin siir nowomwarkaiyuwiyin wi siir hiriinana swoki owi.

⁴¹ Mi kira paeka sɪma kɪriir nomiiyauwɪn siir nhwo ɪir nwowa saiir dimusi boɪnkɪn mi kira wari paemɪr komiiya saiir biri kɪgɪn kɪriir nhwo ɪir nwokaiya, aniya? ⁴² Mi kira, kɪriir nomiiyauwɪn siirɪn panɪn panɪna nɪnoknɪnkɪnkɪn? Nomiiyau, kara paekasɪma kɪriir nhwo siir nwowa saiir haiyam mɪni. Mi kira paemɪr komiiya kɪriir nhwo ɪir nwowa saiir biri nɪnoknɪnkɪnkɪn, aniya? Kira nɪksisaeyan inkamkɪn! Biyɪn kira, kɪriir nhwo ɪir nwowa paemɪr komiiya saiir tiki hai. Mi kɪriir nhwowɪn wadie nwowi mi mhoiia kira paekasɪma kɪriir nomiiyauwɪn siir nhwo ɪir nwowa saiirɪn wi hanɪngɪ haii. Iriig.

*Pae biyieyɪn siya nae biyieyar mi budikɪn
(Mt 7:16-20; Mk 12:33-35)*

⁴³ Pae miyikɪn siya nae biyie bi budikɪn. Mi iriipi hiriinan pae biyieyɪn siya nae miyik bi budikɪn. ⁴⁴ Iya inkamɪn siya bɪdi kɪgnɪnoknɪnkɪnkɪn ti paenid hinɪnɪn tabgɪn o amka. Inkamɪn amin nio siir hiranka bi nɪrkuuwigɪn. Mi inkamɪn tabnidɪm pae twaa siir hiranka biri whinaigɪn. Nɪngaka. ⁴⁵ Iikamɪm paenankɪm. Mi inkamɪn kwoɪn miyikakɪn, siya mi miyik miriiyɪn mi inkamɪn kwoɪn biyekakɪn yio wi mi biyie mirii. Ti hinɪn dimɪnɪm. Yai aeya boɪnɪnkɪiigiyɪm mi kɪma dɪnoknɪnkɪnki ti inkamɪn siir mhi kwoɪnɪm ti dimɪn hinɪnɪn bɪdi yɪnkɪnɪukikaiyɪn. Iriig.

*Omaka miriini siyɪu whisko
(Mt 7:24-27)*

⁴⁶ Mi kɪma kariirɪn hinɪna dimusi nikuwi, Biyan Inkam Komii Biyan Inkam Komii mi kɪma kariir yai wakaeyokna karamae dimusi nwowi?

⁴⁷ Yɪpiki iikamkɪm kariir yai aairim nitim mi kariir yai aair wakaeyam nitim. Mi ha wakaeyoknaim, ti iikam hininim yim hiningim. ⁴⁸ Ti iikamim yim sima ti inkamɪn omaka miriyyin siir hiriinankin. Biya siya ie komii iir iki opnainam mi yinim ina inansiingiyim mi op komiyyin siya ha nunaniyyin mi owie komiyyin ha mi aikinani mi ta omaka gobmi wanmi bi swoki kinmiminka. Nningaka. Dimusi rani, siya omaka miyyik bidi sibgu miriyyin. ⁴⁹ Mi inkamɪn kariir yai bidi wakaeyin. Mi siya biri wakaeyoknakin mi yio ini ti inkamɪn ie ida haimbwaenaeyin mi ie mi sibgu priigi karamae nwowiyin, ini siir hiriinan ywowin. Mi mhoiyya op komiyyin ha nakiinamainiyin mi ini omaka aiirar kaihomai namiyamɪn. Jisis siya simiirɪn hiriinan boinkin. Iriig.

7

Jisis siya sauan isidin simiir biyan inkamɪn siir mi miriyyin siir haiswoniskigɪn
(Mt 8:5-13)

¹ Jisis siya ha boin digiyin iikamim simiirɪn mi siya simiir haiburgigɪn mi om Kapaneam hiriir yimbiam. ² Mi nu Rom hiran sauan isidin simiir biyan inkamɪn siya, siir miyyan inkamɪn siirima naingwonanaeikin mi siya niyya ma komiika, siya nao kingiina nwokin. ³ Ti simiir biyan inkamɪn siya Jisis siir yai bidi iki wakaeyin mi siya iki Juda simiir biyan inkamim simiir yikropki sima Jisis siir nikunakiyim. Mi siir miyyan inkamɪn siir haiswoniski haiginuwim. ⁴ Mi sima Jisis siir hiriir nibiyamɪn mi kimidiniya sima yikiuwirwirna

siirin. Tiki inkamin siir biyan inkamin siya inkam biyekki mi iuwi. Nningaka. Inkam wadie ieyargin mi kira siirin sibgu tirhaiginu. ⁵ Siya Juda krimiir iikamim simiiramar naingwokwonanaeikin mi krimiir omaka yaimin dimin nidwokai wakaeiya saiirin siyar miriiga.

⁶ Mi sima ta yaiya ha boindigiyim mi Jisis siya ini simakar yinkin amin. Mi iya sima ti inkam makakin siir omaka kingiin namwowuim mi biyan inkamin siya siir nomiiyau nhirim simiir yikropki Jisis siiram siyu hir napiyiskai boinwinam. Mi sima hinina yaboini, Inkam Komii! Kira yaki prii it, an kara inkam miyik rani mi kira kariir omaka aiirin pa nit rani. Nningaka.

⁷ Mi an kara iriipa hiriinan kariiram paninsi mi itsi. Kara ha naingwowi, kira yaiarar boinki mi kariir miyan inkamin pi wadie nwoki okiyim.

⁸ Dimusi rani, an kara ini inkamin inig komiigakin mi kariir hauuwiyin, ini siir aowa ywowin. Mi an karar in sauan isidin kara kigriraowiyin ini simiir kou ywowin. Mi kara iki nwirni boinkiyim mi siya pa mi ami mi kara nwirniyin iki hinina boinkiyim, kira wit mi siya pa mi iti mi kara kariir miyan inkamin siirin ha boiniyim, kira ta mi hinina saiir mirii mi siya pa mi mirii.

⁹ Mi i Jisis siya ta yai aiir wakaeyin mi siya ini hindara yanaakiyin. Mi siya ti iikam isid komiiyin siir mhoyiya nwokiyim simiir haiyugkaokiyin mi hinina boinki mi Isrel hiran iikamim kara ta hiriinan naingwo tibmii saiir biri kigin. Nningaka.

¹⁰ Mi ti biyan inkamin siya nikropkiyim kamim sima ina swoki amim simiir omaka hiriir mi sima kigni ti siir miyan inkamin wadeki wadie bidi

swoki okiyin. Iriig.

Jisis siya igabae ıra saiir yinisimın siir hais-woniski okwonaowidgin

¹¹ Mi mhoiyya Jisis siya om komii whirin siir yam, siir inigin Nen. Mi kamim siir kigna miriyyim mi iikam isid komiyyin saika ninkin amkin. ¹² Mi ii siya om komii siir omwois kingiin nwowamin mi iikam isid komiyyin sima ti isidin inkam whirin siir nio haiginamim sima om komii siir omwois hiranki napnambinani. Ta igabaeya saiir yinisim nwirkinwiruwan sisiyairgin. Mi om komii hiran iikam whiekakim saika ninkin itkim. ¹³ Mi ta iyya Biyyan Inkam Komii siya saiir kigiyyin mi siir kwoinin saiirsiyyin naingwoyimiyyok pranae biri swoki kinkin. Mi siya saiir boinki, kira kipi nou. ¹⁴ Mi siya kingiin ha namin mi ta hiiya inkam whirin siya whina saiir yonkwoki. Mi ta hii aiir hainamim kamim sima ini hindara yamikwoiium. Mi siya siir boinki, whranisim, kara kiriir boinki, kira dinsiin okwoki. ¹⁵ Mi whranisimın niki aonamin siya ina yinsiin idwokiyyin mi siya ina boinaikiyyin. Mi Jisis siya siirin ina swoki boinkiyyin siir apu airam. ¹⁶ Mi iikamim sima asi nididgin. Mi sima ina yomboin ididnamim, amburii, tiki profet inkamkin. Mi sima ini Adi Komii krimiir Wanin siir inig iirar hainanim mi sima boin, profet inkam komii nwirin krimiir bopwoniya tir bidi yimbiniyyin, Adi Komiiyyin bidi yimbiniyyin siir iikamim simiir nanmaiwarkainam. ¹⁷ Mi ti diminin Jisis siya tirkiyyin siya ini nu Judia siirar haigiririr boinamim mi nu maeyau nu Judia siir kingiin hir nwowim simiir warar. Iriig.

*Jon siya siir kigna mirii inkam nwiso sowerin
Jisis siiram yikropki
(Mt 11:2-19)*

¹⁸ Mi Jon siir kigna mirii kamim sima dimin whiekakim Jisis siya tirim, Jon siir boinmauu mi siya inkam nwiso sowerim boinki, sowa siirim nitim. ¹⁹ Mi Biyan Inkam Komii siirim yikropki mi siirin hinina tini sruiyu mi kira ti profet inkamin nitim boinin siya mi krma kiriirim dwokwokin, iyie? Siya rani, nwirkin?

²⁰ Mi iya sowa Jisis siir hiriir nimbiamoo. Mi sowa hinina boin, Jonin op baptais haiginuwiyin kriiririn siya nikropkikin kiriirim nitim mi siya boin mi kira ti inkamin profet inkamin sima boinin nitam siya. Iyie? Krma wi yaeya inkam nwirim dwokwokin? ²¹ Mi taki iya Jisis siya iikamim mapai mapaikakim kasaka biri haiswoniskikin. Mi iikamim uridyu biyekakim ha haiswonimnskigi mi iikam nhwokwisae kasaka biri diriraerarkikin mi sima ina swoki kigomokiyim. ²² Mi Jisis siya Jon siir kigna mirii inkam nwiso sowerin hinina yowarkii boin, kowa ha dam, Jon siir tini boinmimauuu ti diminim kowa kig namim mi kowa wakaeyim simiir mi nhwo kwisaeyim ha swoki kaokiyim mi iikamim iga bibiyie nwowim ina swoki sibgu apririramim. Mi iikamim paowaigi piskomkopowim sima ini wadeyar swoki okiyim. Mi inkam wirim ina swoki insiin idwowim mi inkam paeprikabim sima ini Adi Komii siir yokwo yaiwin maiyika sairar wakaeyim. ²³ Yipiki inkamkin siya io kariir nwo karamae nwowiyin siya ha maingimainga. Mi siir naingwo tibmii kana mi siya hiriirar

mairgimairga yokiyoki.

²⁴ Mi inkam nwisso Jon siya nikropkiyo mi sowa ina swoki amo mi Jisis siya Jon siirin iikamim simiir boinmauu. Mi siya ina boinin, kima maeyau nu siin apa saiirin dimu dimin kigam namkim? Mi kima tari au whirin opudgi hugswoswowin siir kigam namkim. Aniya? Nningaka. ²⁵ Kima dimu dimin komii kigam namkim? Mi kima tari inkam nwirin yuis miyik miyik niyin siir kigam namkim, aniya? Mi inkamim yuis miyik niyim mi dimin taemin miyik miyikakim sima ti hiriinan inkamim yim ini inkam komiiyim nu kigriraowiyim simiir omaka hirar nwowim. Jon siya ti hiriinan inkamin siya rani. ²⁶ Kariir boinmauu, kima dimu dimin kigam naingwowi profet inkam? Ihi kara kimiir boinmauuwi, siya profet inkamairgin mi siya ini profet nhirim simiir haiburin. ²⁷ Ti inkamin Jon, Yokwo Komii saeya hinina boinkin siirin, wakae, kara inkamin kariir yaiya saiir boinmimauuwanin wi siir nikropki mi siya wi kariir biyar namkwokini. Mi kariir siyiuin wi siyar kisop haigikwokini. ²⁸ Kara kimiir boinmauuwi Jon siya inkam komiikin mi siya ini inkam komiiyim yopiigim naokainam ini simiir haiburim mi tiki isidin iya Adi Komii siya siir digworaekwo whiekakim simiir kigirkakana saiir sima inig komiigag wao rani. Nningaka. Siya ini simiir aowa ywowin.

²⁹ Mi iikam whiekakim mi kamim omom omomi umir haiiyim sima ta Jisis siir yai aiir bidi wakaeyim mi sima Adi Komii siir inig iirar hainanprapraskiyim mi sima ini siir yai aiirar wakaeyoknam mi sima op Jon siir hiranki baptais.

³⁰ Mi Farisi kamim mi kamim siyiu komii komiiyim simiir ninokninkiniyim mi siyiu miyikin Adi Komii siya hauuwun, digiumii siir haimriyugig. Mi Jon siya simiirin op paninsi baptais haiginiusi.

³¹ Mi Jisis siya simiir boinki, ti iikamim nuanim tapa digiumii Adi Komii siir haimriyugigim, kara simiirin panin panin iikam nimbun haiginiuwi, sima panin panin iikamkim? Mi kara pi kimiir boinmauugi. ³² Sima ini yinisimnan ywowim maeyaua nae haiginiya simiir yopii ad aka namiyim saiir hiriinan. Mi iya sima maeyaua nae haiginiya saiir nwowim mi sima yinisim nhirim simiirin hiniina boinki. Mi krima kid ina masim kimiiramim mi kima mwai wao rani. Mi krima tisa nouuboponim mi kima krima nouuim pi boriisopi. ³³ Jonin op baptais haiginiuwiyin ha nitin mi nae op wain minim ina haiyakiyim. Mi kima hiniina boinkim, uridyiu biyieyin ini siir piu hir nwowun. ³⁴ Kara Yaowae Adin ninomor kou hiranin bidi yitin. Mi kara nae op wain mina mi kwiyae aeikin. Mi kima boin, kigi! Tiki inkamim siya hunan naeikin. Mi siya waina mi kwiyaeikin. Tiki inkamim kamim omom omomi umir haiyim mi kamim dimin biyekakim simiir nomiiyaugin kima hiniina boinkim. ³⁵ Iikamim Adi Komii siir siyiu imiir napim mi iikam nhirim sima hiriinan kigiyim mi sima ina yaingwokiyim Adi Komii siir siyiuin mi siir yayim sima wadieki wadie kingim. Jisis siir yaiya hiriinanka ini dig ywokiya. Iriig.

Wig ira dimin biyekaka wa Jisis siir iga aiir niyopka

³⁶ Mi Farisi inkam nwirin Jisis siirim yikiugi nae siir omaka hir nidwokai aeyim mi siya ina iiyamim

mi nae ini saika ini idwokai aeyiun. ³⁷ Mi wig ira dimin biyiekaka ti om iir nwoka. Saeya wakaewin Jisis siya Farisi inkam nwirin siir omaka hir naei. Mi ta wiga saeya wa mobin piuii miyikakin ira hai mi saeya ina yita. ³⁸ Mi wa mobin ha hainaniyin mi saeya Jisis siir igmii kingiin ha nini idwowa mi saeya ina youa. Mi saiir ouwobim ini siir iga aiirar yauni houg in ium. Mi ini saiir mwowan kana saiirar yinak whwosinkiya. Mi ha ninak digiya ini siir igrib iirar yankabmamaira. Mi saeya hiriinan tir digiya mi wa ini siir iga aiirar iyopa. ³⁹ Mi ti Farisi inkamin Jisis siir nikiuna aeyin nae, siya ti diminin siir kigiyin mi siya hinina yangwo mi ti inkamin siya profet inkam kinginiuwi mi siya pa ninokninkini ta wiga in siir nokwowa saiirin mi saiir siyu iir warar. Ta wiga saeya dimin biye tiran wiga. ⁴⁰ Mi Jisis siya hinina boin, saimon, kara yai nhirim kiriir boinmauwam mini. Mi Saimon siya boin, inkamin iikam nowomwarkaiyuwiyin kira kiriir yaiyim ha boinki.

⁴¹ Mi Jisis siya boin, inkamo nwisa nwowi sowa umirim hindara niki prihainaniko inkam nwirin siir hirankin. Mi nwirin paeyarin iur mi nwirin paeyarin hara mi hai. ⁴² Sowa tiki umir iir swoki hauukiyu dig nwo rani. Mi tiki inkamin siya ina kisina boinin, kowa umir kariir kipi swoki hauukiyu, yo dimin komii rani. Yipiki sowiir nwirki wi maigimaigra komiigak nwowi ti inkamin siirim? ⁴³ Mi Saimon siya hinina yowarki boin, kariir kwoinin hinina naingwowi ti inkamin umir komii haiyin wi siyar nwowi maigimaigra komiigakin. Jisis siya boin, wa kiriir yaiya kaimwoka. ⁴⁴ Siya ha boin digiyin, Jisis

siya ta wig aiir kwakaowin mi siya Saimon siir boinki, kira ta wiga tir nwowa saiir kigi. Kara kiriir omaka napn nopkainaniyin mi op kariir iga aiir hisokim bi swoki hauugin. Ningaka. Mi ta wiga saeya kariir iga saiir ouwob aiirar hisoka mi ini saiir kan aiirar yinak waisinkiya. ⁴⁵ Mi iya kara kiriiram nin, kira kariir bi nankabmamarwinkin. Ningaka. Karar napn nopkainaniyin mi saeya ini kariir igrib iir yankabmamarwanaeya. ⁴⁶ Mi kira wa puu miyikakim kariir mwo biri swoki aokin haiginiugin. Ningaka, ta wiga saeya wa miyikni saeyar hisok haiginiugin kariir iga. ⁴⁷ Kara kiriir boinki, saeya kariiramar naingwo kini. Ta wiga saeya aknainan nisiimauuga iikam whiekakim simiir. Dimusi rani, saiir kwoin komiyyin kariiramar naingwo kinga mi kara saiir dimin biye biye whiekakim simiir asi haiyoprindiyumiigi swokikim. Mi kara inkamin dimin biye sim tirin siir haiyoprindiyumiigi, ti inkam hiriinanin siya kariiramin haimisima naingwowi. Mi siya ta yai aiir ha boin digiyin. ⁴⁸ Mi Jisis siya wig aiir boinki, kara kiriir dimin biye imiir bidi haiyoprindiyumiigiyim. ⁴⁹ Mi iikam nhirim ta hiya siya nidwokaiya saiir nwowim sima sima yomboin amboinim Yipiki siya pi krimiir dimin biye biyeyim pi simiir haiyoprindiyumiigii? ⁵⁰ Mi Jisis siya ta wig aiir boinki, kiriir naingwo tibmiya kiriir dimin biye biyeyim saeyar haiyoprindiyumiigi, kira ha dam mi kiriir mhi kwoinim hiinsima dwonam. Iriig.

Wig nhirim sima Jisis siir mhoiyya yapnam

¹ Mi mhoiyya Jisis siya om komii komii ikim mi omisisim ikim simiir hiriir yapnam. Siya Adi Komii siir yaiwin kibi aiir boinmimauugin iya Adi Komii siya digworaekwo whiekakim nuanim simiir kigirkakana mi kam iuur nwiso ini saikar yinkin amim. ² Mi wig nhirim biya Jisis siya haiswoniskiyim uridyiu biyekakim mi makak makak ikim sima saika yinkin apnam. Ira Mariaka, Makdalanka. Biya Jisis siya uridyiu biyeyim saiirin iriyyar nwisa haiswoniski. ³ Joana saeya inkam nwirin Susa inkam komiyyin Herot siir yaimin dimin winiyyin siir wig aeya mi Susana saeya mi wig nhirima sima ini saika yinkin amim. Ti wigim sima Jisis mi kamim siir kigna miriyyim simiir nae digworaekwo imiir whindiraerar hauu aekim simiir yapayapa umir imiirar. Iriig.

Inkam nwirin wit nid nitkinin numir (Mt 13:1-9; Mk 4:1-9)

⁴ Iikam nhirim ha niki woknaniyyim om komii komii nhirim simiir hirankin, Jisis mi iikam whiekakim ha nahaingiriyiuniyyim. Mi Jisis siya boiniyo yai kwira simiir boin, ⁵ Inkam nwirin witnidim siir numir hir nitkinin namkin mi siya ha nonkwo krimkrinkii itkinamin mi nhirim siyiu hir yamikugiyiu mi ini iikamkim yinkin okwo brombrop namim mi ipiyyin minim sim yatkikin idwo aenamim. ⁶ Mi witnid nhirim maeyau siyakaka saiir nakaiyyim, yim ha whakiyyim mi nuin opkak bi nwokin mi ti witnidim ina waiyugusnamim. ⁷ Mi witnid nhirim urid nimiridgakin siir bopwoniya nakaiyyim, yim

ini sima yisirimdinunamim. ⁸ Mi tiki witnid nhirim nu miyikni nikiiyim mi sima ini wadieyar whaknainamim mi ini nae hoimkakar budkiyim mi simiir nhirim wowira wowira kamarim iriiyar iriiyara bud. Siir yaiyim ha digiyim mi Jisis siya ina swoki boinkiyin, kira inkamin wiingakaingin ta kariir yai aiir wakae, kira sibgu daingworinu kripkai. Iriig.

*Ta boiniyo yaiya saiir yaimwo aeya
(Mt 13:10-17; Mk 4:10-12)*

⁹ Mi kamim siir kigna miriiyim sima Jisis siir srii, wara boiniyo yaiya saiir yaimwokiyaimwowa paninga? ¹⁰ Mi siya simiirin hiniina yowarkii boinki, Adi Komii siya simiir yaimwok yaimwoim aowa aowan yaiyim kimiir bidi boinmimauuwun, iya Adi Komii siya digworaekwo whiekakim simiir kigirkakana, kimiir bidi boinmamauuwun iki boiniyo yai ara kara boiniyim simiir nhwowim isa kigim mi winim isa wakaeyim, sima ninokninkin wao rani, ti dimin iirin. Iriig.

*Wit nidin siir boiniyo yaiya saiir yaimwo aeya
(Mt 13:18-23; Mk 4:13-20)*

¹¹ Taka boiniyo yaiya saiir yaimwok yaimwowa hiniinga, tiki witnidin Adi Komii krimiir Wanin siir yai aeyarga. ¹² Mi ti witnidim siyiu nikiiyim, yim ini iikamim Adi Komii siir yai wakaeyim simiir hiriinan ywowim mi mhoyiya Setan siya ina swoki itnoutninkikiiyim, simiir naingwo tibmiini siyiuin siir kikinokou mi Setan siya ha naingwokin simiirin wi Adi Komii siya nanmaiwarkainaesi. ¹³ Mi witnid nhirim maeyau siiyakaka saiir nikiiyim yim ini Adi

Komii siir yai wakaeyoknam mi sima ini maigimaigra ywowim mi ta yaiya simiir kwoina bi nigruramka simiir naingwo tibmiiya komii bi nwoka sima haimeisima naingwo tibmiigim, iya simiirin dimin whirkin kinankuwiyim mi simiir naingwo tibmiiya asi niki uguski. ¹⁴ Mi witnidim uridin nimiridgakin siir bopwoniya nakaigaiyim, yim ini iikamim Adi Komii siir wakaeyoknaeyim simiir hiriinan yowim mi iya sima ha napnamim mi hikpai hikpaiyim mi maigimaigaim umir digworaekwowim nu tiranim ini simar yisirimdinu waigiyim mi simiir naeyim miyik paninsi budsi. ¹⁵ Mi witnidim nu maeyau miyik nikiyim yim ini iikamim Adi Komii siir yai aiiir wakaeyokna nonkworinukripkaiyim mi simiir mhai kwoinim hiinsima nwowim ini simiir hiriinan ywowim. Mi simiir kwoinim Adi Komii siirim naingwo tibmii kingim mi sima siir yai aiiirar wakaeyokna diriraerar yokiyokiyim. Yim ini ti nae whiekakim numiran sasaeyim wai sibgu okiyim simiir hiriinan ywowim. Iriig.

Sima yuukidin niuyaeiyin two aowa hangumu haigikin

(Mk 4:21-25)

¹⁶ Mi inkamin sima yuukidin niuyaeiyin siirin twoni biri higrinuwikin mi hai aowa biri haigiprakaiigim. Nningaka. Siya romiyasin bopwoniya nwowin siir ninankiigin. Mi iikamim sima omaka hiriir napninopkainami mi sima pi pae aiiirar kigami. ¹⁷ Tariinanin dimin nhirim aowa aowa nwowim mi sima mhoiia wi idowiiyar nimbiam. Mi digworaekwo nhirim

inkamki higrinuum mi mhoiyya wi Adi Komii siyar haiginki idowiiya mi iikamim sima siirin wa kigi.

¹⁸ Kima mintarao mi kima yayim sibgu wakaeyokna. Yipiki inkamkin ninokninkin miyikak nwowin mi Adi Komii siya siirin wi hiriinan ninokninkin miyik aiarar swoki ink in hau gi. Mi yipiki inkamkin siya kwoinarar naingwowi siir kwoinawu hirar ta yai sair nonkwowim mi ha wakaeyoknaei mi hiriinan inkamin yai miyikim siir kwoinawu hirira nwokaiyim, ti yayim simiirin wi Adi Komii siyar swoki hai siir hirankin. Iriig.

*Jisis siir apu aeya mi siir nomousisim ima
(Mt 12:46-50; Mk 3:31-35)*

¹⁹ Ta iyya Jisis siir apua mi siir nomousisimim sima siir kigam nitkim mi iikamim ini yinkinukikinim mi sima siir kingiin paninsi yamsi. ²⁰ Mi inkam nwirin siir boinki, kiriir apua mi kiriir nomousisimim sima ini yab hir nokwowim, sima kiriir kigam mini. ²¹ Mi Jisis siya ina yowarki boinin, yipiki iikamkim Adi Komii siir yai miyika sairim naingwo tibmiyim mi ha wakaeyoknam, yim ti hiriinan iikamim yim kariir apu mi nomousisimkim. Iriig.

*Opud komiyya Jisis siya boinkiya ina digiya
(Mt 8:23-27; Mk 4:35-41)*

²² Mi igwira Jisis siya mi kamim siir kigna miriirim sima ina kwirinamim i kopsim ira sair. Mi siya simiir boinki, krima pi whigbid yarmi- iya nami. Mi sima ina yamim. ²³ Mi isima ha hugainama mi Jisis siya nhwo bidi whwonkaiyin

mi opud komii kwira ha hugnatmaiya mi opa pariiparii mirkimirka ninkinim ta i aiirin. Mi sima nwomainainamim pariipariisim. ²⁴ Mi kamim siir kigna miriiyim, sima Jisis siir yami indguwu mi sima ina boinim, Biyan Inkamti, Biyan Inkamti, hae, nimbini nwomainainamiri. Mi siya ha ninsiin idwokaiyin mi io ti opud hinin komiyya saiir ywoki. Mi opud hinin komiyya ina digiya mi opa ini mokmokuwaiyar yomaikiya. ²⁵ Mi siya simiir boinki, kimiir naingwo tibiimiyi ini pinda yama? Mi sima ha nididim mi ina yinaingwoyimiyokim. Mi sima sima yimboin amboinim, ti yipikin? Ti opud hinino sowiir boinkiyin mi sowa ini siir yai aiirar wakaeyok-nakiyo. Iriig.

Jisis siya inkam uridyiu biyekakin siir hais-woniskikin

(Mt 8:28-34; Mk 5:1-20)

²⁶ Mi mhoiyya sima ina kignaidamim Gegesan iikamim simiir oma hiriir. Tiki omin ini nu Galili siir whigbid yarmiyya nwowin. ²⁷ Mi Jisis siya isima saiir haiburgigin mi ha kunamin mi inkam nwirin ti omin siir hirankin, siya ina yitin siirim. Mi uridyiu biye nhirim ti inkamin siir nwokim. Fi haruwa rani ti inkamin siya yuis biri kaigin mi siya siir omaka biri nwowikin. Ningaka. Mi siya siyanowim inkam kikaiiyim simiir nwokin. ²⁸ Mi iyya siya Jisis siir kigiyin mi siya ha kauwaeyimiyok ougiyin mi siya ogmwo ini siir igmiiga kingiinar ini huwuiun mi siya ina kauwok boinkiyin, Jisis o! Adi Komii ninomor kouanin siir yinisimin, kira kariirin dimu tiram mini? Wakae! Kira kariirin hik kipi hauu. ²⁹ Mi Jisis

siya ti uridyū biyieyin siir boinki, siya ti inkam iir haiburgigin. Ii kasa rani, ti uridyū biyieyin siya nonkwowin ti inkamin siir. Mi kamim inokinok siir kigiraowiyim, sima siirin wiewinsopni (sen) mi tidop (hankap) kurimdinuwikim siir iga in imiirin. Mi siya ti wiewinsop minim pi simiirar mi anka bimbir nami. Mi uridyū biyieyin siya siirin maeyau siin apa nanga inkam karamaeya siirin pi hiriir mi inkin aeyokiyok nami ti inkamin siirin. ³⁰ Mi Jisis siya siir srigi, kariir inigin yipikin? Mi siya boin, kariir inigin uridyū biyie whiekakim. Dimusi rani, uridyū biyie whiekakim ini siir yaninkinuwuim. ³¹ Mi ti uridyū biyieyin sima ini Jisis siirima kauwoknanaekiyim, kira krimiirin ie biyieyin paekakin siirim kipi niyopriyugi.

³² Hu isid komii whirin ti mhu kopsim whirin kingiina kwowin siir naekim. Mi ti uridyū biyie whiekakim sima Jisis siirim asi kauwok boininaekim. Kira krimiirin ti hu isid komiiyin siirim dikropki. Mi Jisis siya simiirin asi kigninkin amkikin. ³³ Mi ti uridyū biyieyin ti inkamin siir haiburgigin mi ti huim simiir puar yamkiyim. Mi ti hu isid komiiyin mhuiku hiranki niwitnaniniyim mi ini siyapai amounana sairar yamim. Mi sima ini ta whii aiirar yani amaimaiyuwim mi sima opa ha kwiyaeyim mi sima ina yaonamim.

³⁴ Mi kamim ti hu imiir waikaowiyim sima ti dimin iir kigiyim mi sima ina yidam namim. Mi ta yaiya sima ina haigiririr boinama iikam whiekakim hinda tindanim simiir. ³⁵ Mi iikamim sima ti diminin siir ini kigu. Mi sima Jisis siir hiriir nimbiamim mi ti inkam iir kig uridyū

biyeyim siir bidi haiburgigim. Mi siya yuis bidi kaiyin mi siir kwoinin ini wadeya nwowin mi siya Jisis siir igmiiga kinginar nidwowi. Mi iikamim sima hiriinan kigim mi sima ina yididgiyim. ³⁶ Mi iikamim ti diminin siir kignakiyim sima iikam nhirim simiir boinmamaau siyiuin Jisis siya haiswoniskiyin ti inkamin siir. ³⁷ Mi iikam whiekakim Gegesa hiran nu maeyauwim sima Jisis siir boinki, kira krimiir haiburgik mi ha dam. Sima nidid prasae bi kikinkim mi sima hiriinan asi boinkim mi Jisis siya isim aiir kwirii mi siya namim swoki minkin. ³⁸ Ti inkamin uridyiu biyeyim sima haiburgigin, siya Jisis siirim kauwok boinanaeki, kara kinaka nami. Mi Jisis siya siirin ina swoki ikropkiyin mi ina boinkiyin, ³⁹ Kira kiriir oma hiriirar swoki am. Mi dimin whiekakim Adi Komii siya tirkiyim simiir tini boinmamauwuu. Mi ti inkamin siya ha namim mi ti yaiyim iikam whiekakim om komii siir hiranin ini simiirar boinmamauwuwuin dimin whiekakim Jisis siya tirim simiir. Iriig.

Jisis siya haiswoniskikin wiga siir yuis nonkwowa

(Mt 9:18-26; Mk 5:21-43)

⁴⁰ Mi iiya Jisis siya ha swoki amin whigbid yarmiiya hiriir mi iikam whiekakim sima hirar nwowinim mi sima siirin ina boin maigimaigawinim. ⁴¹ Mi inkam nwirin ina yimbiniyin siir inigin Jairaskin. Siya maeyauwa iripa yai boinaiya huuyokiyokaiya saiir biyan inkamkin. Mi siya igmwowin Jisis siir igmiiga kinginar ini huuu mi ina kauwok boinanaekikin, kira kariir omaka wit. ⁴² Mi siir yinisima irki iruwaka mi saeya

yinkopaka. Mi saiir biewiyim iuur whisko. Mi saeya naowamar tiri. Mi Jisis siya ha napnamin mi iikam isid komiiyin sima ini Jisis siir mhoiiyar yamim. Mi sima ini iripa iripa yonamim. ⁴³ Mi wiga ira nwowi, iinokiiinokin saeya piu biyieka napidwodwomaimiiga biewiyim iuur whis, kamim paowai udiyim simiir nwiirkin saiir ma aiir bi swoki owaiginukin miyik. Nningaka. ⁴⁴ Mi ta wiga saeya Jisis siir digiwa kingiin ha nita mi saeya ini siir yuis prieya saiir mwois iirar yaka onkwokiya mi saeya hiriinan tirkiya mi bi kimiminkika ta piu biyieya saeya nwowa ina yinkisanakiya mi mhoiia saeya bi swoki imbiyamka. ⁴⁵ Mi Jisis siya sriigi, yipikin ina kariir naka onkwokiyin? Mi iikam whiekakim ina boinkiyim, an nninga, an nninga. Mi Pita siya ina boinkiyin, inkam Komii iikam isid komiiyin wasi kiriirar nokwoyokaiyim, simar kwakikin namkim. ⁴⁶ Mi Jisis siya boinki, ina kariirin nwiirka nonkwokikin. Mi kara ina kinankugiyin, kirie nhirim kariir bidi haiburgigim. ⁴⁷ Mi ta wiga saeya ninokninkinkiya mi saeya ini nidid komiigakar yowa mi saeya siirsi bi swoki impioka mi saeya igmwo ini Jisis siir miiga ini hiiuwuwa. Mi iikam whiekakim simiir whwonkam ida saeya ina boina, iya kara Jisis siir yuis aiir nonkwokiya, kariir ma biri kimiminkika saeya ina digiya. ⁴⁸ Jisis siya boinki, kariir yinisim yinkopak, kiriirin kiriir naingwo tibmii miyika saeyar nwowaiginugika mi kira ha dam mi kiriir mhi kwoinim hiinsima dwonam.

⁴⁹ Mi Jisis siya ha niki boinaiyin mi biyan inkamin Jairas, siir omaka hiran inkamin siya

ha n̄t̄in mi ina ini boin̄iw̄in siir̄in, k̄iriir ȳinisim ȳinkopaka b̄idi yaonama. K̄ira inkam̄in dim̄in taem̄in now̄imwarkaiȳiw̄iȳin k̄igi siir̄ k̄ipi n̄inki. ⁵⁰ Mi J̄isis siya ta yaiya aiir wakaekiȳin mi siya J̄airas siir̄ yai anaka h̄in̄ina yowark̄i boin̄, k̄ira k̄ipi n̄idid. Mi k̄ira hindara daingwo t̄ibm̄ii iski mi k̄iriir ȳinisim ȳinkopaka saeya w̄i m̄iyyika nwoki ow̄im. ⁵¹ Mi J̄isis siya J̄airas siir̄ omaka h̄iriir yam mi siya iikam wh̄iekak̄im s̄imiir̄in omakanau h̄iriir̄in saika b̄iri k̄ign̄ink̄in ap̄n̄inopkai namk̄im. N̄ingaka. Pita, Jon, Jems mi ta ȳinisim ȳinkopaka saiir̄ yopii ad owa s̄imas̄imar yap̄n̄inopkainam saikan. ⁵² Mi iikam wh̄iekak̄im s̄ima ta ȳinisim ȳinkopaka saiir̄imar nanka n̄inouḡim mi s̄ima h̄irar nounanaek̄im. Mi J̄isis siya s̄imiir̄ boin̄ki, k̄ima k̄ipi nou, saeya b̄iri naoka, saeya nhwo whwonk̄aii. ⁵³ Mi s̄ima siir̄in yaibu prasae b̄iri n̄iek̄im. Dimusi rani, s̄ima b̄idi ȳinokn̄ink̄inim, saeya b̄idiya yaonama. ⁵⁴ Mi J̄isis siya ta ȳinisim ȳinkopaka saiir̄ in̄ aiir yonkwoki mi ina boin̄kiȳin, ȳinisim ȳinkopak, k̄ira d̄insiingi. ⁵⁵ Mi ta ȳinisim ȳinkopaka saiir̄ p̄uḡina ina swoki ita saiir̄im. Mi b̄iri kim̄im̄ink̄ika saeya ina ȳinsiin idwokiya. Mi J̄isis siya s̄imiir̄ boin̄ki, k̄ima nae nh̄irim saiir̄ hauu ae. ⁵⁶ Mi ta ȳinisim ȳinkopaka saiir̄ yopii ado sowa ini mounana sinkaokiyo. Mi J̄isis siya sowiir̄in ina boin̄kiȳin, t̄i dim̄in̄in siir̄in kowa inkam nw̄ir̄ni k̄ipi swoki boin̄mauu m̄im̄in. Iriig.

9

J̄isis siya kam̄im siir̄ k̄igna m̄iriyȳim m̄i s̄imiir̄

*hauugin**(Mt 10:5-15; Mk 6:7-13)*

¹ Jisis siya kam iur nwisu siir kigna miriyyim simiir yikiuna iripa haingiriyuim mi siya kirie komii mi inig komii simiir hauuwim. Uridyiu biyie biyeyim mi mapai mapaiyim simiir haiswonimniskiyim. ² Mi siya simiirin ina yikropkiyim iya Adi Komii siya siir digworaekwowim simiir kigirkakana sair boinmamauuam mi makak iikamim simiir mi inimniskiyim. ³ Mi siya simiir boinki, kima digworaekwo wara kipi hai apnam mi kima nae minim mi umir hoknibim mi paekopim hogwokwo apiyim simiir wara kipi hainam. Mi kima yuiso kwokwisa kipi hainam. ⁴ Mi omaka kima napninopkainami mi sima wadie kimiir nwowini mi kima ta omaka aiirar dwokripkai. Mi ti om iirin wi ta omaka sair hirankar haiburgig. ⁵ Mi sima kimiirin simiir omaka hiriir namamin wadie nwowin karamae nwowi mi kima ti om iir haiburgik. Mi nusin imiir dikrimkrinkiigig sima wa ninokninkinkiyim, krima miyik rani. ⁶ Mi kamim Jisis siir kigna miriyyim sima ina yitinkrikiyim omom omomim simiir mi Adi Komii siir yaiwin kibiya sair yapboinmamauuam mi iikam makakim omom omomanim hinda tindanim simiir warar mi inkim haiswonimniskiyam. Iriig.

*Herot siya Jisis siir yai wakaekin**(Mt 14:1-12; Mk 6:14-29)*

⁷ Mi inkam komiyyin Herot nu Galili kigriraowiyin ti yai whiekakim simiir wakaekiyin mi siir kwoinin ini hindara whriewhriekiyin.

Dimusi rani, nhirim ha boini, Jonin op baptais haiginuwiyin ieyankin bidi swoki insiin idwowin. ⁸ Mi nhirim hinina boin, Ilaija bidi yimbiamin. Mi nhirim hinina boini, biyan profet inkam nwirin bidi swoki insiin idwowin. ⁹ Mi Herot siya hinina boinki, Jon siir niyin karar bidi kaigripkiyin. Mi ti inkamin siya yipikin kara ti siir yaiya hinina wakaewinin, ha? Mi siya Jisis siir kigam mini. Iriig.

*Jisis siya naeyim 5,000 kamim simiir hauu aekim
(Mt 14:13-21; Mk 6:30-44; Jo 6:1-14)*

¹⁰ Mi aposel kamim ha swoki itim mi dimin whiekakim sima tirim sima Jisis siir ini boinmimauuni. Mi siya simiirin warar yinkan ikunam mi sima iikam nhirim simiirin hirar haiburgik mi simasimar yam om whirin siirin. Mi ti omin siir inigin Betsaidakin. ¹¹ Mi iya iikamim sima wakae digiyim mi sima ini siir mhoiyar yamim. Mi sima siirim ha namim mi siya ini maigimaigra ywowinin simiirin. Mi siya Adi Komii siya siir iikamim simiir kigirkakana saiir yowomwarkaiyu simiirin mi iikamim makakim, simiir warar mi inkin haiswonimniskii haiginu.

¹² Mi iya bieyin ha nikiiyamtibin, kam iur nwiso siir kigna miriyyim sima ha nitim siirim mi sima boin, kira iikamim simiir dikropki sima iki om nhirim hinda tinda nwowim pi simiirim nwoki amim mi sima pi hir nwoki whwonkaowiyim mi nae minim pi hir nwoki inkiguna aeyamwiyyim. Whisarii rani, ta maeyauwa krima nwowa om karamaeka. ¹³ Mi Jisis siya simiirin igao yaigakar ywoki, simiirin nae kimar hauu. Mi sima ina

boɪnim, krɪma nae hɪrii hɪrii karamaekim. Krɪma bretim iriyyar mi anasu whis simasimar nwowi. Mi kira hinina naingwowi ti iikam whiekakim nwowim, krɪma naeyim simiir digar pini sainaki, aniya? ¹⁴ Kamim hir nwowim 5,000kim mi Jisis siya kamim siir kigna miriyyim simiir boɪnki, kɪma simiir boɪnki, sima kam nwis iuur iuura kiiyop idwodwoam. ¹⁵ Mi kamim siir kigna miriyyim sima ini hiriinanar mi tirim mi sima iikam imiirin ina yokmwɪn idwowim. ¹⁶ Jisis siya ti bret iriyyarim mi ti anasu whis iko ha haiyin mi siir nhwowin ninomor koua hiriir ha kaokiyin mi siya ina boɪn wadiekiiyin Adi Komii siirim. Mi siya ina yinop hauugiyim kamim siir kigna miriyyim simiir mi iikam simiirin ini simar hid nonkwokwo hau-unamim. ¹⁷ Mi iikam whiekakim ha naekiniu digiyim mi nae haimii haimiyyim sima naepiruru okiyim mi nibim sima haigimɪrnɪnkɪnkiiyyim iuur is. Iriig.

*Pita siya Jisis siir boɪninkiiyin siya Kraiskin
(Mt 16:13-19; Mk 8:27-29)*

¹⁸ Hi gwira Jisis siya Adi Komii siirimɪn nhwo sasar ini kwisboiniu. Mi kamim siir kigna miriyyim sima ina yamim siirim. Mi siya simiir sriigi, iikamim kariirin panin nikiuwigim? ¹⁹ Mi nhirim yim hinina boɪnikim, Jonin op baptais haiginuwiiyin siya. Mi nhirim yim hinina boɪni, kira Ilaijakin mi nhirim yim hinina boɪni, profet inkam nwirin bidi yinsiin idwowin. ²⁰ Mi siya simiir sriigi boɪnki, wim kɪma panina dapikim? Mi Pita siya ina ywowarkii boɪnin, kira ti inkamɪn Adi Komii siya nimbingiiyin Mesaia siya. Iriig.

Jisis siya boin kara naonami wa swoki insiin idwowi

(Mt 16:20-28; Mk 8:30-9:1)

²¹ Mi Jisis siya simiir boinki, ta yaiya inkam nwiirni kipi swoki boinmauumimin. ²² Mi Jisis siya ina swoki boinkiyin kara Yaowae Adin ninomor kouanin kara wi hik kimpipisu prasae hai rani. Mi biyan inkamim omaka Adi Komii siir inig hainaniya sair kigriraowiyim mi prismi biyan inkam mi kamim siyu komii komiiyim sim ninomokninkiniyim, sima wi digumii siir haimriyuwi mi sima siirin wa nisomaowi mi siya ii kwoimaka wa swoki insiin idwowi ie hirankar.

²³ Mi siya simiir boinki mi inkamin kariir siyu imiir napam niti mi siya diminim siir kwoinawu hir nwokaiyim digworaekwowim simiir haiburgigi mi siya kariir mi imiir mii mi kariir siyu imiir dap iski. Mi siya kariir mi aiararar mriiyokiyokii mi kariir siyu imiirarar timi apiyokiyokii. Mi siya ti paeyin hiiniya nioninkinin siirin hriiyar haiyokiyokii kariir hriinan. ²⁴ Mi yipiki inkamkin digumii siir digworaekwo mi diminim siir kwoinawu nwokaiyim simiir haimriyu karamae nwowi mi siir kwoinin omwai waiyaiyin wi miyik nwo rani. Mi siya wi hindara kigugu iski. Mi yipiki inkamkin digumii siir digworaekwo mi diminim siir kwoinawu nwokaiyim simiir haimriyuwi mi siya wi omwai hriiya waiyayokiyokii. ²⁵ Mi yipiki inkamkin ti nu siir digworaekwo whiekakim simiir haingiriyu haigin mimi siyamar mi inig komiigak ha mi owi mi ti digworaekwowim wi sima whinkinsiis haiginiyuwi siirin omwai waiyayokiyokikaeyamim, aniya? Nngaka. ²⁶ Mi

yipiki inkamkim kariiram maĩrgimaĩrga karamae nwowi mi digumii kariir yai aair haimriyuwi mi mhoiia kara Yaowae Adin ninomor kouanin siya swoki iti digworaekwo whiekakim Adi Komii siya kariir hauuwim paenan niuyaeiyim mi Adi Komii siir paekwosimim simaka niti mi taka iya kara kiriirin wi digumii saiir swoki haimriyuwi. Mi mhoiia siya wi Adi saika nwo rani. Nningaka. ²⁷ Kara kimiirin yaimwovar boini, ti iikam nhirim tirar nwowim, kima wi niki ao rani. Mi diminim iya Adi Komii siir dimin taemin imiir kigirkakana wi saiirar nimbiyami. Iriig.

*Jisis siir piua ya ini saa yimbiamkiya
(Mt 17:1-8; Mk 9:2-8)*

²⁸ Mi Jisis siya ti yaiyim ha boin digiyim mhoiia ii iriyar kwoimim namkiyim mi siya Pita Jon mi Jems simiir yikunam mhuisim whirin siir kua hiriir, nhwo Adi Komii siirim kwisboinin. ²⁹ Mi siya hirar kwisboinin mi siir whwonkamin ina yigiyin mi siir yuisa paenan ha niuyakiya mi saeya ini whisinana ywokiya. ³⁰ Mi biri kimiminkikin inkam nwisso ini saikar yamokwo boinainiyo. Moses, Ilaija so. ³¹ Mi sowa Adi Komii siir diminin paenan niuyaiyin saika ninkin imbinikin. Mi sowa iya Jisis siya naonama saiir nimbiyami diminin Jerusalem hir, Adi Komii siya nimbiniin bidi bidiniyar simiir boinnimauugim. ³² Mi Pita siya mi siir nomiiyau nwis owa sima nhwo whwonkaigim mi sima ha ninsiingiyim mi simar kigi paeya Jisis mi inkam nwisso saika nokwowo simiir hir niuyaki. ³³ Mi sowa Jisis siir haiburgigim minko mi Pita siya siir boinki, Biyan

Inkam Komii, krɪma tɪr nwowɪm wadɪeka. Mi krɪma omaka amɪrɪm wɪ ouuma mɪrii, ɪra kɪriirga mɪ ɪra Moses mɪ ɪra Ilaija Pita siya ta yai aairɪn whaowaeya pɪrɪboɪnkɪn, siya bɪ nɪnoknɪnkɪnkɪn. ³⁴ Mi siya yai aairar niki boɪnɪn mɪ waua ɪni sɪmiira yauni kikirɪnuniya, sɪma ɪna yɪdidgiyɪm. ³⁵ Mi yai kwɪra ta wau aair kauwok boɪnkiya, saeya hɪnɪna kauwok boɪnkika, warɪ yɪnisɪmɪn kariir yɪnisɪmkɪn. Mi kara siir bɪdi yɪmbɪnɪn. Kɪma siir yai aairar wakaeyokna. ³⁶ Mi ta yaiya ha boɪnkiya mɪ sɪma kɪgi, Jisɪs sasar nwoki. Mi kamɪm siir kɪgna mɪriiyɪm sɪma yai ha nɪnkɪn tankiyɪm mɪ ta ɪiya tɪ dimɪnɪn sɪma kɪgnamɪn, sɪma inkam nwɪr bɪ swoki boɪnmauumɪmɪnkɪn. ɪriig.

Jisɪs siya yɪnisɪm nwɪrɪn uridyɪu biyɪekakɪn siir haiswonɪskiigɪn

(Mt 17:14-18; Mk 9:14-27)

³⁷ Mi ɪgwɪra sɪma mhɪuisɪm whɪrɪn siir haiburgigɪm mɪ ha nɪuunamɪm mɪ iikam isid komii whɪrɪn, sɪma Jisɪs siirɪn siyɪu hɪr yapyɪskaiwɪn. ³⁸ Mi tɪ iikam isid komiyyɪn sɪmiir hɪran inkam nwɪrɪn siya ɪna kauwok boɪnamnankiyɪn, iikam nowomwarkaiyɪuan inkamɪn mɪ kara kariirɪmar kwɪsboɪnki. Kɪra kariir yɪnisɪm yɪnkamiyɪn ɪiir kɪgi, siya kariir yɪnisɪm yɪnkamiyɪn nwɪrki nwɪruwa ɪeyairgɪn. ³⁹ Mi uridyɪu biyɪe whɪrɪn siya nonkwokɪn siirɪn. Mi bɪ kɪmɪmɪnkikɪn, siya ha kauwok boɪnkiyɪn mɪ tɪ uridyɪu biyɪe ɪeyar haigi ɪtɪwamwakikɪngig. Mi yaeyopa pa nɪmbɪnaniyami siir yai hɪrankar mɪ siya tɪ yɪnisɪmɪn siir pɪu aairar nonkwobumbunɪnkɪnikɪn mɪ siya siir bɪ swoki haibur sranikɪn. Nɪngaka. ⁴⁰ Mi kara kamɪm

kiriir kigna miriyyim simiiram bidiyar kauwok boinanaeyin ti uridyiu biyie siir haiswoniskiyim mi sima dig bi nwokim. ⁴¹ Mi Jisis siya ina yowarkii boinin mi ti iikamim tariinananim kima naingwo tibmii karamaekim. Kimiir mhi kwoinin miyyik nwo rani. Mi kara kimaka wi pariig iya nwowi, ha? Mi kara kimiirin wi pariig iya whindiriraerar haiginuwi mi kima wa nwoki aingwo tibmiyyim, ha? Mi siya ti inkam iir boinki. Yinisimin tiriir whainani. ⁴² Mi siir yinisimin ha niki apnaniyin mi ti uridyiu biyeyin ini siyar haigi owomwak inamnaniyin. Mi Jisis siya igao yaigak ti uridyiu biyeyin siir boinki mi siya ti yinisim iirin ina haiswoniski haiginugiyin. Siya ini siir ad iiramar swoki ikropkiyin. ⁴³ Mi iikam whiekakim sima Adi Komii siir kirie komiyya saiir kigiya sima ini hindara yanaakiyim. Iriig.

Jisis siya kwisaka ina swoki boinin kara wi kapi naowi

(Mt 17:22-23; Mk 9:30-32)

Mi iikam whiekakim ina niki aingwoyimyokripkaiyim, ti diminim siya tirim simiirsiyin mi siya kamim siir kigna miriyyim simiir boinki, ⁴⁴ kimiir winim sibgu mauugi. Mi mhoiyya Yaowae Adin ninomor kou hiranki nitin siirin wi wir nhirim sima napwouwi. ⁴⁵ Mi sima ta yaiya siya boina saiir bi ninokninkinkim, ta yaiya saiir yaimwokiyaimwowa simiirsi nimprioka mi sima saiir paninsi sibgu yinokninkinsi. Mi sima pi nididgim ta yai aiiram in siir paninsi srisi. Iriig.

Yipikin siya kougikou nwowin

(Mt 18:1-5; Mk 9:33-37)

⁴⁶ Mi kamim Jisis siir kigna miriyyim sima yaiya kwira yiniinsao boin, yipikin simiir kougikou nwowin. ⁴⁷ Mi Jisis siya bidiya yinokninkinin kwoinin simiir hir nwowin. Mi siya yinisim sapisap nwirin siir asi nikunakin. ⁴⁸ Mi siya simiir boinki, inkamin ti yinisim sapisapin siirin kariir inig iir kigriraowi yio siya kariir kigriraokin. Mi inkamin kariir kigriraowi mi siya inkamin kariir nikropkiyin siirin warar ninkin kigriraowi. Mi inkamin yinisim sapisapnan kimiir waraur nwowi mi kimiir kougikouin ini siyar ywowin. Iriig.

*Inkamın ıo nhwo kimiir nanao karamae
nwowiyin siya kimiir nomiiyaugin
(Mk 9:38-40)*

⁴⁹ Jon siya ina yowarkii boinin, Biyan Inkam Komii, krıma inkam nwira kig, uridyıu biyieyım simiirin kiriir inig iir haiswonimniskigin. Mi siya krımiir yai bi wakaeyoknakin mi krıma siirin hiriinansi nikidugım. Dimusi rani, siya krımiir isid rani. Niingaka. ⁵⁰ Mi Jisis siya siir boinki mi kam nhirim siir kigna miriyyim sima, kima siir kipi nikidu. Inkamin io nhwo kimiir nanao karamae nwowiyin yio siya kimiir nomiiyaugin. Iriig.

*Sameria hiran om whirin siir iikamim sima
Jisis siir siyiu iir haiginikougin mi siirin ina swoki
ikropkiyin*

⁵¹ Iya Adi Komii siya Jisis siir swoki ikunamana ninomor koua hiriir saeya ini kingiin nwowa. Mi Jisis siir kwoinin om komii Jerusalema namim asi naingwokin. ⁵² Mi siya kam nhirim simiir yikropki, yai siir biyyin sima nwoki haigiririramim

mì sima ha namim nu Sameria hirin om whirin siir yapninopkainam. Mì sima siir digworaekwo nhirim simiir diriraerarim minkim. ⁵³ Mì omin siir hiran inkam nhirim sima siir biri nikiunamkim simiir omaka hiriir. Dimusi rani, Sameria iikam sima iripa mhi kwoin biri nwowikim Judami iikam simakan sima ina ninokninkinim siya pi om komii Jerusalem hiriir nami. ⁵⁴ Inkam nwiso siir kigna miriyo Jems, Jon sowa, sowa hiriinan siyiuin siir kigin mi sowa siir boinmauu, Biyan Inkam Komii, krìma paeya ninomor kou hirana saiirim nikiugi, saeya ti iikamim tiranim simiir nwoki iuniyim, aniya? ⁵⁵ Mì Jisis siya ha haiyug okwokiyin mi siya io sowiir ywoki. ⁵⁶ Mì sima om whira yapnam. Iriig.

Inkamìn Jisis siirìm nami

(Mt 8:19-22)

⁵⁷ Mì sima siyiu hìrar niki apamim mi inkam nwirin siir boinki, kira omom omomim kira nami mi kara wi kiriir mhoiia ninkin apiyokiyokii. ⁵⁸ Mì Jisis siya siir boinki, niimauan wraim yim ieno kakargim mi ipiyinim yim iriipi hiriinan whie kakargim. Mì Yaowae Adin ninomor kouanin yio omaka maeyau whwonkai karamaekin. ⁵⁹ Mì siya inkam nwirin siir boinki, kira kariir mhoiyar wit. Mì siya boin mi kira kariirin wadie tiki oki. Kariir adin siir piuis biyeya saiir niki hangikaigigi. ⁶⁰ Mì Jisis siya siir yowarkii boinki mi inkam wirim yim inkamim kariir mhoiia nit karamae nwowiyim sima haingikai. Mì ni kira iya Adi Komii siya siir digworaekwowim mi siir iikamim simiir kigirkakana saiir yai imiir tini boinmimauuwu.

⁶¹ Inkam nwirin siya siir boinki, Biyan Inkam Komii, kara kiriir mhoiyya nitam mini mi kira kariirin pi wadie dwoki. Kara yai minim kariir isidin simaka nini idwo boinaigigi. ⁶² Mi Jisis siya siir boinki, inkam i kigriririyin, siir nhwowin idaowa hiri hiriya kaonanaei mi ti hiriinan inkamin siya wi Adi Komii siya kigrirao tani. Ningaka. Iriig.

10

*Jisis siya kamim kam nwoim iuur nwisa yikropki
Adi Komii siir yai aair boinmimauuwam*

¹ Mi mhoiyya Biyan Inkam Komiiyin siya ina swoki imbinin kamim kam nwoim iuur nwiso. Mi siya simiirin nwinnwisa yikropki mi sima siir biyar yamkwokin. Mi siya simiirin om komii komiiyim mi omisisimim mhoiyya siya namanim simiirin simiir hiriir yikropki. ² Mi siya simiir boinki, iikam whiekakim simiir kwoinim wadie bidi ywowim sasaeyim wai nwowim simiir hiriinan. Mi iikam whiekakim sima ta yai aair wakaeyama tiri. Mi iikam whiekak rani, simiirim namim mi simiir nikiunakiyim mi sima bidi grir-gigiyim. Mi numiran adin, Adi Komii siyargin, siirim srigi siya kam nhirim simiir nikropkiyim mi simiir kwoin imiir hurworwokaiyim mi sima siir mhoiyya nwoki amim. Ti hiriinan inkamin siya numira sasaeyim wai nwowiyim simiirim namiyin mi ha ningugu haiswonaniyim ini siir hiriinan ywowin. ³ Kima dam! Kara kimiirin huyinsim prikprinkan nikropkikin niimau mie komii komiiyim wra bibiyeki nwowim simiir hiriir. Mi kimiirin wi kigriraowan inkam kakar

nwowi. ⁴ Mi kima umir hoknibim wara kipi hainam mi iga nii aka mi kima siyiu bopwo hirin inkam napkigami mi simiirin yai kipi kainanam. Hindarar daparkaknam, ii naeisi. ⁵ Mi kima omaka ir napnɔpɔkainami mi biyyin kima wi hinina tini boinu, kima ha maingimainga iikamim ti omaka aiir nwowim. ⁶ Mi inkam nwirin kwoin hinsima nwowiyin siya ta omaka aiir nwowi mi siya wi kimiir yayiar wakaeyoknaei mi siir kwoinin wi hinsima nwowi. Mi hiriinan inkam karamaeki niuwi mi kira hikak nwowi mi ta yayia hiriyyar swoki okainani. ⁷ Mi kima ta omaka irua aiirar dwokripkai. Mi kima nae op minim sima hauuwi simiir dae kwiyaе. Mi kima ti nae imiirsiiyin umir kipi hauu simiirin. Dimusi rani, kima dimin miyyik miyyikim simiir bidi hauuwim. Mi sima kimiirin hiriinansi hauu aei. Kima omaka irni irni kipi whwonkaiyam. ⁸ Mi kima om komii whira napnɔpɔkainami mi inkam nwirkin kimiirin wadie nwowini, siir omaka hiriir namim mi nae minim siya hauu wini mi kima wi kipi boriisop wa dae. ⁹ Mi kima ti om komii hiran inkamim makakim simiir warar timi haiswonimniskii haiginiu mi kima simiirin hinina boinki, iya Adi Komii siya siir dimin taeminim mi siir iikamim simiir kigirkakana, saeya kimiir kingiin bidi yamwoniya. ¹⁰ Mi kima om komii whirin siir napnɔpɔkainami mi sima kimiir bi boin wadie winkim simiir omaka hiriir namamin mi kima ti om komii siir siyiuin siir yaba hir dikwowin kima hinina boin, ¹¹ ti kimiir om komiiyin siir nu sinim sima ini krimiir iga imiir nwowim mi krima pi kimiirarar swoki hauugigi. Mi kima sibgu daingworinu. Dimusi

rani, kima kɔmiiir yai imiir bi wakaeyoknakim, iya Adi Komii siya siir digworaekwo whiekakim, simiir kigirkakana ini kingiin yamwoniya mi kima ta yaiya digumii saiir haimriiyugim. ¹² Kara kɔmiirɔn pi hinina boinki, mhoiia iya Adi Komii siya iikamim dimin biyekakim simaka boinaini iya saeya nɔmbiyami mi ta hika wi hika om komii biyekibiyeyin Sodom hiran iikamim dimin biye tirim wi simiir haiburi. Ti omin Isrel siir omkin. Irig.

Om nhirim naingwo tibmii karamae nwowim simiirsi naingwoyimiyoki

(Mt 11:20-24)

¹³ Jisis siya ha niki boinin mi siya boinki, kima Juda iikamim om Kolosiyanim Adi Komii siya kɔmiirɔn wi hik prasae hauu rani mi om Betsaidan Juda iikamim kima iriipa hiriinan, Adi Komii siya kɔmiirɔn wi hik prasae mi hauu rani. Dimusi rani, dimin miyik miyik whiekakim Adi Komii siya kɔmiir tirim mi kima simiir biri kigim mi kima simiir biri wakaeyoknakim. Niingaka. Kima ini digumii simiirar haimriyukripkaiyim. Mi biya Adi Komii siya dimin miyik miyikim iikamim Juda iikam tani om Taia om Saidon sowiir hiranim simiirɔn hiriinan hauugiso mi sima ha kigiso mi sima sinin wa pi masin mi aknainan bidi pi yisiimauuin Adi Komii siirɔn, dimin biye biyeyim sima tirim simiirsiyin mi sima ha pi yaingwo tibmiyin Adi Komii siirɔn. ¹⁴ Mi ta iya Adi Komii siya iikamim simiir hidi mi hika kɔmiir nɔmbiyami saeya wi komiigi komii nwowi. Wi hika om Taia mi om Saidon sowiir nɔmbiyama saiir haiburi. ¹⁵ Kima ti iikamim

om Kapaneamanim, nu Isrel hiranim kimiir kwoinin ha naingwowi, Adi Komii siya kimiirin ini kougikou haiginin, aniya? Nningaka. Adi Komii siya kimiirin iikam miyiki miyiknan mi ikuwi. Mi kima wi inkam biyienan nwowi. Mi siya kimiirin wi maeyau biyieya paekaka wi saiir nitkaigi.

¹⁶ Mi siya kamim siir kigna mriiyim simiir boinki. Yipiki inkamkin kimiir yai aiir wakaeyoknaei. Mi yipiki inkamkin digiumii kimiir haimriyuwi. Mi yipiki inkamkin digiumii kariir haimriyuwi mi siya inkamin kariir nikropkiyin digiumii siir warar mi inkin haimriyuwi, yio Adi Komii siyairgin. Iriig.

Kam, kam nwoim iuur nwisio sima ina swoki itim

¹⁷ Mi mhoiia ti kam, kam nwoim iuur nwisio ha swoki itim mi sima ini maingimairga komigakar ini oniyim. Mi sima hinina boin, Biyan Inkam Komii, krma kiriir inig iirar boinkiyim mi uridyu biyeyim sima ini krmiir yai aiirar mi wakaeyoknam. ¹⁸ Mi siya simiir boinki, kara bidi kigiyin Setanin diyanan tionainiyin ninomorkou hirankin. ¹⁹ Wakaei! Kara kirie komiia kimiir bidi hauugiya mi owiniyai mipug minim kima wi simiirar ninkin okwo mrii nami mi sima wi kimiir pi rani. Mi Setan siir kirieya wi kimar nikwowaisii. Mi kimiirin wi dimin whirki swoki tirbu rani. Nningaka. ²⁰ Mi kima hinina kipi boin maingimairga. Uridyu bibiyeyim ini krmiir yai imiirar wakaeyoknam. Nningaka. Kima Adi Komii siiramar maingimairga kimiir inigim siya bidi win haiginim ninomorkou hir. Mi sima wa nwoki

inokninkinim kima Adi Komii siir yinisimkim. Iriig.

Jisis siya maigimaigra ha nwowin mi ina boin wadiekiyin Adi Komii siirim

(Mt 11:25-27; 13:16-17)

²¹ Mi taka iya Adi Komii siir naeyuin Jisis siir mhi kwoin imiir hurworwokai mi siya ini maigimaigra ywowin. Mi Jisis siya boin, Adi Komii, kira nu ninomor sowiir Biyan Inkam Komii gin. Kara kiriir boin wadieki, kira dimin nhirim kamim ninokninkinkakim mi kwoin miyik miyikakim simiirsi nimpriokin nu tiranim mi kira inkamim naingwo omok kamaeyim simiir yisiimauu. Ihi, Adi Komii, kiriir kwoinin siya hiriyyar nwowikin.

²² Kariir Adi Komiiyin siya digworaekwo whiekakim, kariir ina bidi hauu digim. Inkam nwirkin kariir biri ninokninkinkin, Adi Komii sasar ninokninkini kariirin. Mi inkam nwirkin Adi Komii siir ninokninkin tani. Kara siir Yinisimin kanakanar ninokninkini siirin. Mi ikamim kara boinmimauuim yim ina ninokninkinim Adi Komii siirin.

²³ Mi kamim Jisis siir kigna miriiyim simasimar nwokim mi siya ina haiyug boinkiyin. Iikam nhirim sima dimin kirie kirieyim wari bi kigim. Adi Komii siya kimiirim naingwokwonanaeikin mi siya dimin kirie kirieyim kimiir asi nusiimauugim. Mi kima nhirim simiir kou asi nwowi. ²⁴ Kara pi kimiir boinki. Biya profet kamim mi inkam komiiyim nu kigiraowiyim, sima ti diminin tariinan kigim, simiir kigamar naingwokim mi sima bi kigim. Mi sima ti yayim tariinan kima wakaeyim,

simiir wakaeyamar naingwokim mi sima simiir bi wakaekim. Niingaka. Iriig.

Nu Samerian inkam nwirin Juda inkam nwirin siir whinkinsiisgin

²⁵ Mi inkam nwirin siyiu komii ninokninkiniyin, siya Jisis siirim kinankiugin. Mi siya boin, iikam nowomwarkaiyuwan inkam, kara wi panina tiri kwoin budin inokinok omwai waiya yokiyokiiyin siirin, ha? ²⁶ Mi Jisis siya siir yai aka ina yowarkii boinin, Yokwo Komii saeya panina boinka? Kira panina mwaingin saiir yaimwokiyaimwowa, ha? ²⁷ Mi siya hinina yowarkii boin, Yokwo Komii saeya hinina boinka, Biyan Inkam Komiiyin siya kiriir Adi Komiiyin mi kiriir mhi kwoinim siiramar daingwo irkak mi kiriir piugin mi kiriir kirieya mi kiriir kwoinbud ieya simiirar hauu irkak siirin. Kira kiriir nomiiyau iirimin hinina daingwo kira kiramar naingwonaeiyin saiir hiriinan. ²⁸ Mi Jisis siya siir boinki, ihi, kira ini wadieya yowarkii boinin. Mi kira hiriinan tiri mi kira wi omwaiya waiya yokiyokii.

²⁹ Mi inkamin siyiu komii ninokninkiniyin siya siir inig iirar sibgu diriraeraramar naingwowi. Mi siya Jisis siirin hinina srii, Yokwo Komii saeya boina yaiya kira hinina boinkin kira nomiiyau nwirniyam naingwowiyim, kira kiramar naingwonaeiya saiir hiriinan daingwo. Mi ti nomiiyau nwirin kira boinin siya yipikin, ha? ³⁰ Mi Jisis siya hinina yowarkii boin, inkam nwirin om Jerusalem hir haiburgigin. Mi om Jeriko hiriir yapnam. Mi siyiu hirin siirin inkam

biyie nhirim sɪma yapiyiskaiwɪn mɪ sɪma siir digworaekwo whiekakim sɪmiir haii mɪ sɪma siirɪn ina yɪpamparɪn. Mɪ sɪma hiriinan tɪrgikim mɪ ina yamɪm. Mɪ siya ɪni siyɪu hirar ywokiyɪn mɪ siya naowɪm pariiparii. ³¹ Mɪ taka ɪiya pris inkam nwɪrɪn krɪmiir kaoprɪgi okwowiyɪn tɪ siyɪu ɪiir napniyamkɪn. Mɪ siya tɪ inkam ɪiir kɪgɪn mɪ siya kimɪdiniya siirsi yapiyoknam mɪ siya siyɪu mɪga hiriir yapnam. ³² Mɪ ɪriipɪ hiriinan Livai inkam nwɪrɪn nu Judianɪn ta maeyau kaimwo aair mɪ ɪmbiniyɪn mɪ siya tɪ inkam ɪiir kɪgɪn mɪ siya ina mɪ apiyoknamɪn siyɪu mɪga hiriir. ³³ Mɪ inkam nwɪrɪn nu Sameria hirankɪn. Sɪmiir sau omomɪn siya tɪ siyɪu ɪiir mɪ apnam mɪ tɪ inkamɪn siir hiriir yɪmbiyam mɪ siya siir kɪgɪn mɪ siir kwoɪnɪn siirsiyɪn naɪngwoyɪmiyok prasae bi kɪkɪnkɪn. ³⁴ Mɪ siya siir kingiɪn ha namɪn mɪ wa op wain mɪnɪm siir paowai ɪmiir yaokɪnki, wadie sɪmiir nwowaiginiugiyɪm mɪ siya ina udgiyɪm siir paowaiyɪm. Mɪ siya tɪ inkamɪn siirɪn ha kinɪnsiɪn ɪdwokiyɪn mɪ siirɪn siir donkiyɪn siir ɪdwo yaki kɪkɪniɪu ɪdwoki. Mɪ siya siirɪn omaka ɪra inkamki sain whwonkaiiya saiir hiriir yikɪunam mɪ siirɪn ina sɪbgu kɪgrɪraowɪn. ³⁵ Mɪ ɪigwir nugakɪn siya tɪ inkamɪn omakanɪn siirɪn umɪrɪm kam nwɪra hauugik mɪ siirɪn hɪnɪna boɪnmauugi, tɪ inkamɪn siirɪn kira sɪbgu kɪgrɪrao. Mɪ kiriir umɪr nhirim siir hauu saini mɪ ɪiya kara swoki ɪti wa swoki hauukiyɪuwi kiriirɪn. ³⁶ Jisɪs siya boɪn mɪ tariinanɪn kira panɪna naɪngwowi, yɪpikɪn tɪ inkam nwoɪmɪm sɪmiir nwɪrɪn tɪ inkamɪn, kamɪm hai tauaeiyɪm sɪm nonkwobumbu nɪnkɪngikɪn siirsi naɪngwoyɪmiyokɪn, ha? ³⁷ Mɪ inkamɪn siyɪu

komii n̄nokn̄nk̄niȳin siya bōin, t̄i inkam̄in siirsi nāngwoȳimiyokin mī siir wh̄indir̄iraer̄in siya. Mī Jis̄is siir bōinki mī kira ha dam mī h̄iriinanar t̄ini t̄ir̄iu. Iriig.

Mata Maria so

³⁸ Mī Jis̄is siya mī kam̄im siir k̄igna m̄irīiȳim sima ha napnam̄im mī sima om komii wh̄ir̄in siir yapn̄inopkainam. Mī wig ira saiir in̄igin Mataka, siir̄in saeya ȳikiuna apn̄inopkainam saiir omaka h̄iriir nae hauu aeȳim. ³⁹ Mata saeya nomous̄ima ira n̄wowi, saiir in̄iga Mariaka, Maria saeya Bīyan Inkam Komiiȳin siir iḡmīiga kingiina in̄i idwoni, saeya siir yai im̄iir wakaem̄imika. ⁴⁰ Mī Mata ya in̄i nae dir̄iraerarnanaeya mī saiir kwoin̄in in̄i hauḡihauga wh̄iȳiekiȳin. Mī Mata saeya Jis̄is siiram yam mī ina bōina, Bīyan Inkam Komii kariir nomous̄ima kariir b̄idi haiburgika mī naeȳim kanakana dir̄iraerarnanaei. Mī kira saiir̄im nāngwo rani, aniya? Kira saiir bōinki, saeya kariir wh̄indir̄iraerarniȳim. ⁴¹ Mī Bīyan Inkam Komiiȳin siya h̄in̄ina yowark̄i bōin Matara, Mata! Kiriir kwoin̄in hauḡihauga kipi wh̄iȳieki mī kipi nāngwoȳimiyok. War̄i dim̄in wh̄iekakim kira m̄irīiȳim simīrsiȳin. ⁴² Kariir yai aiir n̄nokn̄nk̄nim m̄irīiȳim, saeya in̄i m̄i n̄h̄ir̄im simiir haibura, ta m̄īya Maria saeya n̄imbina saeya in̄i m̄i n̄h̄ir̄im simiir haibura. Mī kara saiir̄in p̄i n̄ikropki rani. N̄ingaka. Iriig.

11

*Siȳiun̄ Adi Komiiȳim s̄rīi bōini ik̄in
(Mt 6:9-13; 7:7-11)*

¹ Mi iigwira Jisis siya maeyau kwira saiir kwisboinkin Adi Komii siirim. Mi mhoiia siya ha kwisboin digiyin mi inkam nwirin siir kigna miriyyin siir boinki, Biyan Inkam Komii, kira krimiir dowomwarkai haiginu Adi Komii siiram kwisboiniya biya Jon siya kamim siir kigna miriyyim simiir nowomwarkaiyin saiir hiriinan.

² Mi Jisis siya kamim siir kigna miriyyim simiir boinki, iya kima Adi Komii siirim kwisboiniyim kima hinina kwisboin,

krimiir Adi Komiiyin krima ha naingwowi iikamim sima kiriir inig iir hainanam daingwo. Mi iya kira kiriir iikam whiekakim simiir kigirkana iya saeya nimbiyamana krima saiirim naingwowi.

³ Mi inokinokin krima naeyim whaowaeiyim mi krima kiriiram sriiyim mi kira naeyim pi krimiir digar mi hauwi.

⁴ Mi kira krimiir dimin biyeyim iriipi hiriinan wa timi inkin haiyoprimdiyumiigii. Mi iriipa hiriinan krima haiyoprimdiyumiigiyim iikam krimiir tirbuwiyim simiir dimin biyeyim simiir hiriinan. Mi kira hik komii krimiiram kipi kigninkinki krimiir kinankuwam.

⁵ Mi siya kamim siir kigna miriyyim simiir boinki mi kimiir inkam nwirkin siya nomiiyau miyyikaki nuwi mi kira siir omaka hiriir nami hiriir tiriir nibopwo kira kiriir nomiiyau iirimin hinina nini kauwuwi, nomiiyau kira kariirin bretim nhouma whauugi. ⁶ Dimusi rani, kariir nomiiyau nwirin siya siyu hir napniyin mi kariir omaka tiriir yimbini, kara nae siir hauugi karamaeka.

7 Mi ti inkamin omaka hiranin siya ina yowarkii boinin, kira kigi kariir kipi ninki. Anowin bidi haiginikouwin. Kariir yinim krɪma nib bidi wh-wonkaiyim. Kara pi nini rani, dimin kiriir hauugiyim. 8 Kara kimiir boinki, ta omaka saiir adin siya hinina naingwokin, ihi, siya kariir nomiiyau topmwokin mi kara nae siirin pi hiriinan ni komi-ya pi saiir hauu rani. Nɪngaka. Mi siya ti inkamin kira kauwoknanaeyin saiirsi nhakiugin. Mi siya ti inkamin pa ninsiini mi siir naeyim pa hauugi. 9 Kara kimiir boinki mi kima Adi Komii siirim kwisboini mi siya kimiirin diminin wa hauuwi. Mi kima diminim hansiri mi kima siirin wa kigi. Mi kima ano kaigakani mi Adi Komii siya anoin kimiiram wa haiwaoki. 10 Mi iikam whiekakim sima Adi Komii siirim kwisboiniyim, sima diminin wa hai. Mi inkamin diminim hansiriyin mi siya wa kigi. Mi inkamin ano kaigakani mi Adi Komii siya anoin siirim wa haiwaoki. 11 Mi kimiir inkam nwiirkin, siir yinisimin anasum siir ad iirim kauwi mi adin siirin wi mipug biyeyin siir nama hauugi, aniya? Nɪngaka. 12 Mi yinisimin ad iirim ipiyin yin kaskakam sri mi adin siirin pi owinyai biyeyin siir nama hauugi, iyie? Yio iriipa hiriinan. Nɪngaka. 13 Mi krɪma iikamim dimin biyeyar tirikim krɪma dimin miyikin hindara mi priihauuwikim, krɪmiir yinisim imiirin mi krɪma hiriinanar dinokninkin, Adi Komiiyin ninomor kouanin siya naeyiu miyikin, pi iikamim siirim kwisboiniyim pi simiirar swoki inkin hauuwi. Iriig.

Sima hinina boinkim Jisis siya Bielsebul saikar

*miriugin**(Mt 12:22-30; Mk 3:20-27)*

14 Uridyü biyeyin inkam waeyaiyin siir nwokaiyin Jisis siya haiswoniskiigin ti inkamin siya waeyaigin. Mi uridyü biyeyin siya ha namin mi ti inkam waeyaiyin siya ina swoki boinaigiya. Mi iikamim sima ini hindara yanaakiyim. 15 Mi kam nhirim sima boin, siya uridyü biye biyeyim simiirin Bielsebul siir kirieya saiir haiswoniskiigin. Uridyü biye simiir biyan inkamin siir inig whirin Setankin. 16 Mi kam nhirim sima siirim kinankiuwam naingwokim mi sima siirim asi kauwoknanaekikin kiriepai kiriepaiyim ninomor kou hiranim simiirim, simiir nisiimauuam. Mi sima wa nwoki inoknankanim Adi Komii siya nimbinkin iikamim simiir whindiriraerarim. 17 Mi siya simiir kwoin imiir bidiyar yinokninkinkiyin mi siya simiir boinki mi nu whiruwan iikamim sima isido whisa nwowi, yaii niniiyam mi ti iikamim sima wi miyik nwo rani mi ad nwirni yinisimim simani isido whisa nwoki, yaii niniiyam mi simani wi miyik nwo rani. 18 Mi Setan siir isidin whisa nwowi mi yaii sowa swoki inii mi siir isidin wi kirie panin panina nwowi, ha? Kima hinina boinkim kara uridyü biyeyim Bielsebul siir kirieya saiir haiswoniskigin. Ta yaiya saiir yaimwowa hininga, Setan siir isidin whisa ywoki mi yaii ina yiniyim. Mi Setan siir isidin hiriinan tiri mi sima wi kirie nwo rani. Ningaka. Sima wi hindara kigugu uguskii. 19 Mi kaimwokinuwi, Bielsebul siya kariir whinkinsiisi mi kara uridyü biyeyim simiirin ha haiswoniskii mi kimiir kamim simiirin

nninga whindiriraerarkim mi uridyu biyeyim ha haiswoniskigim, ha? Nningaka. Kirir isidin sima bidi yinokninkinim simiirin Adi Komii siir kirieya saeyar haiswoniskigim, Bielsebul siir kirieya sae rani. Nningaka. Wari yai hiriinana kima kariir boinkiya, kima piniksisaekingim. ²⁰Nningaka. Adi Komii siir kirieya saeyar haiswoniskigin uridyu biyeyim. Mi iya Adi Komii siya siir digworaekwo whiekakim simiir kigirkakana sair nisiimauwi saeya kimiir bidi yimbiyama.

²¹ Mi inkam kirie nwirin siya sau minim siir omaka hirar sibgu hai okwokaowi mi siir digworaekwo whiekakim wi wadieyar sibgu owi.

²² Mi inkam nwirin siya kirie komiigakin ini ti inkamin omaka hai okwokaowin siir kirie aair haiburin mi siya siir sau kamku minim siir kansisiyim simiir siinaiyin mi ti siir digworaekwo minim ina hid hauugiyim, siir nomiyau nhirim simiir.

²³ Inkamin kariir whindiraerariyin yo kariir ioan inkam tani. Inkamin kariir whindiriraerar karamae nwowiyin yo siya kariir ioan inkam ieya. Mi ti inkamin iikamim kariirim naingwo tibmiiyim simiir tirbumbuwiyin mi ti hiriinan inkamin yo siya iikamim simiir kwoin imiir whriewhrie haiginuwiyin mi ha ninoopamiyim ini simiir hiriinan ywowin. Iriig.

Uridyu biyeyin siya ina swoki tin

(Mt 12:43-45)

²⁴ Mi iya uridyu biyeyin siya inkam nwirni haiburgigiyim mipi maeyau kwira nami pu nini siisnakiyam. Mi siya hiriinan kig karamae nwowi mi siya pa boini, amba swoki ami omaka biya

kara haiburgiga saiiramar. ²⁵ Mi siya ina swoki amin ti inkamin biya siya niki owin siiramar mi siya ina ini kigiuwun ti inkamin siya nunga nunga nwowi. Mi siya ini omaka inkamki nhisiya mi ha puaiiya inkamki nitam ini saiir hiriinan ywowa. ²⁶ Mi siya ha namn, uridyu biye iriyyar nwisu simiir siyu biyeyin ini simiir siyu biye imiir haiburim mi siya simiir warar yinkin ikunam. Mi sima omakanan ti inkamin siir mhinanau hiriyyar yapninpokainam. Ti inkamin biya biye nwowin mi tariinanin siya ini biyeki biyeyar yasae owoguskiyin. Iriig.

Mairgimarga haini siyugin

²⁷ Jisis siya ta yai airin iikam isid komiyyin sima nwowa saiir boinkin. Mi wig ira simaka hir ninkin owa saeya ina kauwok boinanaekiya, ta wiga biya kirir naokaina mi mwoi kirir haigiyu imiyyaeya, saeya ina mairgimarga. ²⁸ Mi Jisis siya boinki, ih mi iikamim Adi Komii siir yai wakaeyim mi siir mhoiya namim, sima ha mairgimarga. Mi sima ini wadie nwowim, simiir mairgimarga ini kariir apua saiir mairgimarga aiir haiburim. Iriig.

Kam nhirim sima kiriepai kiriepaiyim nikiugim (Mt 12:38-42)

²⁹ Mi iikam whiekakim siir nokwoyokaiyim mi siya simiirin ina boinmimauuwun, kima ti iikamim tir nwowim, kima dimin biyekakim. Iikamim kiriepai kiriepaiyim nikiuim simiir nisiimauuwam, Adi Komii siir kirieya kara boriisopi kimiir nisiimauuim. Mi kara dimin komii whirin pi kimiir nisiimauuwi, Jona siyairgin. ³⁰ Biya Jona siya anasu komiyya saiir

mhinau namkiyin mi mhinau hirar yokai mi ti diminin Adi Komii siya nnsiimauugin, siir kirieya iikamim om komii Niniva hiranim simiir. Mi iriipi hiriinan, kara Yaowae Adin ninomor kouanin ti iikamim tariinananim kimiir nnsiimauwi Adi Komii siir kirieya. Diminin wi kariirar diriraerari mi kima Adi Komii siir kirie aairin wi haningi kigi. ³¹ Bidi bidiniyarin wig ira inig komiigaka saeya nu Siva hirankin napiyokiyokinika saeya ii kasa bi napka. Saeya yai miyik miyikim inkam komiiyin nu kigriraowiyin Solomon siya boinim simiir wakaeyim nitka. Kariir yayim ini Solomon siir yai imiir haiburim mi kima kariir yai bi wakaeyoknakim. Mi ta hiriinan iya, Adi Komii siya siir iikamim simiir hidni mi ta wig komiia inigaka saeya kimiirin wi hinina nnsiin okwo boini, Adi Komii siya kimiirin wi hik komii hauwi. Dimusi rani, kima siir yai miyik miyik imiir bi wakaekim. ³² Iya Jona siya Adi Komii siir yai kirieya saiir boinimauuin mi om Niniva hiran iikamim simiir mhi kwoinim bidiyar kisina haigiiyim. Mi kariir yai kirieya saeya ini Jona siir yai kirie aair haibura mi kimiir mhi kwoinim bi swoki kisina haigikim. Mhoiia Adi Komii krimiir Wanin siya iikamim simiir hidim niti mi om Ninivan iikamim sima wi hinina nnsiin okwo boini, Adi Komii siya kimiirin wi hik prasae hauu rani. Dimusi rani, kima siir yai kirie aair bi wakaeyoknakim mi kimiir mhi kwoinim bi kisina haigikim. Nningaka. Iriig.

*Krimiir kwoin iirin paenan krimiir nhwo ieyar
niuya haiginuwi
(Mt 5:15; 6:22-23)*

³³ Mi iikamim paeya niuyaeiya ienau mi twonau min bi haigiika. Niingaka. Mi sima romiyas iirar ninankii mi iikamim sima napninopkainami mi sima wi pae aiirar nwoki kigim. ³⁴ Kimiir nhwoim paenan simar niuya haiginiuwi kwoin iirin mi kimiir nhwoin dimin miyik kigi mi kwoinin iriipa hiriinan pi wadieyar mi naingwowi mi ini yukidin omaka bopwoniya hangomu haiginiyin mi omaka irkak aiirar niuya irkakiya ini siir hiriinan ywowin. Mi kiriir nhwoin siya dimin biye kigi mi kiriir kwoinin wi biyeyar mi inkin owi, omaka yukid haingimu haigin karamae nwowiya saiir hiriinan mi omaka irkaka wi saiir niuya rani. ³⁵ Mi kima sibgu wakaeyok, kimiir nhwoim omaka anonan kipi haiwaoki, wi dimin biyeki wara ninkin amisi. Mi wi kiriir kwoin iir tirbumbuwi. ³⁶ Mi kiriir kwoinin siya miyik nwowi mi kiriir siyuin ini wadieyar mi inkin owin. Ti hiriinan inkamin siir kwoinin paeya inkam niuya haiginiuwiya ini saiir hiriinan ywowin. Siya digworaekwo whiekakim simiir sibgu kigomokim. Iriig.

*Siyu biyeyim Farisi kamim mi kamim nowom-wakaiyuwiyim sima tirkim
(Mt 23:1-36; Mk 12:38-40)*

³⁷ Mi Jisis siya ta yaiya saiir ha boin digiyin mi Farisi inkam nwirin siya ykiuna siirin saika naeyim. Mi siya ha napninopkainamin siir omaka hiriir mi hi aiir yidwokai. ³⁸ Mi ti Farisi inkamin siya Jisis saika nidwokai aeyin siya ini nanaakakar yokiyin. Mi siyar kig Jisis siya op bi whaugin, Juda simiir siyuin siya boina saiir hiriinan mi siya

nae ha bi naekin mi siya ina yaingwoyimiyoikin.
³⁹ Mi Biyan Inkam Komiiyin siya siir boinki, kima Farisi kamim, kima kimiir piu aairin idananar hisokpraprasa mi kwoin kimiirin yio miyik nwo rani. Mi kima ini inkamin mobmor mob minim idanara hisokiyin mi aowa iokakar nwowiyim mi kimiir mhi kwoinim ini simiir hiriinan ywowim. Inkam nwirniyim kigmar mi hi tauae ti hiriinan siyuim. ⁴⁰ Kima habwhaowaenankim! Adi Komii siya piu kwoin sowiirar nonkwokwokikin. Kima ti diminin siir bi ninokninkinkin, aniya? ⁴¹ Mi kimiir diminpai diminpaiyim inkam paeprikabim simiir hauuwi, naeyim mobmor mobnau nwokaiyim simiir hiriinan mi kimiir mhi kwoinim Adi Komii siir whwonkam ida wi wadieki wadieyar nwowirkaki.

⁴² Farisi kamim kima mintarao! Dimusi rani, digworaekwo whiekakim kima haiiyim haimii pi Adi Komii siirar mi hauuwi. Ti siyu hiriinanin yio wadieyargin. Mi kima iikam nhirim simiir swoki haimriiyugii mi kima Adi Komii siirim bi naingwowaokim. Biya kima siyu miyik iir tiki tir mi Adi Komii siiram daingwo mi ti dimin komii komiiyim simiir tir, ti hiriinan siyuin siya wadieyin. Ti siyuin kima tirin dimin haimiiyim Adi Komii siir hauuim yio siyu wadiekin siir kipi haiburgik. Mi ti dimin komii whirin Adi Komii siirim naingwonanaeyin siir warar dinkin tir.

⁴³ Farisi kamim, kima mintarao! Kima omaka Adi Komii siir yai nidwokai wakaeiya, pi iikamim simiir whwonkam ida hirar nidwokaiyamar maingmaingaeikim sima kimiir boin maingmaingam. Mi kima minam mi

aingwownikim maeyaua iripa yai nidwo boinaiya iikamim sima kimiir inig imiir nwoki hainanim.

⁴⁴ Kima mintarao! Kima ini ieyin inkam whigi nwokaiyin owainie krin karamae nwowiyin mi iikamim sima siir idwovar ninap anapi, sima ninokninkin tani. Mi iikamim sima kimiirin hinina kigi kima mi miyika mirii mi ta mi miyika ini nuin inkam whi priigintimdunuiyin siir hiriinan ywowin. Mi kimiir mhi kwoinim ini biyeki biye ywowim mi sima ninokninkin tani mi sima kimiir yai imiir asi naingwo tibmiigim.

⁴⁵ Mi inkam nwirin siyu komii ninokninkiniyin siya siir yai aka hinina yowarkii boin, inkamin yaimin diminim sim nowomwarkaiyuwiyin, wara yaiya kira boinkiya kira hik krimiir wara ninkin hauugii. ⁴⁶ Jisis siya ina yowarkii boinin, kima kamim siyu komii nowomwarkaiyuwiyim kima ha timi inkin mintarao! Dimusi rani, kima siyu kasaka bi haiginkim Adi Komii siir siyiuin saika ninkin owim mi inkamim simiirin wi wakaeyokna dig rani. Kima siyupai siyupai imiirar haigini mi sima kam nhirim siyu komii siir sibgu ninokninkin karamae nwowiyim simiir bi whindiriraerikim. Nungaka. Mi simiirin hik komii komii imiirar hauuwi. ⁴⁷ Kima mintarao! Biya kimiir yidiwi wanwiyaeyim sima profet inkamin Adi Komii siir yai aiar boinmimauuim simiir nisom aowim mi simiir ieyim kimar piuai haiginiu. Mhoiya sima nwoki kiginokninkinim. ⁴⁸ Ti siyiuin, kima kam nhirim simiir mhi kwoin imiirin hinina nisiimauugin mi kima siyiuim biya krimiir yidiwi wanwiyaeyim sima tirim simiiramar maigimaigaei mi ti

h̄riinan kwoin̄in ini simiir h̄rar nwow̄in. Mi profet inkam̄im k̄ma nisomsom aokaok̄im mi ieȳim simiir haingikaiȳim ini k̄mar piuaiȳim. ⁴⁹ Mi Adi Komiiȳin b̄diya ȳnokn̄ink̄in b̄iyan Yokwo Komiiya siya h̄n̄ina w̄in boink̄ik̄in, kara w̄i profet kam̄im mi aposel kam̄im simiir̄in w̄i iikam̄im Isrelan̄im simiiram n̄ikropki mi simiir̄in w̄i kam̄ n̄hir̄im sima n̄inkinaeyokiyok isomsom aokaowi. Mi n̄hir̄im h̄ik k̄imp̄isu ara hauugigi. ⁵⁰ Mi tariinan̄in kara w̄i iikam̄im nu Isrel t̄iran̄im w̄i h̄ik k̄imiir hauwi, b̄iya k̄imiir ȳdiwi wanwiyaeȳim sima nisomsom aokaow̄im profet kam̄im simiir. Mi kara k̄imiir̄in w̄i saiirsi swoki itrinaei. Mi Adi Komii siya b̄idi b̄idinana n̄idwo k̄igiyokiyok̄iḡin t̄i nu ieyar wh̄uw̄in̄una k̄ma profet kam̄im simiir nisomsom aokaow̄im mi ini tarinana yamwoniyȳin. ⁵¹ B̄iki b̄iyan profet̄in Ebel siir ȳsomaom mi ini m̄hoiḡi m̄hoiyan profet̄in Sekaraia siirar yad̄igniȳin. Sima siir̄in Adi Komii siir omaka saiir bopwo h̄rar nisomaok̄in. Ihi, kara k̄imiir boink̄i, t̄i iikam̄im nu t̄ir nwow̄im. Kara k̄imiir̄in w̄i dim̄in biȳie īirar nonkwobumbun̄ink̄in haiḡin̄uwi, t̄i siȳu biȳeȳin b̄iya k̄ma t̄ir̄in siirsiȳin!

⁵² K̄ma kam̄im siȳu komii nowom-warkaiȳuwiȳim k̄ma m̄intarao! K̄ma siȳuin̄in Adi Komiiȳim namiȳin siir̄in ina n̄inokn̄ink̄in̄in. Mi k̄ma t̄i siȳu īir wakaeyoknam naingwo rani. Mi inkam̄ n̄wir̄k̄in Adi Komii siir siȳu īir nap̄im naingwowi. Sima w̄i diḡ nwo rani. Dimusi rani, k̄ma siȳu kasaka b̄i haiḡink̄im mi simiir siȳuin̄in ini k̄ma haiḡinokouw̄in. K̄ma inkam̄ biȳie k̄inḡim. K̄ma ini inkam̄in omaka nae haiḡiyya saiir anow̄in

siir haig̃nokougigiŷin ini siir h̃riinan ywow̃in. Mi k̃ima nae simiir b̃i hauug̃in mi sima yaba hirar nwow̃im ina yaonam̃im.

⁵³ Mi Jis̃is siya ta omaka aiir haiburgig̃in mi ha napniyam̃in mi kam̃im siỹiu komii s̃im nowomwarkaiỹiuwiỹim sima yai siir boin h̃uriiỹiuim yinkinyaeyaow̃im. Mi sima siir yai aiir̃im mi kiñink̃iu siya yai bibiỹie boiñim, dig̃ b̃i nwokim.

⁵⁴ Mi sima ini siiramar kaow̃im, yai biỹie kw̃irki p̃i siir yai h̃ranka kw̃imbini mi sima siir̃in wa nwoki isomaow̃im. Iriig.

12

Ñik̃isaeni siỹiuin siir̃si m̃intarao (Mt 10:26-27)

¹ Iikam kasaka rani, h̃ir nwom̃im̃ir̃im. Sima ini ir̃ipa ir̃ipa ywonam̃im. Mi nh̃ir̃im simiir iga idwowar ñink̃in okwo nami. Mi tak̃i iya Jis̃is siya kam̃im siir k̃igna m̃ir̃iỹim b̃i simiir iki boiñm̃imauugig, k̃ima sibgu m̃intarao Farisi simiir yis iirsiỹin. Kara simiir siỹiuin yaỹiarg̃i nh̃ink̃iniỹim simiir boiñkin. ² Mi Farisi simiir yaỹim mi siỹiu biỹie wh̃iekak̃im tariinañin aowa aowa nwow̃im mi mh̃oiya sima w̃i idowiyar ñimbiyami. Mi ñimpr̃io yai wh̃iekak̃im mh̃oiya simiir̃in w̃i inkamkar ñinokñink̃in iuguskii. ³ Mi yai wh̃iekak̃im biya ñiỹim ñiỹim k̃ima ñimpr̃io boiñim mi mh̃oiya iikam̃im sima simiir̃in w̃i idowiyar k̃ig̃irkaki nab̃ienan. Mi yai wh̃iekak̃im hiins̃im hiins̃ima k̃ima boiñim omakanau h̃ir mi mh̃oiya w̃i Adi Komii siyar ñisiimauu iuguski mi w̃i iikam wh̃iekak̃im w̃i simar wakae ir̃kaki. Iriig.

*Inkamın dimın whırua siırsi arar dıdid ıski
(Mt 10:28-31)*

⁴ Kariir nomiiyauwım, kara kimiirın pi hinına boınkii kima inkamki kimiir nisomaosi kipi nıdid. Mhoiya sima kimiirın dimın whır swoki tırbu rani. Nıngaka. ⁵ Mi inkamın kima nıdidanın mi kara kimiirın wı siir nisii mauwi. Kima siırsi dıdid Adi Komii siiyairgın sima kimiir nisom aowi. Mi Adi Komii siya kırıekakaırgın mi mhoiya siya inkamım simiir piugına wı maeyau biyeya paekaka saıir mi itkaıgi. Thi, kara kimiir boınkı, kima Adi Komii siırsiyar dıdid.

⁶ Kima dınoknınkın, inkamım sima ipiyın sisım iriıyarım umırsım kwıso (02 toea) sowiir saıngın. Mi Adi Komii siya ti hırıinan ipiyın sim ira saıir bi swoki aıngwowowouwıka iıya saeya naowiya. Nıngaka. ⁷ Mi kanım kimiir mwo nwowım siya bıdi mwainım mi nuan iikamım kima simiırsi kipi nıdid, kima ini ipiyın sisım whiekakım simiir haiıburım mi Adi Komii siya wı kimiırar kıgrıraowi. İriig.

*Jisıs siir inıg iir boınmımauuni siyü ikin
(Mt 10:32-33; 12:32; 10:19-20)*

⁸ Kara kimiir boınkii mi inkam nwırkın kariir inıgın iikam whiekakım simiir whwonkam ida boınmımauwi mi iriipa hırıinan, Yaowae Adın nınomor kouanın kara kırıir inıgın wı Adi Komii siir paekwosımım simiir whwonkam ida mi boınmımauwi. ⁹ Mi inkamın kariir inıgın iikam whiekakım simiir whwonkam ida nımpıowi mi iriipi hırıinan kara siir inıgın wa mi impıowi Adi Komii siir paekwosımım simiir whwonkam idain.

10 Mi inkam nwiŕkin Yaowae Adin ninomor kouanin yai biyie kwir siir boini mi Adi Komii siya siir dimin biyieyim wa haiyoprimdiyumiigi. Mi inkamin Adi Komii siir naeyuun siir nikbumbuwi mi Adi Komii siya siir dimin biyieyim simiirin wi haiyoprimdiyumiigi rani. Niingaka. 11 Mi sima kimiir niku nami omaka Adi Komii siir yai nidwokai wakaeiya saiir hiriir. Mi inkam komii komiiyim gavmaniyim mi kamim inigakim simiir whwonkam ida hiriir mi kima kipi nidid mi ha kipi naingwo. Mi krima simiir yai aka wi panina nowarki boini, ha? Mi krima wi paka hinin yaiya saiir boini simiirin? 12 Mi tariinanin kimiirin pi Adi Komii siir naeyuun siyar kwisiimauwi, yaiya kima nini boiniuwi simaka. Iriig.

Boiniyo yaiya inkam umirkakin whaowaeyin siir boinka

13 Inkam nwirin ti iikam isid komiiyin siir hiranin, siya Jisis siir boinki, iikam nowomwarkaiyuwiyin kira kariir yaowaeyin siirin pi hinina boin, siya kririir adin siir digworaekwowim pi kwisa soitkin hid. Mi kwira pi kariir whauu. 14 Mi Jisis siya siir yai aka hinina yowarkii boinki, pi panina tiri, yipiki kariir nimbiniin kimiir digworaekwo minim simiir hidam, ha? 15 Mi siya simiirin ina swoki boinkiyin, kima mintarao! Kima sibgu kigriraowi mi kima wi dimin whirim kigmair tani. Mi inkamin digworaekwo whiekakakin siirin kwoin miyik wi ti digworaekwowim sima hauu rani. Niingaka, niingaka.

16 Mi Jisis siya boiniyo yaiya kwira boin simiirin mi umir digworaekwo whiekakak, inkamin mi

siir nuin sasae miyikar niigin. ¹⁷ Mi siya siir kwoin nau hirin hinina yaingwokai, kara pi panina tiri? Kariir numiran sasae whiekakim simiirin omaka haigi dig karamaeka mi simiirin wa haigi dig rani. ¹⁸ Mi siya boin, kara wi hinina tiri. Kara wi kariir omakaim nae haigiyim wi simiir ninimnhinkigi mi wi komii komii ara mrii. Mi kariir wit whiekakim mi sasae miyik miyik whiekak ikim, wi ti omaka imiir haigi. ¹⁹ Mi mhoiya kara wi hinina nwoki boinim, kara dimin miyikak inkamkin. Ti kariir nae dimin miyik whiekakim wi biewii kasaka nwo rani. Mi kara nae opmin kwiyaei mi kara wi hiinsimhiinsima maingimainga nwowi. ²⁰ Mi Adi Komii siya siir boinki, kira inkam habwowhaekin, ta niyaka kira pi saiirar nao nami mi digworaekwo whiekakim kira diriraerargikim wi nhinga haii? ²¹ Mi Jisis siya ina swoki boinkiyin iripi hiriinan inkamin siya digworaekwo whiekak imiir haingiriyu haiginmimriiyin siyamar mi siya Adi Komii siir whwonkam ida wi digworaekwokak nwo rani. Nngaka. Siya wi inkam paeprikabnan nwowi. Iriig.

Naingwoyimi yokni siyugin

²² Mi Jisis siya kamim siir kigna miriyyim simiir boinki, kara kimiirin pi hinina boinki, kima kimiir piu airsi kipi naingwoyimi yok mi hinina kipi boin, krma wi dimu naei? Mi kima kimiir piu airsi kipi naingwoyimi yoknae. Mi hinina kipi boin, krma krmiir pua wi dimu dimin nitimwanuwu? ²³ Kwoin budin yo nae siir hiriinan tani. Mi pua ya yuis saiir hiriinan tani. Nngaka. ²⁴ Kima ipiyinim simiir

kigninokninkinki sima sasae bi ninkinikim mi
 sima sasae bi ningugu haiigim mi sima nae biri
 haingiriyu haiginikim. Mi sima nae digworaekwo
 minim, simiir omaka kamaekim. Mi simiirin
 naeyim Adi Komii siyar hauuwikim. Adi Komii
 siir kwoinin hinina naingwowi, kima ini ipiyan
 imiir haiburim! ²⁵ Mi yipiki inkamkin siya biewii
 nhirim omwai swoki hainis waiyayokiyokiyim
 swoki aingwowin, ha? ²⁶ Mi kima hiriinan
 diminsim whir tir kamae nwowi mi kimiir
 kwoinim ti hiriinan dimin whir iirsi dimusi
 naingwoyimiyokim, ha? Mi kima hiriinan kipi
 tir. ²⁷ Kima kip imiir kigi sima mwriiyim mi
 sima yuis minim sima sima bi miriinanaeikim.
 Nningaka. Biya Solomon siya puuai miyik
 whiekakaingin. Mi siir puuaiyim ti kipim simiir
 bi haiburgim. Nningaka. ²⁸ Ihi, digworaekwo
 whiekakim Adi Komii siya nonkwokwowim
 wadiekwadieyairgim. Kowim panaoin sima
 pi numir hir whaki mi ko imiirin wakar swoki
 akatkaigaigi paenau hiriir. Mi ti kip hiriinanim
 yim Adi Komii siya puuaiigim mi kipa ya dimin
 komii rani. Mi kimiir naingwo tibmiiya komii
 rani mi iikam kima ini kou ywowim. Mi kima
 hiriinana timi inokninkinkin. Adi Komii siya
 wi kimiirar mi sibgu kigriraowi mi kimiir
 digworaekwo whiekak ikim. ²⁹ Mi kima hinina
 kipi naingwoyimiyok boin, krima wi dimu dimin
 naei mi wi papiyan op mi kwiyaei. ³⁰ Sima kamim
 naingwo tibmii kamaeyim ti nuin siir tiranim,
 simiir kwoinim ti dimin hiriinanim simiirimar
 naingwokwo nanaeikim. Mi kimiir Adin siya bidi
 yinokninkinin, kima wi piki hinin diminin siir

hahi. ³¹ Mi kima Adi Komii siya siir iikamim simiir kigirkakana kimiir kwoinim saiirim naingwokini mi ti dimin hiriinanim siya wi kimiirar ninkin hauuwi. Iriig.

Siyiun dimin miyikim ninomor kou haingiriyu haigini ikin

(Mt 6:19-21)

³² Kima kariir iikamim sibsib nanim kima kipi nidad. Dimusi rani, kimiirin Adi Komii siya bidi yimbiniin siir digworaekwo whiekakim yim wi kima kigiraowi. ³³ Mi kima digworaekwo whiekakim kam nhirim simiir hauuwi mi sima saini mi ti umirim inkam paeprikabim simiir hauu. Ti hiriinan siyiun mhoiya wi siya whindiriraerar haiginiuwi dimin miyik miyikim. Adi Komii siir omin dimin biye whirki bi swoki tirbuwikin. Mi ninomor kou hirin diminki bi swoki kiguguwikin mi hiyan inkam karamaekin mi dimin imiirin kikomki bi swoki kripikin. Ningaka. ³⁴ Mi maeyauwa kiriir dimin miyik miyikim sima nwowim mi kiriir kwoinbudin omwai waiyayokiyokiyin wi ti om iirar mini owouwi. Iriig.

Miyan kamim diriraerar kaowim simiir yaiga

³⁵ Mi kima yuisim haruwa kisina kainam mi puwop aka kigoknam. Mi yukidin kima hangumuwi mi ha dwo, diminin mhoiya nimbiniyanin siirim. ³⁶ Kima ini kamim simiir biyan inkam iirim nwokwokiniyim simiir hiriinan ywowim. Sima wigwas naeya saiir naenakiyim mi ina swoki itim. Mi siya ninmiga hir naka okwo kiekikomni mi sima anowin wa haiwao sasaugi. Mi Adi Komii

siiramın hiriinana sibgu okwokın. ³⁷ Mi biyan inkamın siya niti, siya siir miyan kam imiirın hinina nini kigiwi sima nhwo bi whwonkaigim mi ti miyan kamım sima ha maigimaiga. Kara kimiirın yaimwovar boini mi biyan inkamın siyarın wi yuisa miyana wi saiir kisina kaii puwopaka mi siya wi kimiir boinki, kima hiya saiir didwo mi kimiirın nae wi siyar hauu aei. ³⁸ Mi siya nibopwo niti mi biyan iuumın haigigi mi siya ha kigi sima ini siir miyar miriim mi ti miyan kamım sima ha maigimaiga. ³⁹ Kima ti dimın iir daingwo. Mi omakın adın siya biya ninokninki hiyan inkamın pi kariir omaka niti mi siya ti hiyan inkamın siirın wi kignınkin apninopkai rani, siir omaka hiriirın, siir digworaekwo imiir haiyam. Nningaka. ⁴⁰ Kima iriipi hiriinan ha timi o kugiu kariiram. Dimusi rani, kara Yaowae Adın ninomor kouanin iya kara niti kima wi saiir ninoknınkin tani. Nningaka. Iriig.

*Miyan inkam miyik mi miyan inkam biye
simiir boiniyo yaiga
(Mt 24:45-51)*

⁴¹ Mi Pita siya Jisis siir srii, Biyan Inkam, kira ta boiniyo yaiya krimiirarar hauuwi, iyie? Mi inkam nhirim simiir wara rani. Aniya? ⁴² Mi Jisis siya ina yowarki boinin, panin biyan inkam ikim, kwoin miyikakin siir miyan kamım simiir sibgu kigiraowiyin? Ti hiriinan inkamın yio siya biyan inkamın siya nimbınkin siir miyan kamım simiir kigiraowim. Simiir naeni ii aiirın wi siyar nwoki inoknınkin haiginuwim. ⁴³ Mi mhoiia Biyan Inkam Komiiyin siya wi sipi swoki iti. Mi siya

ti miiyan inkamın siirın hınına nini kigni, biya siya boingigin sair hiriinana swoki miriyyın mi siya wi siir boini Kiriir miya wadieka, ti hiriinan miiyan inkamın siya wi maigimaigra komiigaka mi owi. ⁴⁴ Kara kimiirın yaimwower boini, Biyan Inkam Komii siya siir miiyan inkamın wi siir digworaekwo whiekakim simiir kigriraowan biyan inkam nokmwın owaiginıuwi. ⁴⁵ Mi ti miiyan inkam nwırın siir kwoının tari wi hınına naingwowi, kariir Biyan Inkam Komiiyın niki itsisau rani. Mi siya siir miiyan iikamım simiirın ha tiın mi siya nae op minım mi opa kwiyae whaowaeiya mi siya sairın ina kwiyaeıyın. ⁴⁶ Mi siya hiriinan tiri mi ti inkamın siir biyan inkamın siya niti, iya ti miiyan inkam ieya nwowın karamae nwowa sair mi siya wi ninoknınkınwın tani iya siya hindara kinkak iti. Mi siir biyan inkamın, siirın wi haningı nonkwobumbunınkın haiginıuwi. Mi siya siirın wi iki siir miiyan kam nhirım siir yai air wakaeyokna karamae nwowım, wi simakar nınkın ikropkii.

⁴⁷ Mi inkamın siya siir biyan inkamın siir yai imiirın bidiyar yınoknınkının mi siya biyan inkamın siya boının simiir bi wakaeyokna diriraerarkın mi siirın biyan inkamın siya idgiuni wi kasaka nıppımpar tani. ⁴⁸ Mi miiyan inkamın siya biyan inkamın siir kwoın iir ninoknınkın karamae nwowi mi siya mi miiyık mirii karamae ha nwowi mi siirın idgiunın wi komii nıppımpar tani, biyan inkamın siya. Mi yipiki iikamkım digworaekwo whiekak Adi Komii siya hauuwım mi sima hoıngak mirii digworaekwowım simiir swoki iyopkiiıuwım yamdi. Mi yipiki iikamkım

digworaekwo Adi Komii siya swoki inkın hauuwım mi ti iikamım sima ti digworaekwowım simiir swoki iyopkiyiuwamın, kima mi nhami nhami kipi mırui. Iriig.

*Jisis siya iikam isidin simiir ninikibirım nitkin
(Mt 10:34-36)*

⁴⁹ Mi Jisis siya boın, kara iikamım simiir ninikibirım nitkin inkamın pae nikrimtiowiyın haımii haımiıya siir hiriinan. Kara hinına naıngwowi ti dimının siya dimbiyamki. ⁵⁰ Biıyın kara hik mi kimpııısu mi wa naonami, wi simiir niki haii. Mi ti dimının siya nimbiniıiyın ta kariir hıka wi hiriıya niki oyokiyokwıii. ⁵¹ Mi kimiir kwoinım ha naıngwowi, kara nu tirin yaııyım simiir nikwowaisiıyım nitkin. Nıngaka. Kara kimiir boınki. Kara iikamım simiir ninikibirım nitkin. ⁵² Mi tariinan mi mhoiıya iriıpi hiriinan iikam iriıyarım sima omaka irni nwowi mi isidin wi whısa nwowi ouumım wi iso sowaka ninii mi iso wi ouumım simaka ninii. ⁵³ Mi iikamım sima wi yapayapa nwoki. Mi adın wi siir yınisım yınkamıyının saıka swoki kwınii mi yınisım yınkamıyının wi siir adın saıkar swoki inii. Mi yopiıya wi saıir yınisım yınugıyına saıka swoki kwınii mi yınisım yınugıyına wi saıir yopi anakar swoki kwınii. Mi giwaiıya wi saıir yınıwig anakar kwınii mi yınıwıga wi saıir giwai anakar mi ninii. Iriig.

*Sıyıuın dimınki nımbiyamiyın siir ninoknınkini
ikın
(Mt 16:2-3)*

⁵⁴ Mi Jisis siya ha boın digiyın, siya iikamım simiir boınki, kima ha kigikım waua maeyaua

bieki nikiiyamtibiyin hiranki nimbiniya mi kima bi kimiminkikim pa boinki, naoin kinim mini? Mi kaimwowaiga naowin ha kinikin. ⁵⁵ Mi kima hinina kigiwii iya krakarwaiga mi kima pi hinina boini waka biewii prasae nikii rani. Mi saeya wi hiriinana mi imbiyami. ⁵⁶ Kima yayiairgi nhinkini inkamim! Kima nu ninomor sowiir diminim simiirar bidi sibgu kigninokninkinim. Mi kima ta miya Adi Komii siya miriyya saiir ninokninkin karamae dimusi nwowi, ha? Iriig.

*Kira inkamin kiriir boiniuriyyu boiniyin saikar kitibmii boin
(Mt 5:25-26)*

⁵⁷ Mi kima siyyu miyyikin siir sibgu naingwo hid karamae dimusi nwokim mi ha diriraerarim, ha? ⁵⁸ Iya kira boinam nami inkamin kiriir boinhuriyyu boinin saika boinim, kowa siyyu hirar niki owamiywo mi ta iya kowa iripa yai saiirar sibgu boinam. Mi kowa hiriinan tir karamae nwowi mi siya kiriirin wi inkamin yai hidiyin siirim niku namisi mi inkamin yai hidiyin siya wi poris inkamin siir in hauugiisi mi poris inkamin kiriirin wi maeyaua huyokiyokaiya mi biye miriyya saiirim nikropkisi. ⁵⁹ Kara kimiir boinkii, kira maeyauwa huyokiyokaiya saiirin wi niki haiburgig sasau rani. Bii kira digworaekwo whiekakim kira niki prii haiyim, simiir tiki hauukiyyu dig. Iriig.

13

Inkamin siir mhi kwoinim ninkpit haigi karamae nwowi yio wa kigugu iuguski

1 Mi ta yi aairin iikam nhirim hiran nwokim mi sima Jisis siirin kam nhirim Galiliyanim simiir boinmauu. Mi kamim wraisu Adi komii siir ninkin imiiaeyim, Adi Komii siir omaka aair sima ha namim mi Pailat siir isidin warar yinkin apninopkainam. Mi simiirin ini simar yisomaowim mi simiir nheyim ini wraisu nheyim simaka yinkin okiyim. 2 Mi Jisis siya simiir boinki, kimiir kwoinim ha naingwowi, ti Galiliyan inkam nhirim hinina naowim, simiir dimin biyeyim ini iikam nhirim Galiliyanim simiir dimin biyie imiir haiburim, aniya? Nningaka, nningakinga. 3 Kara kimiirin pi hinina boini. Nningaka, nningakinga! Mi kimiir mhi kwoinim kisina haigi karamae nwowi mi kima wi hindara kigugu iuguski simiir hariinan. 4 Mi biya ti iikam iur iriyyar nwoimim om Siloam siir hiran omaka bripriya saeya nrimdinu aokaowim, kima panina naingwowi ti iikamim simiir dimin biyeyim ini iikam nhirim om komii Jerusalem hiranim simiir dimin biyie imiir haiburim, aniya? Nningaki, nningaka. 5 Kara kimiirin pi hinina boini. Nningaka, nningakinga! Kimiir mhi kwoinim kisina haigi karamae nwowi mi kima wi hindara kigugu iuguski. Iriig.

Paeyin nae miyik bud karamaeyin siir boiniyo yaiga

6 Mi Jisis siya boiniyo yai kwira ina swoki boinin, inkam nwirin siya swapwo wira yinkin siir wain numira sairin mi mhoiya siir paenid iirim yit. Mi ini nninga ywowin. 7 Mi siya numiran miyan inkamin siir asi boinkikin, kigi. Mi biya biewii whoimim kara ti swapwoin siirin hinina bi kigin. Siya naekak bidi ywowin. Nningaka.

Siya ini hiriinana swoki okripkaiyin. Mi kira siirin daigi. Mi siya nu siir hiiya whisariiyar niugugusi. ⁸ Mi numir hiran miyan inkamin siya ina yowarki boinin siir yai anakan, Biyan Inkam Komii, kira siirin ti biewii iirara tiki kigninkin osasae. Kara siir miyin wa hambimbiri mi whrinim wa krinkinki. ⁹ Mi nae wi iki biewii whirin siir budi. Mi ningakinuwi mi kira wa daigi. Iriig.

Mi Juda simiir ii komiia piu siisiya dimin taemin tir karamae nwowiya Sabat Jisis siya wig ira saiir haiswoniskigin

¹⁰ Mi Juda simiir ii komiia piu siisiya dimin taemin tir karamae nwowiya Jisis siya iikamin simiirin maeyauwa Adi Komii krimiir Wanin siir yai nidwokai wakaeiya saiir hir nowamwarkaiyugin. ¹¹ Mi wig ira hir nwoka mi uridyiu biyie whirin saiir nwokin mi ti uridyiu biyeyin siya ma saiir hauuwin biewiyim iur iriyyar whoimgim. Mi ta wiga saiir digiukuin asi ninsimsiriugin mi saeya paninsi sibgu okwosi. ¹² Mi Jisis siya saiir kigin mi saiirin ina yikiunan mi siya saiir boinki, ta wiga kiriir dimin biyeyim kara bidi haiyoprimdiyumiigiyim. Mi kira ini wadeyar sibgu okiya. ¹³ Mi siir ina ta wiga saiir yonkwoki mi bi kimiminkika saeya ina sibgu okwo tidwokiya. Mi saeya ini Adi Komii siir inig iirar hainankiya. ¹⁴ Mi prismi biyan inkam komiyyin maeyauwa Adi Komii siir yai nidwokai wakaeiya saiir bi nwowiyyin, siir mhi kwoinim ini haugihauga whiyekiyin Jisis siya ta wiga Judami ii komiia Sabat piu siisiya dimin taemin tir karamae nwowiya ini saiir haiswoniskiyin.

Mi siya simiirin hinina boinki. Mi mirii iiyim iriyyar kwirkim. Mi kima minam naingwowi inkamki kimiir ma imiir haiswoniskiyim. Mi kima mini ii imiirar wit. Kima ti dimin hininin Judami ii komiyya piu siisiya dimin taemin tir karamae nwowiya saiir kipi nit. ¹⁵ Mi Jisis siya siir yaiyaka hinina yowarkii boin, kima yai airta nhinkinin inkamkim! Judami ii komiyya piu siisiya dimin taemin tir karamae nwowiya Sabat saiirin, kima whiekakim pa nami omaka bulmakaumiya saiir mi simiirin pa mi ikunami sima op nini kwiyaeyuwim. ¹⁶ Mi taka wiga saeya, Ebrahim siir isidin simiir yinisimka. Biewiyim Setan siya nonkwowim saiir iuur iriyyar whoiingim. Mi ini wadiyyar mi owa, ta wiga saeya ini ti bulmakauwim simiir haiburim mi kara ta wiga Judami ii komiyya Sabat saiir asi haiswoniskigin. ¹⁷ Mi Jisis siya hiriinan boinin mi kamim io siir nwowim sima nidid prasae bi kinkim mi sima ini yai mikrima ywokiyim. Mi iikam whiekakim sima ini maigimairta ywokiyim ti dimin komii komiyyim siya tirkiyim simiiramim. Iriig.

Mastet nid mi wit sowiir boiniyo yaiga
(Mt 13:31-32; Mk 4:30-32)

¹⁸ Mi Jisis siya ina swoki owarkii boinin, Adi Komii siya siir iikamim simiir kigirkakana, saeya ini dimu diminan ywowa? Kara saiirin pi dimu nikrii, ha? ¹⁹ Adi Komii siir isidin sima ini ti paenid whirin siir hiriinan ywowin, krma dapiyin mastet. Mi mhoiyya siya wi pae komiinan namwoiwun mi siya ini pae nhirim simiir haiburin. Mi ipiyyin whieyim ini siir kwiya imiir haigiiyim.

Yisni boiniyo yaiga.

(Mt 13:33)

²⁰ Mi siya ina swoki boinin, kara Adi Komii siya siir iikamim simiir kigirkakana wi dimu dimin nikrii, ha? ²¹ Ti iikamim sima yisnankim. Mi wig ira yisin plaua two komii saika pridgika. Mi mhoiyya ti plauan ina iyopingiyin mi ini saa yimbiiyam. Mi Adi Komii siir iikamim wi hiriinan nimbiyami. Iriig.

Ano simkin

(Mt 7:13-14,21-23)

²² Mi iyya Jisis siya om komii Jerusalem hiriir namin mi om komii komii mi omisisimim simiir hiran iikamim simiir warar yowinwarkaiyuam Adi Komii siir yai aair. ²³ Mi inkam nwirin siir sriigi, Biyan Inkam Komii, Adi Komii siya krimiirin wi nhirmiyarar nanmaiwarkainaei saika nini owouwam iyie? Nningaka, aniya? Mi Jisis siya simiir yai aka hinina yowarkii boinki, ²⁴ kima kimasiyar mintaraona. Mi kima miinan mirii ti ninomor kouan anosimin siir napninopkainamamin. Anoin karargin, iikam whiekakim sima hiriir namamar naingwowi mi sima wi dig nwo rani. ²⁵ Mi omakan Adin saiir anoin wi siyar ninsiin haiginikouwi. Mi kima wi yaba hinar nini okwo kaigakan boini, Biyan Inkam Komii, kira anoin krimiiram haiwaoki! Mi kimiirin wi hinina nowarkii boini, kara kimiir ninokninkin tani, kima papiyan omanki nitkim? ²⁶ Mi krima siir yai aairin wi hinina nowarkii boini, biyya krima nae op minim kinakar nae kwiyaekin. Mi kira krimiir oman siyiu iir nokwoin mi krimiirin ini kirar yowomwarkaiyuun dimin

taemin imiirin. ²⁷ Mi siya wi kimiir swoki boinki, kara ninokninkin tani kima papiyankim, kima siyiu biyie tiran iikamkim, kima dimin biyekak kamkim kariir haiburgik mi ha dam! ²⁸ Mi kima wi Ebrahim, Aisak, Jekop mi profet inkam whiekakim Adi Komii siya siir iikamim simiir kigirkakana saiir nwowim mi wim kima damki yab hiarar dwoki! Mi kima wa kauwaeyimiyok ouwi mi kimiir bigmium wi kikiyikikiyika kini io nwowimin. ²⁹ Mi iikam beki nimbiniyin mi beki nikiiyamiyin mi maeyau kwiran ikim, sima wi iya Adi Komii siya siir dimin taeminim mi siir iikamim simiir kigirkakana wi saiirar ninkin idwokai aei. ³⁰ Ihi, iikamim tariinan inig komii karamae nwowim mi mhoiia inig komiigak wi sima nwowi. Mi iikamim tariinan inig komiigak nwowim mhoiia sima wi inig komiigak nwo rani. Iriig.

*Jisis siya Jerusalem siirsi nougin
(Mt 23:37-39)*

³¹ Mi bi kimiminkikin ta ii aiirarin Farisi kam nhirim sima ina yitim mi siir boinmauu, kira ti omin siir haiburgik mi maeyau kwira dam. Herotin kiriir nisomaowam tiri. ³² Mi Jisis siya simiir boinki, kima wra biyeyin siirin hinina tini boiniu. Wakae, panao waka kara pi uridyiu biyeyim mi kamim makakim pi simiir niki haiswonimniskii. Mi mhoiia kariir miyim digi mi kara piu wa siisi. Herot siya wi kariir nisomao rani mi wi kariir mi aeyar nadigiuwi. ³³ Mi panao waka uga kara wa napnami. Dimusi rani, sima profet inkamin kariirin om whir kipi nisomao.

Niingaka. Sima kariirin Jerusalem hirar disomao iski.

³⁴ Jerusalem, Jerusalem, profet inkamim kirar nisomsom aokaowikin mi kamim Adi Komii siya kimiiram nikropkiyim, kima siiyani simiirar mi kaiyimikikim. Mi ii kasa rani, kara kiriir yinisisimim simiirin iripa haingiriyu kigriraowama tiri, kakaruk yopiiya saiir hiriinan ywowin saeya saiir yinim saiir pidga aowa hopkrimkrikuiwym. Mi kima pi boriisopi.

³⁵ Wakae! Tariinanin Adi Komii siya digumii kimiir om iir bidi haimriiyugiyin kimiir omin kimar kigrirao, kara kimiir boinki. Mi kima wi kariir kig rani mi ti ii aeya nadigiuwi iya kima hinina boini, Adi Komii kira ti inkamin kiriir inigi nitin siir whinkinsis mi wadie siir dwowaiginu! Iriig.

14

Jisis siya inkamin piu minkin noni aokaowin siir haiswoniskigin

¹ Mi Juda simiir ii komii kwira Sabat piu siisiya dimin taemin tir karamae nwowiya Jisis siya Farisimi biyan inkamin siir omaka hir nini aeyugin. Iikamim sima ini siiramar kaoraraowim, siya inkam haiswoniskiyim. ² Mi inkam nwirin siir pua noni aokaowin, Jisis siir kingiinar nwokin. ³ Mi Jisis siya ti inkam iir kigin mi kamim siyu komii ninokninkiniyim, Farisi kamim siya simiir sriigi mi ina boinim, Moses siir siyuin wadie bidi ywokiyin. Mi krima inkam makakin ta Judami ii komiia piu siisiya Sabat dimin taemin tir karamae nwowiya

saiirar haiswoniski, iyie? Nɛngaka? ⁴ Mi sima ini wakaemumuim. Mi Jisis siya ti inkamin siirin ina yikiunan mi ina haiswoniskiyin mi siirin ina yikropkiyin. ⁵ Mi Jisis siya simiir boinki mi inkam nwirin kimiir bopwoniya waraurin, siir yinisimin mi siir bulmakauin siya ie whira namai whiriidami mi ti inkamin siya siirin wi Judami ii komiia pɛu siisiya dimin taemin tir karamae nwowiya wi saiir haisasauki rani, iyie? Nɛngaka? ⁶ Mi sima ta yaiya siya boina, saiirin yai kwir bi nowarki boinkim. Iriig.

Inkamɛn siya hinɛna kipi naingwo kara inig komiigakin

⁷ Jisis siya ta nae aairam nitim kamim simiir kigin sima biyan ipiiyim simiir nidwokaigim. Mi siya boiniyo yai kwira simiir asi boinkin, siya ina boinin. ⁸ Mi inkam nwirki kiriir nikunami, wigwas nae komiia saiirin. Mi kira ipiia biyana saiir kipi nidwokai. Dimusi rani, ti inkamin siya wi inkam inig komiigakin kiriir haiburin siir nikunaesi. ⁹ Mi hiriinanki niuwi, ti inkamin kiriir nikunain siya kiriirin wi hinɛna boini, kira ta biyan ipiia ti inkamin siir hauugi mi kira wi nidid komiigakar nwowi kira mhoigi mhoiyan ipiia saiir nini idwoiwi. ¹⁰ Mi kira hiriinan kipi tir mi iya inkam nwirin kiriiram niugi naeyam kira mhoiyan ipiia saiirar tini idwoi. Kira hiriinan tiri mi ti inkamin kiriir nikunain siya niti mi siya wi kiriir boini, nomiyau kira ta biyan ipiia saiir wini idwokaini. Mi siya hiriinan tiri. Mi kira wi inig komiigakar nwowi ti ikamim kinaka nidwokai aeyim simiir whwonkam ida.

¹¹ Inkamın siir inig iirar hainanaeyin, siirın wı Adi Komii siya nikwowaisii. Mi inkamın siyamar naingwona karam nwowiyin mi siir inigin wı Adi Komii siya haiginki kougikou. Iriig.

¹² Mi Jisis siya ti inkamın naeyim siirim nikiunain simiir boinki mi kira nae kwir diriraeri, kira kiriir nomiiyau nomousim mi kiriir iripa isidin simiir kipi nikiuna mi kiriir iripa omom umir hoimgakakim. Mi mhoiyya wı sima nikiunaesi kira simiir omaka hir nini aeyiim mi sima wı nae kiriir swoki hauukiyyusi. ¹³ Nningaka. Kira nae komii diriraerari mi kira wı inkam paeprikabim mi iikamım piu simiirim biyie nwowim mi iga biyekakim mi nhwokwisaeyim simiir dikiuna. ¹⁴ Ti hiriinan iikamım sima naei wı kiriir swoki ikiuna hauu ae rani mi kira wa maingimainga. Dimusi rani, mhoiyya nae kiriirim, wı Adi Komii siya swoki hauuwi dimın miyyikim kimiir, iyya iikam miyyik miyyikim sima swoki insiin idwowi ie hirankın saiir. Sima inokinokın wı saikar nwoyokiyokiii. Iriig.

Nae komiini boiniyo yaiga

(Mt 22:1-10)

¹⁵ Ti iikam nae saika naeyim simiir nwirin siya ta yai aair wakaekiyin mi siya Jisis siir boinki, inkamın Adi Komii siir iikamım simiir maeyaua kigirkakana, saiir nidwokai aei siya ha maingimainga. ¹⁶ Mi Jisis siya siir boinki, inkam nwirin nae komii bidi diriraerarin. Mi siya iikam whiekakim simiir bidi yimbinin ta naeya saiirim nitimin. ¹⁷ Mi naeni iyya ha nimbiyama mi siya siir miyan inkam iir yikropki, siya iikamım biyya siya nimbim simiir nikiunakiyim. Siya simiirin

hɪnɪɪna boɪn: Kɪma wɪt. Dɪgworaekwo whɪekakɪm bɪdɪ dɪrɪraerar dɪgɪm. ¹⁸ Mɪ iɪkamɪm sɪma sɪma hɪnɪɪna yomboɪn amboɪn, krɪma wɪ nam tani. Inkam nwɪrɪn sɪya mɪɪyan inkamɪn sɪɪr boɪn, kara numɪra kwɪra saɪn, kara pɪ saɪɪr nɪnɪ kɪgɪuwɪ. Kaimwoka kara pɪ nam tani naeyɪmɪn. Kara kɪrɪɪr naeyam bɪ nɪtkɪn mɪ kara pɪ boriisopi kɪra ɪo saɪɪrsɪ kɪpɪ nwo. ¹⁹ Mɪ nwɪrɪn ɪna mɪ boɪnkɪyɪn, kara mɪ mɪrɪɪyɪm bulmakauɪm ɪuura saɪn mɪ kara sɪmɪɪr nɪnɪ kɪgɪuwam mɪnɪ. Wakae! Kara pɪ nam tani. Kara kɪrɪɪr naeyam bɪ nɪtkɪn mɪ kɪra pɪ ɪo kariir kɪpɪ nwo kara pɪ boriisopi. ²⁰ Mɪ nwɪrɪn ɪna mɪ boɪnɪn, kariir wɪga tapa nonkwonaka kara pɪ nam tani, kɪrɪɪr nae aɪramɪn. ²¹ Mɪ tɪ mɪɪyan inkamɪn ha swokɪ amɪn sɪɪr bɪɪyan inkam ɪɪram mɪ tɪ yayɪm sɪmɪɪr ɪnɪ boɪnmɪmauuu. Mɪ omakɪn adɪn sɪɪr kwɪnɪn ɪnɪ haugɪhauga whɪyɪekɪyɪn mɪ sɪɪr mɪɪyan inkam ɪɪr boɪnkɪ, kɪra ha damsɪsauu sɪyɪusɪsɪmɪm tɪ omɪn sɪɪrɪm mɪ kɪra kam paeprikabɪm mɪ kamɪm pɪu sɪmɪɪrɪm bɪyɪe nwowɪm mɪ nhwokwɪsaeyɪm mɪ ɪga bɪyɪe ɪkɪm. Kɪra sɪmɪɪrɪn kariir omaka tɪrɪɪr wɪkɪunani. ²² Mɪ mhoɪya tɪ mɪɪyan inkamɪn sɪya boɪn, bɪɪyan inkam, kara kɪrɪɪr yayɪ aɪrar bɪdɪ wakaeyoknan mɪ ɪpɪɪ nhɪrɪm ɪnɪ nɪɪnga nɪkɪ owɪm. ²³ Bɪɪyan inkamɪn mɪɪyan inkam ɪɪr boɪn, kɪra sɪyɪu komɪɪ sɪmɪɪr omɪsɪsɪm whɪekakɪm sɪmɪɪr dam. Mɪ iɪkamɪm sɪmɪɪr wɪkɪuna nɪnopkainani. Kara mɪnam naɪngwowi kariir omaka mɪrɪnɪnkɪnkɪyɪm. ²⁴ Kara kɪrɪɪr boɪnɪ. Tɪ iɪkam whɪekakɪm bɪya kara nɪkɪ ɪkɪunam, sɪma wɪ kariir naeya saɪɪr swokɪ ae rani. Iriig.

Inkamɪn tɪkɪ sɪbgu aɪngwo Jɪsɪs sɪɪr mɪ aɪr

*miriyaamin**(Mt 10:37-38)*

²⁵ Iikam isid komiiyin Jisis saikar napnamkim mi siya ha haimasiyao kaowin mi simiir boinki.

²⁶ Mi inkamin kariirin niti mi siya siir ad yopii wig mi yokman mi siir nomousismim digiumii simiir haimriiyugig mi digworaekwowim siir kwoinki naingwo ikim mi hiriinan tir karamae nwowi sima wi kariir mhoiyya nit rani. ²⁷ Yipiki inkamkin kariir mhoiyya niti mi siya paeyin hiiniya nironinkinin siir haisi nididi mi ti hiriinan inkamin siya wi kariir mhoiyya sibgu it rani. Niingaka. ²⁸ Mi kimiir nwirkin siya omaka bripri ira miriinainamim mini koua hiriir mi bi siya pi niki sibgu idwo hidi, ta omaka saiir miriyan naemar imiiram siya niki inokninkinim siir naeyim wi ta omaka saiirar digi, iyie? Niingaka. ²⁹ Mi siya bi hiriinan tir karamae nwowi mi mhoiyya sima yin ninansiingiyim mi siya ta omaka saiir mirii ninokou karamae nwowi. Mi iikamim sima wi siir niewaeyuwi. Mi sima wi hinina boini, ³⁰ ti inkamin ta omaka saiir miriyyin, siya wi saiir mirii ninokougik rani. ³¹ Mi inkam komiiyin nu kigriiraowiyin, siya inkam komii nwirin nu kigriiraowiyin yaii saika ninii mi siya pa niki idwo hidnami. Mi siyarin siir sauan kamim (10 Tausen) hoimgak karamaeki niuwi mi inkam komii nwirin siir sauan kam ima ywo hoimgak (20 tausen) mi siya bi tiki sibgu hid mi siirin wi ti inkam komii nwirin siir isid ieya niyopakaiyuwi, iyie? Niingaka? ³² Mi siya hinina naingwowi, kara wi dig nwo rani mi siir sauan omomin aru hirar niki owim, kam nhirim saiirar

nikropki, ti io aiir nokwowaisiiyim. ³³ Mi iriipi hiriinan mi kimiir nwirkin siya siir digworaekwo whiekakim digiumii simiir haimriiyiwi mi siya sibgu naingwo karamae nwowi mi siya wi kariir kigna miriyan inkam nwo rani. Iriig.

*Wa kirie karamaekin
(Mt 5:13; Mk 9:50)*

³⁴ Wa siya dimin miyikin. Mi wa siya hii karamae nwowi mi ti wa siirin wi panina swoki tiri, siya wadie swoki amwoiuwamin, ha? ³⁵ Ti hiriinan wain naeyaka siir bi pridikin. Mi krma siirin nu miyik nitkiigi numiran sasaeyim wi miyik sibgu ii rani. Wakae, kima hindarar prii itkaigi. Iriig.

15

*Sibsibin whaowaeyin siir boiniyio yaiga
(Mt 18:12-14)*

¹ Mi igwira kamim omom omomi umir haiiyim mi kam nhirim dimin biyie tiriyim mi kam nhir ikim, sima Jisis siir kingiina yit siir yai imiir wakaeyam. ² Mi Farisi kamim mi kamim siyiu komii ninokninkiniyim sima io nwokim Jisis siirin mi sima hinina boin, ti inkamin kamim dimin biyie tiriyim nae simaka nidwokai aekin. ³ Mi Jisis siya ta boiniyio yaiya simiir asi boinkin

⁴ mi kimiir inkam nwirki siir sibsibim kamairim iriyyarki niuwi, (100) mi siir sibsib irin whaowaei mi siir adin wi panina tiri? Mi siya ti sibsib kamnwii iuur iriyyar idiyim (99) wi hiarar halburgigi mi yim wi hiarar nokwo aekii. Mi siya wi ti sibsib irin siirim nini hansir iuwi. ⁵ Mi siya siir hansir haii mi siya siirin wi siir waeyao niwouu apnami. Mi

siya pi maigimaiga nwonami. ⁶ Mi iya siya siir omaka hirir swoki imbiyami mi siya wa kauwok boinami siir nomiyauim mi siir inkamnanim, simiramn, iripa saika haingiriyu owim. Mi siya wi simiir boinki, kima kanaka timi maigimaiga! Dimusi rani, kariir sibsib irin niki whaowaekiyin kara siir bidi hansiryiskai haiyin. ⁷ Kara kimiir boinkii mi ninomor kou hiran iikamim yim ini, iriipi hiriinanar mi owim. Mi iikam kamnwii iur iriyar nwiyim, (99) sima ha naingwowi, sima dimin biyie bi tirkim mi sima ti hiriinan iikam imiirin maigimaiga wao kintani. Mi dimin biyie inkam nwiruwakar tiri mi siir kwoinin ha kisina haigii mi ninomor kou hirin wi maigimaiga komiia nwowi siiramn. Iriig.

Umira whaowaeya sair boiniyo yaiga

⁸ Mi wiga umir iurgaki niuwi mi mhoiia kwira ina swoki whaowaekiya mi saeya wi panina tiri, ha? Saeya wi iriyasmir pae bignaei. Mipa bigna nhiskig kaeyami, sair bidi mi kiga. ⁹ Mi saeya hansir haii mipa kauwok boinki sair nomiyauim mi sair inkam inkamnanim, sima iripi nwowim. Mi saeya ina boinkiya, kima maigimaiga kanaka dwo! Kariir umir kwira niki whaowaekiya bidi swoki hansiryiskaiya! ¹⁰ Kara kimiir boinkii mi iriipi hiriinan Adi Komii siir paekwosimn siya inkamnin dimin biyiekakin naingwo tibmiyyin siirimar maigimaigaeikin. Iriig.

Whranisim nwirin ad haiburgigin siir boiniyo yaiga

¹¹ Jisis siya boin, inkam nwirin siir yinisim yinkamiyino nwisko. ¹² Mi nomousimn ad

iir boin, adi, kara minam naingwowi, kira digworaekwo whiekakim kriir yao whid hauu kariirin panaowar whauu. Mi adin ina hidgiyin siir digworaekwo whiekakim siir yinisim nwis owiiram. ¹³ Mi bi kimiminkin, ti nomousimin siir umir digworaekwo whiekakim ina hauugiyim, inkam nhirkim sainim. Mi siya om whirin kingiin tani, siir ini owou. Mi siya ti om iir nwowin mi siir umir digworaekwo whiekakim ini siyu biyeyim siya tirim simiir yuguguskiyim. ¹⁴ Mi siya siir digworaekwo whiekakim hiriinan nuguguskiyim mi mhoiya ti omin siirin mhi komiia ina yamaoua. Mi siya ini dimin whirmin whirmin karamaeyar yamwo iuwun. ¹⁵ Mi siya ti om whirin siir hiran inkamin siir mi asi nin miriyugin. Mi ti inkamin siya yikropki siirin, maeyaua hu nimiyaeiya saiirim, siya kigiraowim simiirin. ¹⁶ Siya minam naingwowi siir mhiya ti binim simiir isim hugi sim naemimin itkikinim simiir naeyim. Mi siirin nae minim, inkam nwirki bi swoki hauugin. ¹⁷ Mi mhinae karamae siya nwowa mi siya ha naingwoyimyokin mi siya ina boinkiyin, kariir adin siir miyan kamim yim sima naeyim wara whaowae rani. Mi kara tir namwonyin mhi ina yamaonyin. Mi kara hiriirnanar nwowi, an wi kapi naowi. ¹⁸ Mi haningi niuwi, an ti swoki am kariir adin siirim. Mi kara siirin wi hinina boini, adi kara siyu biye Adi Komii mi kira kowiir whwonkam ida bidi tirin. ¹⁹ Kara inkam miyik rani mi kira kariirin kiriir yinisim kipi nikiu. Mi kira kariirin, kiriir miyan inkamnan boin. ²⁰ Mi siya hiriinan boinkiyin mi siya ina swoki amin siir ad iiramar. Mi siya aru

tirar nwowamin, siir adin sairar kigwinin. Mi siir adin siirsiyin naingwoyimyok prasae bi kinkan. Mi siya niwitnamin mi ini yinisim iir yaka iwit ankabmamairiuwin. ²¹ Mi yinisimin ina boinkiyin Adi, kara dimin biye Adi Komii mi kira, kowiir whwonkam ida tirkin. Mi kara inkam miyik rani, kira kariirin, kariir yinisim kipi niku. ²² Mi adin siir miyan kam imiir boinki, kima biyan yuis prieiya sair whainanisasau mipi siir wini kaiyaginuni. Mi siirin indihop ha timi iyopkiku haiginu. Mi siirin su ha timi ii haiginu. Mi siya siiramin pranaepranae bi maingamaigakim. ²³ Bulmakau irpakiyinin ira tini hainaki mipa disomao. Mipi krimar nongwomamair aei. ²⁴ Dimusi rani, ti kariir yinisimin siya naonamnan bidi yowin. Mi tariinanin siya ini omwaiya swoki waiyain siya bidiyar iki whaowaekiyin. Mi kara siir bidi swoki kigin mi sima nae komii asi naekim.

²⁵ Mi yaowaeyin numir nwokin mi mhoiyya siya ha nitin omaka kingiin hiriir mi siyar wakaeni, ii kidim, pi ninkiniuwi. Yim sima mwai waowi. ²⁶ Mi siya siir miyan inkam nwir iir yikiuna mi ina sriiyin, sima dimu dimin tiri? ²⁷ Mi siir miyan inkamin siirin ina boinin, kariir nomousimin bidi swoki itin. Mi kariir adin siya kao irpakiyinin ira yisomao siirim. Dimusi rani, siya siir yinisim iir bidi swoki kigin. Mi siir dimin whirki bi kimbugin. ²⁸ Mi yaowae siir kwoinin ini haugihauga whiyekiyin. Mi siya omaka hiriir paninsi yapninopkainamsi. Mi siir adin ha napnaniniyin mi siirin yai miyik imiirar yani boini siya napninopkainamin. ²⁹ Mi siya adin siir

yaiyaka hɛnɛna yowarkɛi boin, biewii kasaka rani, kara kiriir miyan inkamnan nwowin mi kara kiriir yaiyaka igwir bi nantamyiriyirkin. Mi kira meme ii kariir bi swoki hauugin. Kara kariir nomiiyauim maigimaiga simaka mi owim. Nɛngaki, nɛngakɛnga. ³⁰ Mi ti kiriir yinisimin siya kiriir digworaekwo whiekakim ini iki wigim hii nanaeyim, simiir yuguguskikin mi siya ha swoki itin mi kira ini siirsi yaingwoyimyokin. Mi kira bulmakau yinisim irpakiyinanin ina mi isomin siirim. ³¹ Mi adin siir boinki, yinisim, inokinokin kira kanaka nwokin mi kariir digworaekwo whiekakim, yim kiriirgim. ³² Mi tariinanin krɛma ha maigimaiga mi krɛmiir mhi kwoinim, wadɛyar dwo. Ti kiriir nomousimin siya naonamnan bidiyar iki owin. Mi tariinanin siya ini omwaiyar swoki waiyain. Siya bidiyar iki whaowaekiyin mi tariinanin krɛma siir bidi swoki hansiryiskaiyin. Iriig.

16

Biiyan inkam nɛrim simiir boiniyo yaiga

¹ Mi Jisis siya kamim siir mi kɛna miriiyim simiir boinki mi inkam nwirin umir digworaekwokakin siya biiyan inkam bidi yimbinin, siir digworaekwo whiekakim simiir kigriraowim. Mi inkam nɛrim sima ini boini ti inkamin digworaekwo whiekakin siir, ti kiriir biiyan inkamin siya kiriir umir digworaekwowim kasaka bi nuguguskikim mi iya ini kingiina nwowa kiriir digworaekwowim sima digi. ² Mi biiyan inkamin siir hariinan wakaeyin mi siya biiyan inkamin siiram yikugi mi ina boinin siirin,

panin panina tirkin ta yaiya kara wakaeya kirir? Kira kariir digworaekwo whiekakim kirir in nwowim simiir tini win naki. Kira wi kariir biyan inkam nwo rani. ³ Mi ti biyan inkamin siir kwoinin aowa aowa hiniina yangwo. Kara pi panina tiri? Biyan Inkam Komiiyin siya kariir huriiyumigiyim tiri. Mi kara kiriekak rani, nu wa nop rani. Kara inkam nwirni nae umir digworaekwo kaugiki aeyim pi nididi. ⁴ Mi tariinanin kara bidi yinokninkinkiyin, diminin kara tiranin mi iya inkamin siya kariir huriiyumigi siir mi sair hirankin mi ta hiriinana sairsiiyin kariirin wi inkam nhirim sima nikunami, simiir omaka hiriirin. ⁵ Mi siya inkamim siir biyan inkamin siir dimin prihaiyim simiirin nwinwira yikuuna mi siirim in yamim. Mi biyin nwira ieya yam mi mi kigrirowan inkamin ina sriiyin siirin. Diminim kira prihaiyim kariir biyan inkamin siir hirankin pariigim? ⁶ Mi siya boin, wel twowim kamairim iriyarkim. Mi mi kigrirowi inkamin ina boinin, kira ti diminim kira prihaiyim simiir yokwo aiir hai mi kira kamnwis iuruwa 50 simiirar kwidwo winki. ⁷ Mi mhoiya inkam nwirin ina swoki itin, biyan inkamin mi kigrirowiyin siya ina sriiyin, diminim kira prihaiyim pariigim? Mi siya ina boinin, wit nibim kamairim iriyarkim 100 mi siya siir boinki, kira ta yokwowa kira wina diminim kira prihaiyim sairim pi kam nwiiyuwa winki. ⁸ Mi mhoiya biyan inkamin siya ini ti inkamin mi kigrirowiyin siir inig iir hainankiyin. Dimusi rani, siya inkamin kwoin miyikakin, siir siyuin siir hiriinan tirkin. Mi Jisis

siya ha niki boinin mi nu tiran iikamim simiir kwoinim umir diriraerar sainiyim ini Adi Komii siir iikamim simiir haiburim, sima ninokninkin miyikakim.

⁹ Mi Jisis siya hinina boinki simiirin. Mi umir digworaekwo whiekakim kima nonkwowim kima iikam nhirim umir digworaekwowim whaowaeyim simiir hauu. Mi sima wi kimiir nomiiyau kin nwoki owim. Mhoiyya kima naonami mi kima wi Adi Komii siir om miyikin siir nami. Mi siya kimiirin wi hinina boini, kima siyu miyik bidi tirim. Mi inokinokin kima wi kanaka nwoyokiyoki. ¹⁰ Mi inkam nwirin siya dimin simim simiir sibgu kigriraowi mi siya wi dimin komii komiiyim simiir warar mi sibgu inkin kigriraowi. Mi inkamin misimim simiir sibgu mirii karamae nwowi mi siya mi komii komiiyim simiirin wi mi sibgu mirii rani. ¹¹ Mi kima umirim nu tiranim simiir sibgu kigrirao karamae nwowi mi kima Adi Komii siir dimin miyik imiirin wi panina sibgu kigriraowi, ha? Nningaka, kima inkam wi dig nwo rani. ¹² Mi kima inkam nwirni dimin sibgu kigrirao karamae nwowi mi Adi Komii siya dimin miyikin wi panina hauwi, inokinok nwoyokiyokiyin, ha?

¹³ Mi miyan inkam nwirin siya, biyan inkam nwiso sowiir miyim iikwiruwa bi swoki miriikin. Nningaka. Mi siya kwoin biye wi nwirin siir nwowi mi nwirin wi miyik siir nwowi. Mi siya wi nwirin siir wakaeyoknaei mi nwirin wi digumii haimriyuwi. Mi kima Adi Komii krimiir Wanin siirim miriiyim, umir saiirim wara kipi naingwo. Iriig.

*Jisis siir yaiya Adi Komii siya iikam whiekakim
simiir kigirkakana saiir boinkin*

(Mt 11:12-13; 5:31-32; Mk 10:11-12)

¹⁴ Farisi sima umirim naingwokwowikim. Mi sima ti hiriinan yai whiekakim Jisis siya boinkiyim simiir wakaekiyim mi sima siir yikbumbu boin.

¹⁵ Mi Jisis siya simiir boinki mi kima kimiir siyiu miyikin iikam whiekakim simiir whwonkam ida hiniina nsiimauuwi kima iikam miyikim. Mi Adi Komii siya kimiir kwoin imiir bidi yinokninkinim. Diminim inkamki hainaniyim, yim Adi Komii siir whwonkam idain dimin komii rani.

¹⁶ Moses siir siyiu komiini yai mi profet kamim simiir yai aka sowa iya Jonin op baptaisiyin siya nwowa saiirar yadiguwa. Mi Jon siir iya tasi tariinana namwoniya mi Adi Komii siya siir iikam whiekakim simiir kigirkakana mi saiir yaiwin kibiya omom omom whiekakim simiir nimbiyami. Mi iikam whiekakim sima Adi Komii siya siir iikam whiekakim simiir kigirkakana saiir nama-mar naingwokwowi. ¹⁷ Ninomor nu sowa wa digi. Mi Moses siir siyiu komii siir yaisisimim sima wi wara swoki kigugu rani.

¹⁸ Mi kamın siya siir wig aiir sopki mi irni swoki inkwonaei, yio wig nonkwonani siyugu; siyiu iirar nikripkikin. Mi inkam nwirin siya wig ira inkam nwirki sopkiya saiir nonkwonaei, yio wig nonkwonani siyiuin siir taouugakin mi siya hai nanaenanaei. Iriig.

Umirkak inkam mi Lasaras so

¹⁹ Biya inkam nwirin umirki naokingugunankaiyin, siya tir nwokin mi inokinokin siya yuis miyik miyik imiirar niigin.

Mi inokinokin siya nae miyik imiirar haiikin mi simiirar naeikin siya wadie nwowim. ²⁰ Mi inkam paeprikab nwirin hirar mi inkin okin siir inigin Lasaraskin, siir pua paowai biyieya. Mi siirin siir isid ieyar hainam umirkak inkamin siir omaka anoka kingiin hir ini kikinugik. ²¹ Mi siya ti umirkak inkamin naeyim siir hi aowa naekrimkrinkiiyim simiir niuumin aeyamar naingwowi mi iya ti umirkak inkamin siir miyan kamim sima nhiskiyim naemimin priiginim naeyim simiir mi ti inkam paeprikabin siir mhiya ini simiirar yaekiuin. Mi wraim sima nitiiyim pi siir paowai imiir taowaei. ²² Mhoiya ti inkam paeprikabin ha naonamin mi siirin Adi Komii siir paekwosimim sima hainam mi siya Ebrahim saika ini owou. Mi ti inkam umirkakin ina mi aowin mi siirin ina haingikaiyin. ²³ Mi siya ini maeyau paekaka saiir nwowin mi hik kimpisu komii hir haiyin. Mi siya koua hiriir kaokiiyin mi siya kigi Ebrahim siya kingiin nwo rani mi Lasaras siya saika ninkin owi. ²⁴ Mi umirkak inkamin ina kauwokiyin, adi Ebrahim kira kariirsi daingwoyimiyo mi kira Lasaras siir dikrop iuungi siir inain op hopmaiym mi opa kariir kworiyaeya saiir hougin noksisaekeyim. Kara ta pae aiirin hik kimpisu prasae hai rani. ²⁵ Mi Ebrahim siya boin, yinisim tariinanin kira dimin whirin ina naingwokiyin. Biya kira omwaiya niki waiyan mi kira digworaekwo whiekakakar nwokin. Mi Lasaras siya dimin biye biyeyim simiir haiigin. Mi tariinanin siir kwoinin ti om iirin ini wadieyar yamwonyin mi ni kira ini hik kimpisu yama haiiuin. ²⁶ Mi dimin whirin

Adi Komii siya bɔdi haigɛnɛn, ɛ komii whɛrɛn kimiir mi krɛmiir bopwoniya tɛr. Mi iikamɛm tɛr nwowɛm sɛma ti ɛyɛn siir niyapidnaidamɛm sɛma dig nwo rani. Mi iikamɛm yarmiiya mi owi, krɛmiir tɛriir niyapidnaidniyɛm sɛma wɛ dig mi o rani. ²⁷ Mi umɛrkak inkamɛn siya boin, adi kara kiriirɛn hɛriinansi sɛi, kira Lasaras siirɛn kariir adɛn siir omaka hiriir dikropki. ²⁸ Kariir nomousimɛm iriyyarkɛm. Mi Lasaras siya simiirɛn yai kirɛ aiarar tini boinɛu. Mi sɛma wɛ ti om biyɛyɛn hik kɛmpɛpisu kara haiiyɛn siirar swoki inkɛn itisi. ²⁹ Mi Ebrahim siya ina boinɛn, sɛma Moses mi profet kam ikɛm simiir yaigakargɛm. Sɛma simiirɛn igao yai bɔdiya boinɛm sɛma ta yai aiarar wakaeyokna. ³⁰ Mi umɛrkak inkam ɛeya boin. Niingaka. Adi Ebrahim ta yaiya saeya simiirɛn wɛ dig nwo rani. Mi inkam whɛr nwɛrɛn siya ɛ hɛrankɛ nɛnsiin idwowi mi simiiramɛn ha nami mi simiir mhi kwoinɛm wa nɛnkpɛt haigii. ³¹ Mi Ebrahim siya ina boinɛiyɛn siirɛn mi sɛma Moses mi profet kamɛm simiir yai imiir wakaeyokna karamae nwowi mi inkam nwɛrɛn ɛ anɛn nɛnsiin idwowi mi sɛma iriipi hiriinan wɛ siir swoki aingwo tibmii rani. Niingaka. Iriig.

17

Dimɛn biyɛni siyɛugɛn
(Mt 18:6-7,21-22; Mk 9:42)

¹ Aiyɛ, aiyɛ mi Jisɛs siya kamɛm siir kɛna miriyyɛm simiir boinɛki, dimɛnpai dimɛnpaiyɛm wa nɛmbiyami iikam whɛkɛkam simiir kwoin imiir nɛpiyaokiiyam mi sɛma dimɛn biyɛ tɛram. Mi simiir naingwo tibmiiya wa whaowae iuguskii.

Aiyo, aiyo mi inkamın, inkam nwiirni naingwo tıbmııya saıir tırbuwiıın kira mıntarao mhoııya kira wı hik komııgi komıı haii. ² Mi siya ti yınisim sapısapım simiir nwiir iir tirkii, siyü biyie tiram mi hiriinankınıuwi, ini mi owın kam nhirim sima siir niıyın siıya komııya saıka dınkin kog. Mi siirın whıi komıı solwara saıir dıtmai whiridgi, yipi nwoki aeykrikıu whiridamım. ³ Kimakımasiyar mıntaraona! Mi kimiir nomııyauın, siya siyü biyie tiri, kima io saıir dwo mi siya siir kwoının kisına haigii mi kira siir dankabmamaır boın. ⁴ Mi siya dimın biyie kırıirın ii kwıruwa saıırararın idip idipın irııyar kwısa tiri mi siya kırıiramın idip idipın irııyar kwısa nıti mi ha nini boını, kara pi naingwoyımıyoki kira kariir dimın biyieyım simiir haiyoprımdiyıumiıgiyım. Iriig.

Naingwo tıbmııni siyüugın

⁵ Aposel kamım sima Biıyan Inkam Komııyın siir boınki, kira kırıir naingwo tıbmııya saıirın komıı swoki inkin hauugi. ⁶ Mi Biıyan Inkam Komıı siya simiir boın mi kırıir naingwo tıbmııya saeya mastid nidni hanın sapısapki nıuwi mi Adi Komıı siya kırıirın wı dimın komıı iıırar tırhaıgınıuwi. Mi kira paeyın siirın ha boınkii, kira, wara kırıir mııyım ti ophainam whıi komıı solwara hiriir! Mi siya wı kırıir yai aıırar mi wakaeyoknaei. Iriig.

Mııyan kamım simiir siyüugın

⁷ Mi kimiir inkam nwiirki siya mııyan inkamkaki nıuwi, siir numır aıir haınopam mi siir sibsib imiir kıgrııraowam mi mhoııya siya ha swoki iti mi siir biıyan inkamın siirın wı hınına boını, kira ha wıtsısau, nae kanaka winı idwokai aeni. Mi kira

wi hiniina boini, aniya? ⁸ Nningaki, nningakinga. Mi kira wi siir boinmauwuwi, kira kariir nae imiir diriraerar mi kira yaeya piuwopa ha kikognani mi naeyim ha diriraerar hainani. Bii op nae minim pi kara niki ae kwiyae mi mhoiyya kira op nae minim pa timi ae kwiyae. ⁹ Mi siya ti siir miyyan inkamin siirin pa boin wadie ta siya siir yai aiir wakaeyokna diriraerara sairsiyin, aniya? Nningaki, nningaka. Ya siirar miiga. ¹⁰ Mi kima iriipi hiriinan digworaekwo whiekakim Adi Komii siya boinim, kima simiir diriraerari mi kima wi hiniina boin, krima miyyan iikam miyyik rani. Diminim krima diriraerariyim krima Adi Komii siir kwoin iirar diriraerari. Iriig.

Kam iuurim paowaigi piskimkopouwim Jisis siya haiswoniskigim

¹¹ Jisis siya siyiuin om komii Jerusalem hiriir namiyin siir namkin mi siya nu Sameria nu Galili sowiir bopwowar napnamkin. ¹² Mi siya om whirin siir nimbiamin mi kam iuurim paowaigi piskimkopouwim siirin siyiu hir yapyiskaiwin. Mi sima aru hirar niki okwowim ¹³ mi sima ina kauwok boininaekiyim, Biyan Inkam Komii, Jisis kira krimiirsi daingwoyimiyyok. ¹⁴ Mi Jisis siya simiir kigin mi siya ina kauwok boinkiyin simiirin, kima ha dam, wara kimiir piuum prismi tini isiimauuiu. Mi sima ha napnamim mi simiir piuum ini miyyikar ywokiyim. ¹⁵ Mi simasimar yinkig ankigna simiir piuum wadie nwokiyim. Mi simiir nwirin sasa swoki iwitamim. Mi siya ina kauwok boin hainan prapasamin Adi Komii siir inig iir. ¹⁶ Mi siya Jisis siir igmiiga whwonkam

ida ini hiuu. Mi siya ina boin wadiekiyin siirin. Ti inkamin siya nu Samerian inkamkin. ¹⁷ Mi Jisis siya hiriinan kigiyin mi siya ina boinkiyin, ti kam iuurim paowaigi piskimkopouwim, simiirin kara haiswoniskigiyim mi iriyyar nwiyyim ini papi nwowim? ¹⁸ Mi ti iriyyar nwiyyim Adi Komii siir inig iir hainanam bi nitkim, aniya? Mi ti inkam nwiruan om whiranin sasar yit Adi Komii siir inig iir hainanam. Mi ti kam iriyyar nwiyyim Isrelmiyim, yim ini panina tirim, ha? ¹⁹ Mi mhoyiya Jisis siya boinki, kira dinsiingi mi ha dinsiin apnam, kira naingwo tibmiya kariiram, kiriirin wadie saeyar nwowaiginiugin. Iriig.

Iiya Adi Komii siya siir iikam whiekakim simiir kigirkakana wi sapi nimbini
(Mt 24:23-28,37-41)

²⁰ Mi Farisi kamim sima Jisis siir srigi, iiya Adi Komii siya siir iikam whiekakim simiir kigirkakana wi paka hinin iiya sae nimbini? Mi Jisis siya simiir yai aka hinina yowarkii boin, iiya Adi Komii siya siir iikam whiekakim, simiir kigirkakana saeya nimbiam, iikamim simiir nhwowim wi dimin kirie kirie komii komii kig rani. ²¹ Mi sima wi hinina boin tani, kigi, siya tisi tapi nwowin. Ningaka. Wakae, iiya Adi Komii siya siir iikam whiekakim simiir kigirkakana saeya ini kimiir mhi kwoinaw waraurar nwowa kima wi saiir kig rani. Ningaka.

²² Mi siya ha boin digiyin mi siya kamim siir kigna mriyyim, simiir boinki, mhoyiya iiya wa nimbiam mi kimiir mhi kwoinim Yaowae Adin ninomor kouanin kara nitana iiya, saiir

kigamar naingwowi mi kima wi siir kig rani. ²³ Mi mhoiyya kam nhirim wi sima boini kimiirin, kigi, siya isi hinda nwowin, kigi siya tisi tinda nwowin. Mi wim kima wi hiriinan inkamim simiir yai kipi wakaeyokna yim sima kimiir niksisaei. ²⁴ Kima ina ninokninkinim iya ninomora yakii mi ta ninomor kwirkaka wa yaarkakii. Mi Yaowae Adin ninomor kouanin siya nimbini, wi hiriinanar tiri. Mi iikam whiekakim sima siirin wa kigirkakwini. ²⁵ Mi bi kara wi hik kimpipisuwar niki haii mi iikamim ta ii aiirar niki owim, sima digumii wi kariir haimriyuwi. ²⁶ Siyuin biya Noaki nwowa iya saiir tirin. Mi Yaowae Adin ninomor kouanin siir iya siya nitana yo wi iriipi hiriinanar mi tiri. ²⁷ Mi sima nae hirar niki aeyim mi op minim hirar niki kwiyaeyim mi wigkamim ha nonkwonam iya Noa siya siyaiya hiriir napn nopkainamin mi op komiyyin ha nitin, simiirin ini siya yakii mdipugiyim. ²⁸ Mi Lot siir iya, ya iriipi hiriinanar mi tir. Mi sima naemin hirar niki aeyim mi opmin hirar niki kwiyaeyim mi digworaekwo minim hirar niki sainim mi digworaekwo nhirim, inkam nhirmi hauuwim sima sainim mi numir sasae ha ninkikinim mi omaka minim ha mi mirii. ²⁹ Mi Lot siya om komii Sodom siir haiburgigin mi ha namin mi ta ii aiirin Adi Komii siya pae aiir yikropki. Mi siiya komii komiyyim paekak paekakim, ina kinanaaiiyim ninomor kouankin iikamim simiir tioidwomaiyam. ³⁰ Mi iriipi hiriinan iya Yaowae Adin ninomor kouanin siya swoki iti, wi idowiyar nimbini, iikamim simiir whwonkam idar. Mi sima wi digworaekwo kasa tir tani.

³¹ Mi ta hiriinan iya inkam nwirin siya omakanau hir nwowi mi siir digworaekwowim, nu hir nwowi mi siya wi siir digworaekwo imiiram niunainam tani, simiir hainakiyam. Mi siya wi hindara nidam iuguski. Mi iriipi hiriinan inkam nwirin siya numir hir nwowi mi siya wi omaka tiriir swoki it rani, yuismn imiir hainankiyam. Nningaka. Siya wi hindara nidam iuguski. ³² Mi kima Lot siir wig aiir dinokninkinki, saeya om komii Sodom siir swoki haiyug kaokiya mi saiirin Adi Komii siya diriraerarki mi saeya sol ha nwokiya mi yinpae yamwoia. Mi iriipi hiriinan, kima kipi swoki haiyug kao hindara didam iugusam. ³³ Mi inkamin siyamar naingwonaeyin, Adi Komii siiram naingwo karamae nwowiyin, yo wi hindara kigugu iuguskii. Mi inkamin siyamar naingwo karam nwowiyin mi Adi Komii siir yai aiir wakaeyoknaeyin mi siir kwoinin wi hiriyar nwoyokiyokikaeyami, Adi Komii saikar. ³⁴ Kara kimiir boinkii, ta ni aiirarin, inkam nwiso hi kwiruwa saiirarar whwonkai mi Adi Komii siya sowiir nwirin siir hainami mi siir nwirin, yo wi hirar nwokii. ³⁵ Mi wig iso sowa mi iripa miriiguwaki mi Adi Komii siya sowiir ir aiir nikiunami mi ira, ya wi hirar nwokii. ³⁶ Mi inkam nwiso sowa numir hir nwowi mi Adi Komii siya wi nwir iirara nikiunami mi nwirin yo wi hirar haiburgigi. ³⁷ Mi kamim siir kigna miriyyim, sima ta yai aiir wakaeyim mi sima ina sriyyim, Biyan Inkam Komii ti diminin wi papi nimbiyami? Mi Jisis siya simiirin boiniyo yai boinkin, maeyauwa inkam whigi nwowa, wakikiyao wabim saiir nwowikim mi inkam whiyyim pi simar mi aei.

Iriig.

18

Wiga inkamın yai hidiyın siirım nikiunain saiir whindiriraerarım saiir boiniyo yaiga

¹ Jisis siya boiniyo yai kwira simiir boin simiir niisiimaugın sima inokinokın nhwo Adi Komii siirım kwisboinım mi sima kipi nhakiu. ² Siya hinina boin mi om komii whirin yai hidi inkam nwinin hir nwokin. Ti yai hidi inkamın siya Adi Komii siirsi bi swoki ididikin. Mi iriipi hiriinan inkam imiirsi bi mi aingwoyimiyokikin. ³ Mi wig igabae ira ti om iir nwoka. Inokinokın saeya ti inkamın yai hidiyın siirın hinina nini boinuwika, kariir ioan inkamın siya kariir nonkwobumbuam tiri mi kira siir boin huriiyunatkaigi. ⁴ Biya ti inkamın yai hidiyın saiir whindiriraeraram bi naingwokin. Mi mhoiya siya siir mhi kwoinauin hinina yaingwo, kara Adi Komii siirsi nidid rani mi kara iikam imiirsi bi mi aingwo ididkin. ⁵ Mi taka wig igabaeya kariirin kiigi saeya ninkinanaei. Kiya saiirın yai pi kara whinboini mi inokinokın saeya wi kariiram nitnanaeisi mi kariir pua mhoiya wa nhakiu uguski. ⁶ Mi Biyan Inkam Komii siya ina boinin, kima ti yai hidan inkam biyeyın siir yai imiir wakaeki mi ti yai hidan inkam biyeyın, siya ta wiga saiir yai bidi whindiriraerarin. ⁷ Mi wi panina tiri? Mi iikamım Adi Komii siya nimbınım siirım mi ni nabie siirım nouım mi tari Adi Komii siya yai wi simiir whinboin tani, aniya? Mi siya kaoguguwi mi tari wi simiir whindiriraerar tani, aniya? Nningaka. Adi Komii siya yai hidan inkam

miiyikiiŋgɪn. ⁸ Kara kɪmiir boɪnki mɪ siya sɪmiirɪn siyɪu wa whɪndirɪraerar sasaugi. Mɪ mhoiɪya Yaowae Adɪn nɪnomor kouanɪn siir ɪɪya, siya wɪ sair kɪgi iikamɪm sɪmiirɪn sɪma bɪdi yamsi aɪngwo tɪbmiiyɪm, iɪɪe? Niiŋgaka? Iriig.

Farisi kamɪm mɪ kamɪm omom omomi umɪr haiiyɪm sɪmiir boɪniyɪo yaiga

⁹ Kam sɪma hɪniina naɪngwowi, sɪma inkam miiyikim mɪ sɪma hɪniina naɪngwowi inkam nhɪrɪm sɪma inkam miiyik rani. Tɪ hɪriinan inkamɪm Jisɪs siya boɪniyɪo yaiya sɪmiir boɪnkɪn, ¹⁰ inkam nwɪso nhwo kwɪsboɪnim namko omaka Adɪ Komii siira sair hɪriir. Mɪ nwɪrɪn inkamɪn omom omomi umɪr haii ikɪn mɪ nwɪrɪn Farisi inkamkɪn. ¹¹ Mɪ tɪ Farisi inkamɪn sasa ha nokwokiyɪn mɪ siir mɪhɪi kwɪnau hɪrɪn hɪniina kwɪsboɪnki, Adɪ Komii kara tɪ inkam nhɪrɪm sɪmiir hɪriinan tani, kara tɪ kɪriirɪm sɪriyɪn. Mɪ sɪma hɪɪya tauaeikɪm mɪ siyɪu biyɪeyar mɪ tirikɪm mɪ wiga mɪ sopikɪm. An kara, niiŋgaka. Kara tɪ inkamɪn omom omomi umɪr haiiyɪn siir hɪriinan tani. ¹² Mɪ wɪk whɪekakɪm sɪmiirɪn kara ɪi kwokwɪsa haiyaeikɪn nae karamae. Mɪ digworaekwo whɪekakɪm kara haiiyɪm, kara ɪuura sɪoɪtkɪnikɪn mɪ haɪmii pɪ kɪriir mɪ hauwi. ¹³ Mɪ inkamɪn omom omomi umɪr haiiyɪn siya arurɪg ha nokwokiyɪn mɪ siya nɪnomor koua hɪriir kaowɪm pɪ boriisopi. Niiŋgaka. Mɪ siir niiyɪn ɪna kaiyɪrounaiinamɪn mɪ siya ɪna boɪnɪn, Adɪ Komii kara dimɪn biyɪeyan inkamkɪn. Kɪra kariirsi daɪngwobumbu! ¹⁴ Kara kɪmiir boɪnki, tɪ inkamɪn omom omomi umɪr haiiyɪn, Adɪ Komii siya siirɪn inkam miiyik yikɪuwɪn. Mɪ siya siir omaka hɪriirar

swoki amin. Mi ti inkam nwirin yio. Niingaka. Mi inkam saama naingwonaeyin, yio wi Adi Komii siya nikwowaisii. Mi inkamin saam naingwo karamae nwowiyin mi Adi Komii siya siir inigin wi kougikou haiginki. Friig.

Jisis siya yinisim sapisapim simiir nokboinmamairgin

(Mt 19:13-15; Mk 10:13-16)

¹⁵ Mi sima yinisim sapisapim Jisis siirim nikunanim. Sima minam naingwokim, Jisis siya in simiir nonkwowim. Mi kamim siir kigna miriirim sima ti hiriinan kigiyim mi sima io simiir ywoki. ¹⁶ Mi Jisis siya yinisim sapisapim simiirin ina yikunan siir kingiin hiriir mi siya ina boinin kima yinisimim kariirim kigninkinki, kima simiir kipi nikidu. Dimusi rani, Adi Komii siya siir iikam whiekakim simiir kigirkakana ti hiriinan iikamim simiirgin. ¹⁷ Kara kimiirin yaimwowar boini, inkamin iya Adi Komii siya siir digworaekwo whiekakim simiir kigirkakana saiir nitam naingwowi mi siya ti yinisim sapisapim simiir hiriinan dwo mi hiriinan karamki niuwi mi siya wi saiir napninopkainam tani. Niingaki, niingakinga. Friig.

Biiyan inkamin umir digworaekwo whiekakakin siir yaiga

(Mt 19:16-30; Mk 10:17-31)

¹⁸ Mi Judami biiyan inkam nwirin siya Jisis siirin hinina srii nowomwarkaiyuwan inkam miyik mi kara wi panina tiri. Kwoinbudin omwai waiyayokiyiyin inokinok siir haiyamin, ha? ¹⁹ Mi Jisis siya siir boinki, kira kariirin

inkam miyik dimusi dapkin, ha? Adi Komii sasargin inkam miyikin. ²⁰ Kira siyu komii iir bidiyar yinokninkinin. Kira wig kipi hainiki nonkwona. Mi inkam kipi mi isom ao. Mi hii kipi mi tauae mi kira inkam nwirni kipi mi iksisae boinhuriyu, kira kiriir yopii ado sowiirwai yai imiirar wakaeyokna. ²¹ Mi biyan inkamin ina boinin, iya kara yinisima nwonaniyin mi ini tariinanar yamwoniya kara ti siyu iirar wakaeyoknakin. ²² Jisis siya ta yai aiir wakaekiyin mi siya siir boinki, diminin whira niki whaowaei. Kira kiriir digworaekwo whiekakim inkam nhirim simiir hauu sima sainim mi kira ti umirim inkam paeprikabim simiir hauu. Mi kira hiriinan tiri mi ninomor kou hirin kira wi digworaekwo whiekakakar nwowi. Mi kira kariir mhoiyar wit. ²³ Mi ti biyan inkamin ta yai aiir wakaekiyin mi siya ini hikakar ywokiyin. Dimusi rani, siya umir digworaekwo whiekakak inkam kingin.

²⁴ Jisis siya ti inkamin siir mhai kwoinim hikak nwokiyim simiir kigiyin mi ina boinin, inkamin digworaekwo hoingakakin, siya Adi Komii siir omin siya kigriraowiyin dimin taemin imiir siir namimin wi miinan mrii. ²⁵ Mi haba ti tidiyinin yuis panyin siir no iir ninopkainamimin wi miinan mrii. Mi inkamin umir digworaekwo whiekakin siya wi ta haba miinan saeya mriiyya saiir hiriinan mi mrii rani. Ningaka. Yio wi mi komigi komii mrii nami Adi Komii siir omin digworaekwo whiekakim simiir kigriraowiyin siir namimin. ²⁶ Mi kamim sima hiriinan wakaekiyim mi sima ina boinin mi hiriinanki niuwi mi kwoinbudin inokinokin

omwai waiyayokiyokiiyin wi nhinga haii? ²⁷ Mi Jisis siya ina boinin, diminin inkamki tir karamae nwowiyin yim wi Adi Komii krimiir Wanin siyar diriraerari.

²⁸ Mi Pita siya ina boinin, wakae, krima krimiir omin mi krimiir digworaekwowim simiir bidi haiburgigim mi krima tisi kiriir mhoiia nitim.

²⁹ Mi Jisis siya simiir boinki, ihi, kara kimiirin yaimwowar boini mi yipiki inkamkin Adi Komii siya siir iikam whiekakim simiir kigirkakina sairim sibgu naingwowin mi siya omaka mi wig mi nomiiyau mi yopii ad yinisisim, simiir haiburgik ³⁰ mi ti iiyim Adi Komii siya wi hiriinan ii imiirar swoki inkin hauukiiyuwi. Mhoiia iya saeya nimbiamyami mi sima kwoinbudin inokinok omwai waiyayokiyokiiyin wi siir haii. Iriig.

*Jisis siya kwoimaka ina swoki boinin kara naon-ami wa swoki insiin idwowi
(Mt 20:17-19; Mk 10:32-34)*

³¹ Mi Jisis siya kam iuur nwisso siir kigna miriyyim simiir yikiuna mi simiir boinmauu, wakae, panao krima om komii Jerusalem hiriir nami. Mi yai whiekakim profet kamim sima win boinin, Yaowae Adin ninomor kouanin kariiram, sima wa nimbiamkini. ³² Mi sima kariirin wi kam nhirim isid whiranim Juda inkam tani simiir hauugi. Mi sima wi kariir nigbumbu tirbumbu haiginiyuwi mi wi yaeyop kariir mi yaswaiyuwi ³³ mi sima kariirin wi idgiu mini nipimpari mi wi kariir nisomaoki mi sima kariirin hiriinan tiri mi ii kwoimaka kara wa swoki insiin idwowi ie hiranki. ³⁴ Mi kamim siir kigna miriyyim sima ta yai aiir bi ninokninkinkim. Ta yaiya sair

yaimwokiyaimewowa saeya simiirsi nimprioka mi sima ta yaiya siya boina sair bi sibgu naingwokim. Iriig.

Jisis siya inkam nhwokwisae nwirin siir hais-woniskikin

(Mt 20:29-34; Mk 10:46-52)

³⁵ Mi Jisis siya om komii Jeriko kingiin ha nimbiamin mi inkam nhwokwisae nwirin siya siyu mig hirar nidwowikin. Mi siya inkamim simiiramar mi priikau priikauwikin umir digworaekwoim. ³⁶ Mi siyar wakaewin iikam isid komiyyin napnaniyim mi siya kam nhirim simiir sriiwin, sima dimu mini? ³⁷ Mi sima siir boinki, Jisisin omisim Nasaretanin isi napnaniyin. ³⁸ Mi siya ina kauwok boinanaekiyin, Jisis kira Devidni isidin siir yinisimkin, kira kariirsi daingwobumbu! ³⁹ Mi kamim bi napnamim sima io siir ywoki, kira yai tanki. Mi siya ina swoki kauwok boinanaekiyin, kira Devidni isidin siir yinisimkin kira kariirsi daingwobumbu! ⁴⁰ Mi Jisis siya ha namikwoniyyin mi simiirin ina boinkiyin, siirin kariiram wikiunani. Mi siya kingiin ha nitin mi Jisis siya siir sriigi. ⁴¹ Kira panina naingwowi, kara kiriirin pi dimu tiri, ha? Mi siya boin, Biyan Inkam Komii kariir nhwoin wadie swoki okiyim tiri. ⁴² Mi Jisis siya siir boinki, kiriir nhwoin ha kaoki, kiriir naingwo tibmiiya, kiriir nhwoin miyik saeya nwoaiginugikin. ⁴³ Mi bi kimiminkikin siir nhwoin ina swoki kaokiyin. Mi siya ini Jisis siir mhoiyar yamin mi ini Adi Komii siir inig iirar boin wadiekiyin. Mi iikam

isid komiiyɪn sɪma hɪriinan kɪgiyɪm mɪ sɪma ɪni
Adi Komii siir ɪnɪg ɪiɪrar hainankiyɪm. ɪriig.

19

Sakias siir niiwiigɪn

¹ Jisɪs siya om komii Jeriko siir yapnɪnopkainam
mɪ ɪna yapnamɪn. ² Mɪ inkam nwɪrɪn hɪr nwokin,
siir ɪnɪgɪn Sakiaskɪn. Siya kamɪm omom omomi
umɪr haiiyɪm sɪmiir biyan inkamkɪn mɪ siya umɪr
hoɪmgakakɪn. ³ Siya Jisɪs siir kɪgsɪbɪm mɪnkɪn, siya
yɪpɪkɪn. Mɪ iikam isid komiiyɪn sɪma hɪrar nwokɪm
mɪ Sakias siya inkam pɪɪɪ rani. Mɪ siya Jisɪs siir
panɪnsi kɪgsi. ⁴ Mɪ siya biya iwɪtamkwokɪn mɪ
pae wɪrɪn siir iiyam, Jisɪs siir kɪgwɪnam. Siya bɪdi
yɪnoknɪnkɪnɪn Jisɪs siya pɪ tɪ siyɪu ɪiɪr napnani
mɪ siya tɪ pae ɪiɪr asi nii wɪnkɪn. ⁵ Mɪ Jisɪs siya
ta maeyauwa saiir nɪmbiyamɪn mɪ siya koua
hɪriir kaokiyɪn mɪ siya siir boɪnki, Sakias, kira ha
wɪuuni. Panoa kara pɪ kɪriir omaka hɪr nwowi.
⁶ Mɪ siya ha nɪuun ɪdudunaiiniyɪn mɪ siir mɪhi
kwoɪnim maɪrgɪmaɪrga ha nwonaiiniyɪn mɪ siya
Jisɪs siirɪn siir omaka hɪriir yɪkɪunam. ⁷ Mɪ iikam
whɪekakɪm sɪma hɪriinan kɪgiyɪm mɪ sɪma ɪo
siir ywo. Siya inkamɪn dimɪn biyɪekakɪn siir
omaka whwonkaiyam dimusi namkɪn? ⁸ Mɪ
Sakias siya ha nɪnsiɪn okwokiyɪn mɪ siya Biyan
Inkam Komii siir boɪnki, Biyan Inkam Komii kira
wakae! Kara panaoɪn digworaekwo whɪekakɪm
pɪ bopwoniya tɪr haigɪn mɪmɪri mɪ kara haɪmii pɪ
kam paeprikabɪm sɪmiir hauuwi. Mɪ kara inkam
nwɪrni dimɪnim kara nɪksɪsae haiiyɪm mɪ kara
siirɪn ɪdɪp ɪdɪpɪn wɪ kwiya swoki hauukɪiyɪuwi.

⁹ Mi Jisis siya siir boŋki, tapa Adi Komii siya biɗi swoki anmaiwarkainam iikamim ta omaka sair nwowim simiirin. Ti inkamin siya iriipi hiriinan Ebrahim siirar yinisimkin. ¹⁰ Yaowae Adin ninomor kouanin siya iikamim kiguguwim simiirim hansirikin simiir nanmaiwarkainam. Iriig.

Miiyan kam iuurim umir haiyim simiir boŋniyo yaiga

(Mt 25:14-30)

¹¹ Iikamim sima ta yai aiir wakaekiyim mi Jisis siya boŋniyo yai kwira simiir warar mi inkin boin. Mi siya om komii Jerusalem siir kingiin biɗi ywowamin, sima hiniina naingwokim Adi Komii siya siir iikam whiekakim simiir kigirkakana, saeya wi kingiina kwombini. ¹² Mi siya ina boinin, inkam komii nwirin siya hir nwowin om whir nami mi sima siirin wi nu kigriraowan inkam komii dikmwon owaiginu. Mi mhoiya siya wa swoki iti siir oma tiriir. ¹³ Mi siya miiyan kamim simiir haiburgigim tirin mi siya siir miiyan kam iuurim simiirim yikiugi mi siya umirim simiirin paeyarim hasisa hid hauugi. Mi siya simiirin ina boŋkiyin mi kima umir mii simiir mirii mi kima wi kariirar mirii kigwin. ¹⁴ Mi tiki inkamin siir oman iikamim simiir mhi kwoinim ini hauugi hauuga whiyekiyim siiram. Mi kam nhirim sima kam nhir imiir boin siir mhoiya namim. Mi sima boin, krima pi boriisopi ti inkamin siya krimiir nu kigriraowan inkam komii kipi nwo.

¹⁵ Mi sima siirin ini nu kigriraowan inkam komiiyar yokmwon owaiginuun mi mhoiya siya ina swoki itin. Mi siya boin, ti miiyan kamim

simiirim dikɔugi, biya umir kara niki hauugikim. Mi kara ninokninkinim tiri sima ti umirim kara hauuwim sima nwinwira pariiga swoki inkin mirii hai. ¹⁶ Mi nwirin bii siya yit, yio hiniina boin, biyan inkam kara umir mi ti umir paeyar haso sowiirin, umir paeyarim kam nwira (200 Kina) mirii hai. ¹⁷ Mi biyan inkam ieya boinki, kira miyan inkam wadiekim mi mi miyikar sibgu miriikin. Mi kira dimin simin siirin bidi sibgu kigriraowin. Mi kara kiriirin pi inig komiigak nwowaiginugi, kira wi om komii komii iuurim simiir kigriraowi. ¹⁸ Mi nwisaka ina mi itin, yio ina mi boinin, biyan inkam kara kiriir umir paeyar haso, sowiirin umir paeyarim iuura (100 Kina) swoki inkin mirii hai. ¹⁹ Mi biyan inkamin siya siir boinki, kara kiriirin om komii iriayarim simiir kigriraowan inkam nikmw'in owaiginuwi. ²⁰ Mi nwirin ina mi itin, yio ina mi boinin, biyan inkam kiriir umir paeyar haso tisi tapi nwowo. Kara sowiirin kwankab aka kogin. ²¹ Kara kiriirsiyin dimusi bi nididgin, kira inkam paii rani. Diminin inkam nwirki haiginiyin mi kira siirsi bi naingwoyimi yokikin pi kira mi haii. Mi sasaeyim inkam nwirki ninkiniyim, iriipi hiriinan pi kira swoki ingugu haii. ²² Mi biyan inkamin siya ti miyan inkam iir boinki, kira miyan inkam biyekin! Kiriir yaiya kara kiriirin wi saiirsi boin wokiyopnatkaigi. Mi kira hiriinan ninokninkini, kara inkam miyik rani mi kara dimininim inkam nwirki haiginiyim pi kara mi haii mi sasaeyim inkam nwirki ninkiniyim pi kara mi ingugu haii. ²³ Mi kira umirim miyanau haigi karamae dimusi nwokin mi kara swoki itkiswo wa pin haini, yaeya

umir nhirim simiir warar. ²⁴ Mi siya kamim siir kingiin nokwowim simiirin hiniina boinki, kima wara umir paeyar haso sowiir hai, iki inkamin umir paeyarim kam nwrkakın siir hauugi. ²⁵ Mi sima siir boinki, biyan inkam, siya umir paeyarim kam nwira bidi haiyin. ²⁶ Mi siya ina boinin, kara kimiir boinki, yipiki inkamkin digworaekwo whiekak nonkwowim mi miı miıyik miriıyım kara simiirin digworaekwo nhirim wi idwowa swoki inkin hauugi. Yipiki inkamkin digworaekwo hoıngak karamae nwowin mi miı miıyik mirii karamae nwowin mi mhoiıya siya wi nınga nınga nwowi, digworaekwowim wi karar swoki hai. ²⁷ Mi yipiki iikamim sima io kariir nwowiyım, sima pi boriisopi, kara simiir mi kigriraowan inkam komii nwowim, kima simiirin tiriir wıku nani mi simiirin kariir whwonkam ida disomaoki. Iriig.

*Jisıs siya Jerusalem hiriirin inkam komii nu kigriraowiyin siir hiriinan napninopkai namkin
(Mt 21:1-11; Mk 11:1-11; Jo 12:12-19)*

²⁸ Mi Jisıs siya simiir yai aiir nowarkiı boın digiyin mi siya biıyar yapnamkwokin, siıyın om komii Jerusalem hiriir namiyin siir. ²⁹ Mi siya om Betfasi om Betani, mhu whirin sima dapiyin Oliv siir kingiin nwowamin mi siya biıyin inkam nwıso siir kigna miriıyo sowiir yikropki. ³⁰ Mi siya sowiir boınmauugi, kowa iki omin hapi nwowin siirım dam mi kowa pi donki haom irin siir kigi, sima bidi yıeyok okwowin pae aka. Mi siirin inkam nwrkin bi nidwokin. Mi kowa pi siir whakainani. ³¹ Mi inkam nwirin siya kowiirin

hina sri, kowa wara donkiyin dimusi hak hai nami? Mi kowa hina dowarkii boin, Biyan Inkam Komiiyin siya miigakin siirin. ³² Mi Jisis siya sowiirin ina yikropkiyin mi sowa ha namo mi sowa ti digworaekwo whiekakim siya boinkiyin simiirar ini kigu. ³³ Mi sowa wiyeyinsopin ti donki haomin siir neiyokin siir houwhroko mi siir adin siya sowiir sri, kowa wari donki haomin siirin whisarii dimusi haki, ha? ³⁴ Mi sowa ina boino, Biyan Inkam Komii siya siirin miigakin. ³⁵ Mi sowa donki haomin ina hainaniyin Jisis siirim. Mi simiir yuisim donki siir idwo yitimwanu. Mi sima Jisis siirin siir idwo yokmwın idwo. ³⁶ Mi siya donki siir idwo ha nidwo namın mi iikamim simiir yuisim ini siyu iirar puai winim. ³⁷ Mi siya mhu Oliv siir halburgigin mi ina yuunamin mi siyuin om komii Jerusalem siirim namiyin, siir kingiin nwonyim mi iikam isid komiiyin siir kigna miriyyim sima ina maigimaiga bwakai namim. Sima min swoki aingwokikim, kiripai kiripaiyyim biya sima kigim mi sima ha kauwok-nanaekiyim mi sima ini Adi Komii siir inig iirar hainankiyim. ³⁸ Mi sima ina kauwokiyim, Adi Komii kira ti inkam komii nu kigriraowiyin Biyan Inkam Komiiyin siir inigi natin siir whinkinsiis haiginu! Iikamim ninomor kouanim sima Adi Komii siiramın wi wadiyar nwowi mi wi mhi hiinsima nwowi. Krıma Adi Komii krımiir Wanın ninomor kouanın siramar daingwo iski siir inig hainanim. ³⁹ Mi Farisi kam nhirim sima ti iikam isid komiiyin saika ninkin okim mi sima Jisis siir boinki, nowamwarkaiyuan inkam, kira io kamim kirir kigna miriyyim simiir dwoki sima yai tanki!

⁴⁰ Mi siya ina yowarki boɪnɪn, kara kimiir boɪnki mi yai miƙrɪm nwowi mi wi siiya imar kauwok boɪnki, kariir inig hainanam. Iriig.

Jisis siya om komii Jerusalem siirsi nougɪn

⁴¹ Mi Jisis siya om komii Jerusalem kingiin nwowamɪn mi siya om komii iir kigɪn mi siya ini siirsiyar youwɪn. ⁴² Mi siya boɪn mi ta ii aiirɪn kira hinina ninokninkini, siyɪuɪn hiinsima kiriir nwowaigɪnuwiyɪn, yɪo wi wadɪeyar mi owi mi tariinanɪn ti dimɪnɪm aowa aowa nwowɪm, kira simiir bi kigɪm. Mi kɪma wi miyɪk nwo rani. ⁴³ Kira wakaeki! Mhoiɪya ii kwira nɪmbiyami mi sima wi io kiriir nwowi mi sima ieyɪn wi whira nopi yaii kinaka nɪniyɪm. Mi kiriirɪn hɪnda tɪnda wi simar kaeyokwai ɪrkaki. ⁴⁴ Mi sima wi kiriir nonkwobumbu nɪnkini mi iikamɪm ta hiir aiir kinaka nwowɪm simiir warar. Mi sima siyam wi siiya nɪrni idwo kignɪnkɪngik rani. Nɪngaka. Dimusi rani, kira iɪya Adi Komii siya kiriir nanmai-warkainanaei saiir bi naingwokin. Iriig.

Jisis siya iikamɪm omaka Adi Komii siira umɪr saiir nɪnwowana haiyɪm simiir nhɪnkropkikɪm

(Mt 21:12-17; Mk 11:15-19; Jo 2:13-22)

⁴⁵ Mi Jisis siya omaka Adi Komii siira saiir napnɪnopkai namɪn mi siya iikamɪm umɪr mi ta omaka aiir mɪriyɪm simiirɪn ina yikrirop atkiigiyɪm. ⁴⁶ Mi siya simiir swoki boɪnki, Yokwo Komii saeya hinina boɪnka, kariir omaka Adi Komii siirɪm kwisboɪnan omakaka. Kɪma saiirɪn hiyan kamɪm simiir omakanan dirɪraerarkɪm.

⁴⁷ Mi inokɪnokɪn siya iikamɪm simiirɪn omaka Adi Komii siira saiirar nowomwarkaiyɪuwikɪn.

Mi prismi yaowae adim mi siyu komii ninokninkiniyim mi iikamim simiir biyan kam ikim, sima Jisis siir nisomaoni siyuim noksirkim. ⁴⁸ Mi iikam whiekakim sima Jisis siir yai wakaeyamar naingwokripkaii mi kamim simiir bi nwowiyim siir nisomaoni siyuim asi noksirgugim. Iriig.

20

Sima Jisis siir sriigim siirin inigak nhinga nwowaiginiugin

(Mt 21:23-27; Mk 11:27-33)

¹ Mi iigwira Jisis siya omaka Adi Komii siira, iikamim simiirin yai saiir hir boinmimauguin mi yaiwin miyika saiir warar mi inkin isiisiimauguin. Mi prismi biyan inkamim mi kamim siyu komii ninokninkiniyim mi kamim bi nwowi ikim. Sima siirim nitkim. ² Mi sima siir boinki, kira krimiir boinmauugi, kira inig komii papi haigin kira ta miya saiir mriiyin? ³ Mi siya simiirin hinina yowarkii boinki mi an kara iriipi hiriinan yai kwira kimiir sriiyim tiri. Kima kariir boinmauugi, ⁴ ta baptaisa Jon siya hauwa ya Adi Komii siirga, iyie? Inkamniyar diminka? ⁵ Mi sima ini sima sima yomboin amboinim mi krima hinina boini siya Adi Komii siir hiranka nitkin. Mi yio siya wi hinina kwaboini, kima Jon siirim naingwo tibmii karamae dimusi nwokim, ha? ⁶ Mi krima ha boini, yio inkamniyar diminkan mi iikam whiekakim sima wi siiyani krimiir kaiyimiki whisarii rani, sima hinina naingwo tibmiikini Jon siya profetkin. ⁷ Mi sima Jisis siir yai aiir asi nowarkii boinkim, krima ninokninkan tani, Jon

siirin nninga nmbingin. ⁸ Mi siya simiir boinki mi ankara iriipa hiriinan kara kimiirin pi hinina mi boinmauu rani. Kara ta miya saiir miriyyin ti hinin inig komiyyin nninga hauugin. Friig.

*Inkam biyeyim numir waina saiir
kigiraowiyim simiir boiniyo yaiga
(Mt 21:33-46; Mk 12:1-12)*

⁹ Jisis siya ta boiniyo yaiya iikamim simiir boinka. Inkam nwirin wain ninkinkin numir. Mi ta wain numira kam nhirim simiir in yonkwo sima umir mi saiir miriyyim. Mi siyarin om whirin aru nwowin ii haruwa bi nini owoukin siirin. ¹⁰ Mi iya numir waina saiir ningugu haiyana mi siya whisarii mi priimiriyyan inkam nwirin siir yikropki, ti kamim numir waina saiir miriyyim simiirim. Siya minam naingwokin ta numira saiir nae nhirim siir hauuwim. Mi kamim sima ta numir aiir miriyyim sima ti whisarii mi priimiriyyan inkamin siir yipimparki. Mi siirin ini nninga nninga swoki ikropkiyin. ¹¹ Mi siya miyan inkam nwirin ina swoki ikropkiyin simiirim. Mi siirin iriipi hiriinan ina mi tirbumbu haiginugiyin mi sima siirin ini nninga mi ikropkiyin. ¹² Mi siya miyan inkamin nwoimaka ina mi ikropkiyin. Mi sima siir tirbumbu haiginugi mi siirin yaba hiriir yikrirop apniki. ¹³ Mi numiran adin siya boin, kara wi panina tiri? Kara wi kariir yinisim yinkamiyyinin kara naingwokwonanaeyin wi siirar nikropki mi sima wi siir yaiyar nwoki wakaeyoknaei. ¹⁴ Mi ti kamim ta numir aiir miriyyim sima kigwin siir yinisimin namin. Mi sima hinina boin, ti yinisimin siya numiran adin siir yinisimkin. Humbae, krima siir nisomaowi

mi ta numira sairin wi krimar nwoki onkwowim.
 15 Sima siirin numira sair hiranki kinaniyamın
 mi siirin numwo hir yisom itkingik. Mi Jisis siya
 simiir sriigi mi ta numira sair adın siya simiirin
 wi panina tiri, ha? 16 Mi siya wa niti, ti kamim ta
 numir aiir miriियim wi siya nisomsom aokaowi.
 Mi siya ta numir waina kam nhirmi hauugi. Mi
 ti iikamim sima hiriinan wakaeyim mi sima ina
 boinim, siya hiriinan kipi tirmimin. 17 Jisis siya
 simiir kaokiyin mi ina sriigiyin, ta yaiya Yokwo
 Komii sair nwowim sair yaimwoka yaimwowa
 panina boinka?

Ti yinpaeyin omaka miriियan kamim sima
 nitkaigiyin tariinanin siya ini biyan
 yinin omaka kougou nwowin siir hiriinan
 yimbiamin.

18 Iikamim sima ti yinpaeyin siir idwo nikii, wi hin-
 dara niki ikrimkrip uguguski. Mi ti yinpaeyin siya
 inkam nwirni idwo nikii mi siya wi ti inkam iir
 nisimsin uguski mi wi dimin sisimnan namwo
 iuwi, Jisis siya hinina boinkin.

Umir hauuni siyugin.

(Mt 22:15-22; Mk 12:13-17)

19 Mi kamim siyu komii ninokninkiniyim mi
 prismi biyan inkam ikim sima ina ninokninkinim
 Jisis siya ta boiniyo yaiya simiirar boini. Mi ta ii
 aiirarin sima ina nhingiyim siir nonkwowam mi
 ini iikam imirsi yididim. Friig.

20 Mi sima siirimın ina kaowim. Mi sima kam
 nhirim simiirin umir saingi mi ina yikropkiyim siir
 kanau kigam. Mi ti kamim sima inkam miyiknan
 niksisaenamkim, sima siirim kinankiugim.
 Siya pi yai biyie kwir boini mi sima siirin wi

inkam komiiyin nu kigriraowiyin wi siir in hauuwi siya hidam mi siir wi hik kimpipisu siya hauuwi. ²¹ Mi ti kamim kanau kaowim sima Jisis siirin hinina boinki, inkamin dimin taeminim sim nowamwarkaiyuwiyim krima bidi yinokninkinim, kiriir yaiya saeya ini wadieyar ywowa, kira iikamim simiirin yai miyik imiirar sibgu boinmamauwikin. Kira kamim inigakim simiirsi bi nididikin. Ningaka. Kira Adi Komii siir siyuim mi siir yaimwokiyaimwowim, iikamim simiirin saiirar boinmamauukin. ²² Kira panina naingwowi? Krima umirim takisa inkam komii Sisa om komii Rom kigriraowiyin siir hauu, aniya? Iyie? Ningaka? ²³ Mi Jisis siya bidi yinokninkinin, ta sima siir kinankua. Mi siya simiirin hinina asi boinkin, ²⁴ umir kwira kariir wisiimauugi. Ta aknain inig minim ta umir aiir nwowim nhiniirga? Mi sima boin, Sisa siirga. ²⁵ Mi siya simiir boinki mi Sisa siir diminin yo kima om komii Rom siir kigriraowiyin Sisa siirar hauu. Adi Komii krimiir Wanin siir diminim yim kima Adi Komii siirar timi hauu. ²⁶ Mi ta yaiya saiirin iikamim simiir whwonkam ida wi swoki kinanku rani. Dimusi rani, siya yai biyie kwir bi boinkin mi sima ta yaiya saiir saiirar yaingwokwonanaeyim mi sima yai bi wakae boinkim. Iriig.

*Sima Jisis siirin iikamim naonamiyim mi ha swoki insiin idwowyim simiirim srigim
(Mt 22:23-33; Mk 12:18-27)*

²⁷ Mi kam nhirim Sadyusini isidin simiir hiranim sima Jisis siirim nitkim. Sadyusi sima hinina boinikim: Inkamin naonamiyim bi swoki insiin

idwowikim. ²⁸ Mi sima siir srigi, inkamın dimın taemın nowomwarkaiyuwiyın Moses siir yai kwira biya krimiirimin hinina winboinkika mi inkam nwin wig nonkwonaei mi siya yiniekak bi nwokin mi ha naonami mi ti inkamın siir wiga wi siir nomousim ieyar swoki haii. Mi siya wi siir yaowaeyın siir yinisim imiir nwoki iyowim. ²⁹ Mi iwinyaowim iriyyar nwisa nwowi. Mi yaowaeyın wig siya yonkwona mi siya ini yinisim karamaeyar yaonamin. ³⁰ Mi nwisaka siya swoki onkwona ta wig aiirın. ³¹ Mi mhoiyya nwoimaka iriipi hiriinana mi tir. Mi ti iwinyaowim ta wig aiir nonkwonam sima ini yinie niyio karamaeyar yaokaowim. ³² Mi mhoiyya ta wiga iriipa hiriinan ina mi aonama. ³³ Mi iyya inkamim naonamiyim sima ninsiin idwowi, ta wiga saeya wi nhiniir wig nwowi, ti iwinyao iriyyar nwiso saiir nonkwonam sima?

³⁴ Mi siya simiir yai aka hinina yowarkii boinki mi tariinanın ti nu iirın wigkamim wa napninkwonaei. ³⁵ Mi iikamim naokaowim sima ha swoki insiin idwowi mi omwai waiyaei mhoiyya sima wi wigkam ninap nonkwonani siyugak nwo rani. ³⁶ Mi sima wi nao rani. Sima wi Adi Komii siir paekwosimim simiir hiriinan nwowi. Adi Komii siyar hidninsiin idwokin ie hirankın. Mi sima wi siir yinisim asi nwowi. ³⁷ Moses siya krimiirın bidiyar sibgu boinmauwın, iikamim ie anki swoki ninsiin idwowiyim simiirın. Yokwo Komii saeya ti paekikopim, paeya niutingi karamae nwowi saeya niunamin simiirın hinina boinka, Biyan Inkam Komiiyın siya Ebrahim siir Adi Komiikın mi Aisak, Jekop sowiir Adi Komii

warargin. ³⁸ Mi iriipi hariinan kamim naowim, Adi Komiiyin simiir Adi Komii rani. Ningaka. Ti Adi Komiiyin kamim omwai waiyayokiyokiiyim ieyankin ninsiin idwowim simiir Adi Komiiyin. Mi iikamim Adi Komii siya nimbiniim mi omwai swoki waiyam mi sima inokiiinokin wi Adi Komii saikar nwoyokiyokiikaeyami. ³⁹ Mi siya hariinan boinin, kam nhirim siyiu komii ninokninkiniyim, sima siir yai aka ina yowarki boinin, inkamin dimin taemin nowamwarkaiyuuiyin, kira yai wadieyar boinkin. ⁴⁰ Mi sima yai nhirim siir swoki sriiyamin ini yididim. Iriig.

*Jisis siya Farisi simiir sriigin inkamin
Adi Komii siya nikropkiyin Kraisin krimiir
nanmaiwarkainanin siirim
(Mt 22:41-46; Mk 12:35-37)*

⁴¹ Mi Jisis siya simiir boinki mi sima hinina dimusi boinkin, kraisin Devidni yinisimkin, ha?

⁴² Mi yokwo Samim Devid siya hinina boinkin, kariir Biyan Inkam Komiiyin siya kariir Biyan Inkam Komii iirin hinina boinkin, kira kariir ina iniga saiir didwo.

⁴³ Devid siya Kraisi siirin hinina boinkin, mhoiia kara kiriir sau omomin wi kiriir aowa nokmwim owaiginiuwi.

⁴⁴ Devid siya siirin Biyan Inkam Komii dapikin. Mi siya siir yinisim dimusi swoki kwokiukin mi Farisi kamim sima hinina sriigim, ha? Iriig.

*Kamim siyiu komii nowamwarkaiyuuiyim
simiir siyugun
(Mt 23:1-36; Mk 12:38-40)*

45 Mi iya iikam whiekakim sima hirar nwowim sima Jisis siir yaiya saiirar wakaekim. Mi siya kamim siir kigna miriiyim simiir boinki, 46 kima ti kamim siyu komii ninokninkiniyim simiirsi mintarao. Sima yuis priei ara nii apamar naingwowikim. Mi sima minamar mi aingwowikim, iikam whiekakim sima simiirin maeyauwa iripa nwowiya saiir nokboinmamarim. Mi sima minamar mi aingwowikim iikam whiekakim simiir whwonkam ida omaka Adi Komii siir yai nidwokai wakaeiya mi saiir biyan ipii imiir nidwokaiyim. Mi biyan ipiyya nae komii nidwokai aeyim saiir mi idwokaiyim. 47 Mi sima wig igabaeyim simiirar mi iksisaeikim. Simiir omaka imiir nii kinimbimbir haiikim. Mi sima nhwo priei minam kwisboini iikamim simiir inig hainanim. Mi mhoiyya Jisis siya niti sima wi hik ti hiriinan dimin imiirsi haii. Iriig.

21

Wig igabaeya saeya umir Adi Komii siir hauuga (Mk 12:41-44)

1 Jisis siya ha kaoyokiyokigiyin mi siya kam umirkakim sima umir miyya Adi Komii siir omaka saiira, saiir nitkaikaiyuwi. 2 Mi siya kig wig igabae paeprikaba mi saeya umirsim kwiso Adi Komii siir miyanau hiriir haigigi. 3 Mi siya ina boinkiyin, kara kimiirin yaimwowar boinki, wig igabae paeprikaba saeya umir komii iirar haigigika mi saiir siyuin saeya hauugiya umir ini ti iikam whiekak imiir haiburim. 4 Ti kara hiriinan dimusi boin tani. Mi ti iikamim sima

umir whiekakakairgim mi sima haɪmiiyara hauugikim, diminin Adi Komii siir pɪihauunan. Mi ta wiga saeya umir karamae kɪnga. Mi saiir umir haɪmiiisima ini simiirar hauuswokiyim. Mi saeya nae sainan umir karamaeya ywokiya. Iriig.

Jisis siya Adi Komii siir omaka saiir boɪnkin wi sapi bimbɪrgi

(Mt 24:1-2; Mk 13:1-2)

⁵ Kam nɦirim sima hɪnɦina boɪnkin Adi Komii siir omaka aiirin, ta omaka saeya omaka wadieka sima siiya miyikim simiir pɪuaigim mi dimininim Adi Komii siir pɪihauuwim simiir warar mi pɪuaigim. Mi Jisis siya boɪn, ⁶ ti digworaekwowim tariinan kɪma kɪgim, iya nɪmbiyami mi sima siiya nɦirin wi siiya nɦirni idwo kɪgninkin o rani. Mi sima wa nɦimnhinkii iuguguski mi simiirin wa nitkaigaiki. Iriig.

Jisis siya hik whiekakim nɪmbiyamanim simiir boɪnkin

(Mt 24:3-14; Mk 13:3-13)

⁷ Mi sima siir sriigi, inkam nowamwarkaiyuan inkam, ti diminin wi paka hɪniin iya sae nɪmbiyami? Mi wi piki hɪniin diminin siya nɪmbiyami biyin mi kɪma wa nwoki inokninkinim, ti dimininim ini kingiina nwowim wi simbi nɪmbiyami, ha? ⁸ Mi Jisis siya ina boɪnin, kɪma mintarao, kimiirin wi sima niksisaesi. Mi sima whiekakim sima wi kariir inig iir nini dapni mi sima wa boɪni, ti inkamin Adi Komii siya nɪkropkiyin, yio karargin! Mi sima wi hɪniina boɪni, iya kingiin nwowa mi kɪma simiir mhoi kipi nam. ⁹ Mi mhoiia kɪma wi hɪniina wakaei

saua ini ninita mi yaiya ini mi iniya mi kima kakak kipi nwo. Ti hiriinan diminim bi wi sima nimbiam mi kima iya Jisis siya nitina wi asiima niki imbiyam tani. Ningaka. ¹⁰ Mi siya simiirin hiniina boinki, nu whiran iikam isid whirin, wi nu whiran iikam isid whirin yaii sima ninii. Mi inkam komii nwirin nu kigriraowiyin siir isidin, wi inkam komii nwirin iriipi nu mi kigriraowiyin wi yaii siir isid inaka mi ninii. ¹¹ Mi ti nu iirin nin komii komiyyim wa nimbiam. Mi maeyau nhirim mhai komii wa mi aowi mi naokao komii komiyyim wa mi imbiyam. Mi ninomor kou hirin wa nimbiam dimin kirieyim kimiir kwoin imiir kimainokam.

¹² Mi ti digworaekwo whiekakim wi niki imbiyam tani mi sima kimiir nonkworindinu diriraerar bumbuwu. Mi sima kimiirin wi omaka Adi Komii siira wi saiir hir boinhuriyu boini mi sima kimiirin wi maeyau biye huyokiyokaiya mi biye miriia wi saiir nikmwun apninopkaigi mi sima wi kariir inig iir nikwowaisiyim tiri, whisarii rani, kima kariir mi kigna miriigim mi kimiirin wi sima nikunami, inkam komiyyin nu kigriraowiyin mi kamim omom omom kigriraowiyim simiiram. ¹³ Ti hiriinan iya saeya wi kimiir siyu miyik nwowi kariir yaiwin kibi aiir boinnimauwim. ¹⁴ Mi kima yaiya kima nowarki boinana simiir saiirsi kipi naingwoyimiyok. ¹⁵ Mi yaiya kima boinana wi kara hauwi mi ninokninkin aka. Omomim sima ta yaiya kara hauwa wi saika nantamyiriyir tani. ¹⁶ Kimiir yopii ad mi nomousisim nomiyau mi kimiir iripa o nhieyim kimiirin wi sima kinmauu iti

kimiir sau omomin simiirin. Kimiirin nhirim kimaka nwowim wi simar nisomaowi. ¹⁷ Iikam whiekakim simiir kwoinin haughauga wi dimusi whiyie rani kimiiram, kima kariiram naingwo tibmiigim. ¹⁸ Mi kima kariiram naingwo tibmiikini mi kariir mi aiir sibgu onkworinu mirii mi kima wi swoki kigugu rani. Nningaka. ¹⁹ Kima kiriyar sibgu o mi kima kimiir kwoinbudin omwai waiyayokiyokiiyin wa swoki haiyim. Iriig.

Jisis siya om komii Jerusalem siir boinkin wi sipi nidwomaii

(Mt 24:15-21; Mk 13:14-19)

²⁰ Mi mhoiia kima ha kigi sauan omomin ini om komii Jerusalem siir namwokwoyokainiyim mi kima ha dinokninkin, iia ti om komii iir nidwomwaiyana ini kingiin nwowa. ²¹ Mi taka iia nu Judia hiran iikamim sima wi mhu iir nidamami. Mi iikamim hir nwowim sima ti om komii siir haiburgik mi maeyau kwira dam. Mi iikamim om komii siir yaba nwowim, sima siir hiriir kipi swoki am. ²² Dimusi rani, taka iia ya saeya Adi Komii siya swoki tirbuwana iikam whiekakim om komii Jerusalem hiranim simiir dimin biyie whiekakim simiirsi mi yai whiekakim Yokwo Komii saiir hir nwowim wa nimbiyamkini. ²³ Mi naingwoyimiyok komiiga wigim yinpiugak nwowim mi wigim yinisim mwii haigiyu imiiaeyim ta iia saiirin! Hik komiia wi ti nu iir nimbiyami mi Adi Komii krimiir Wanin siir kwoinin haughauga whiyieya wi ti iikam isidin siir naeyiskaiyuwi. ²⁴ Mi simiirin wi kamkiu ieyar niuguguski. Mi simiirin wi simiir

sauan omom ieyar ninkinikou hainami mi simiirin nu whiran isidin simiir bopwoniya nini hauugigi. Mi iikamim naingwo tibmii karamaeyim simiir iga om komii Jerusalem siir namikwoni mi ti iikam isidin sima wi hiriyyar digi mi om komii Jerusalem wi simiir iniga nwowi mi wi simiir iya Adi Komii siya nimbina simiiram wi saiirar digi. Iriig.

*Yaowae Adin ninomor kouanin siya nitni ti aeya
(Mt 24:29-31; Mk 13:24-27)*

²⁵ Diminpai diminpai wa nimbiamyi bie bwau nauun simiirin. Mi nu tirin iikam isid whiekakim simiir kwoinin wa noki, hinin komiia bipibipiyakina whi komii Solwara hir saiirsi. ²⁶ Mi iikam whiekakim simiir kwoinin wa naingwowi. Aei! Dimu dimin biyekin krimiir nimbiamin mi simiir kwoinin wa noki mi nhwo wa mi aowabrombrokainami. Dimusi rani, dimin komii komiyyim ninomor kouanim wi ninanar nitki. ²⁷ Takana saeya nimbiamyi iya mi wi sima kigwini kara Yaowae Adin ninomor kouanin ini waumirsim kwira saika ninkin itin, siya kirie komiigakin. Mi dimin komiyyin paenan niuyaeiyin wi saika ninkin iti. ²⁸ Mi mhoyia ti dimin hiriinanin sima nimbiamyi bwakaii mi ta iya kima wa dokwo. Mi kimiir mwowim wa kininsiina kaoki. Dimusi rani, iya Adi Komii siya kimiir nanmaiwarkainana saeya kingiin bidi yamwoniya. Iriig.

*Whrou siya ti nisiimauuwikin
(Mt 24:32-35; Mk 13:28-31)*

29 Mi Jisis siya boiniyo yai kwira simiir boinki. Siya ina boinin, kima whrou siir kigi mi pae nhirim simiir warar. 30 Mi kima hiniina kigi auwim ini nisabim whrou wokam, kima ha dinokninkin op komiigi niuni iya ini kingiin nwowa. 31 Mi iriipi hiriinan kima ti digworaekwo whiekakim nimbiamim simiir kigi mi kima wa dinokninkinki, iya Adi Komii siya siir digworaekwo whiekakim simiir kigirkakana ini kingiin nwowa. 32 Kara kimiirin yaimwovar boinkini, iikam whiekakim ta ii aiir niki owim sima wi niki ao rani mi ti dimin whiekakim sima wa nimbiamim. 33 Nu ninomoro yo wa digi mi kariir yaiya wi wara dig rani. Ningaka. Iriig.

Mi kamim siir kigna miriyim sima mintarao

34 Mi kima, kimasiyar mintarao inokinokin kima nae naeyarimar kipi naingwo, kima opa kwiyae whaowaeiya saiir kipi kwiyae. Mi kima dimin taeminim piu aiir nwowaiginuwiyim wadie, simiiram kipi naingwo. Mi siyiu hiriinanin kimiirin wi siya nikwowaisii, kara Yaowae Adin ninomor kouankin nitin kariir iya saeya wi kimiir nimbini, sauin wraisu namituwiyin siir hiriinan. 35 Iya kara swoki iti, ta iya iikam whiekakim mi nu haimiihaimiyim hinda tinda nwowim wi simiir nimbiamim. 36 Inokinokin kima hindara waikao. Mi inokinokin kima nhwo Adi Komii siirimar kwisboinanae, siya kirie kimiir hauuwim. Mi ti diminin siya nimbiamim mi kima wi wadieyar nwoki mi kima wi Yaowae Adin ninomor kouanin wi siir whwonkam ida nokwowi.

³⁷ Mi inokinokin Jisis siya iikamim simiirin Adi Komii siir omaka saiir hir nowamwarkaiyugin. Mi niyaka siya pi mhu whirin sima dapiyin Oliv pi siir nini whwonkaowi. ³⁸ Mi iikam whiekakim sima imuma nhingiyakwokikim Jisis siir yaiya saiir wakaeyim Adi Komii siir omaka saiir hir. Iriig.

22

Prismi biyan kamim mi kamim siyu komii ninoknikini ikim, sima Jisis siir nimprio hainam tirkim.

(Mt 26:1-5; Mk 14:1-2; Jo 11:45-53)

¹ Mi iya wou nikwo aeiya dimin whirki kimbu karamae nwowiya bretin yis karamaeyin siira, sima saiirin Pasova dapikim saeya wi sapi nimbiam. ² Mi prismi yaowae adim mi kamim siyu komii ninoknikiniyim, sima Jisis siir nisomaoni siyuam hansirkim. Mi sima ini iikam imiirsi yididim. Mi sima ina boinim, krina Jisis siirin wi panina nisomaowi?

Judas siya Jisis siirin bidi yimbinin bi nwowi kamim simiir napwouwm.

(Mt 26:14-16; Mk 14:10-11)

³ Mi Setan siya Judas Iskariot, sima dapiyin, siir kwoin iir hurworwokaigin. Mi siya ti kam iur nwiso Jisis siir kigna miriyyim simiir nwrkin. ⁴ Mi Judas siya prismi yaowae adim mi kamim Adi Komii siir omakam simiir kigriraowiyim, simaka ini boinu. Siya hiriinan minam tirkin, Jisis siir nisomaoni siyuin siirim hansirkin simiir in hauuim. ⁵ Mi sima ini maingimarga ywokiyim. Mi sima ina kitbmii boinim umir siir hauuim. ⁶ Mi

Judas siya simiir yai aiirin ini wadiya ywokiya. Mi siya ina hansirin Jisis siirin simiir kinmauu itim. Mi siya minam naingwokin iikamim sima ti diminin siir kipi ninokninkin. Jisis siir kinmauu iti. Iriig.

Inkam nwisoo Jisis siir kigna miriyo yaewouwa sair naeyim sowa ini diriraerarkwoyin
(Mt 26:17-25; Mk 14:12-21; Jo 13:21-30)

⁷ Iiya wou nikwoaeiya, dimin whirki kimbu karamae nwowiya, bretin yis karamaeyin ina yimbiyama. Mi ta iya sima sibsib yinisim iirin wi sair nisomaowi, ta Pasova nae komiia sair naeyam. ⁸ Mi Jisis siya Pita, Jon, sowiir yikropki mi siya sowiirin, ina boinmimaugiyin, kowa dam, krimiir naeyim wou nikwo aeiyim, pasova, pi kowa tini diriraerarkwoyin, krima naeyam. ⁹ Mi siirin ina yowarki boinkiyin, kira panina naingwowi, krira pi papi diriraerar haigin kwokini? ¹⁰ Mi siya sowiirin ina boinmaugiyin, wakae! Kowa pi om komiia hiriir napinopkainami mi inkam nwirin op twokak haiyapni, siya kowiirin pi siyu hir napyiskaiwini mi kowa pi siir mhoiyar dam. Mi omaka siya mi apinopkainami, wo kowa pi sair warar timi apinopkainam. ¹¹ Mi kowa pi ta omaka sair adin siir tini boinu, inkamin dimin taemin nowomwarkaiyuwiyin, siya hinina boinkikin, siir maeyaua huuyokiyokaiya, nae diriraerarana ini papi nwowa? Kara mi kariir mi kigna miriim kamim, krima nidwokai aeyam, ta Pasova aiir. ¹² Kowiirin wi siya nisiimauwi, maeyau komiia huuyokiyokaiya

koua nwowa pi sair n̄isiimauwi. Ta maeyaua h̄i mi ipii digworaekwo whiekakim nae min kowa diriraeranim ini hirar nwokwokinim. ¹³ Mi sowa ha namo mi sowar kig, digworaekwo whiekakim, Jisis siyar boinkiyim hirar nrowi. Mi sowa yaewouni naeyim Pasova ina ini diriraerariuwo. Iriig.

Jisis siya bret mi op wain opa siir kigna miriyim simiir hauugin

(Mt 26:26-30; Mk 14:22-26; 1Ko 11:23-25)

¹⁴ Mi iya ha n̄imbiyama Jisis siya, siir aposel kamim simaka yidwokai h̄iya sair. ¹⁵ Mi siya simiirin ina boinin, kara kimaka ta yaewou komi-ya Pasova, saiirara gwomamair aenami. Kara wi kapi naowi. ¹⁶ Kara kimiirin yaimwowar boinkii, kara ta yaewou komi-ya Pasova kara wi yaeya yaewou swoki ikwonikripna rani. Wi iya Adi Komii siya, siir iikam whiekakim simiir kigirkakana, wi sair nadigiuwi. ¹⁷ Mi Jisis siya mobisimin op wainkakin ira hai mi siya nrowo Adi Komii krimiir Wanin siiram ha kwisboinkiyin mi siya ina boin wadiekiyin, Adi Komii siirin mi mhoiya siya ina boinin, ha, ti hai, kima kimar ti onkwokwo kwiaeyam. ¹⁸ Kara kimiirin pi hinina boinkii, kara pi ta wain opa tariinanana pi sair kwiaeyam rani. N̄ingaka. Wi iya Adi Komii siya siir iikam whiekakim simiir kigirkakana wi saiirar nadigiuwi. ¹⁹ Mi Jisis siya bretin ina mi haiyin mi siya ina mi kwisboinkiyin, Adi Komii siiram mi siirin ina boin wadiekiyin. Mi siya simiirin ha n̄inoop hauuw̄in mi ina boinkiyin, tariigina ya kariir kip aeya, kara kimiirin minam hauugin,

kimiir kirie haiginuwam. Mi kima hiriinan tiri mi wi kariiram nwoki aingwokiyim. ²⁰ Mi sima ha nae digiyim mi siya op mobin iripi hiriinana swoki tir. Mi siya simiir boinki, tiki mobin op wainkakın, ya kariir nhie aeya, ya nimbın win aeya. Kara kimiir whinkinsiis haiginuwam naingwokın.

²¹ Kima kaoki! Inkamın wir kariir napwouwanın, ini kanaka warar ninkin idwokaiyin ta hii aiirin. ²² Yaowae Adın ninomor kouanın wi sipi naowi, Adi Komii siya nimbina wi saiir hiriinanar tiri. Mi kara minsi naingwoyımıyoki, ti inkamın wir kariir napwouwin, siirin wi hindara nonkwobumbunınkin uguskii. ²³ Mi siya hiriinan boinkiyin mi kamım siir kigna mırıiyim, sima ini sima, simar yınsrıi ansrıiyim, ti hiriinan siyiuın siirin wi nhinga dirıraerari? Iriig.

Jisis siir kigna mırıiyim sima yai minam ninkinwaomwarkii boinkim yipikin biyan inkamın

²⁴ Kamım siir kigna mırıiyim sima yai kwira saiir ninkinwaomwarkii boinkim. Sima boin, krımıir bii nwowan inkamın yipikin, ha? ²⁵ Mi Jisis siya simiir boin, nu kigrıraowiyim inkamım yim inig komiigak bidi yowim, iikamım simiir kigrıraowamın. Mi sima ha naingwowi iikamım simiirin nomıiyau dapım. ²⁶ Kima, kima kima hiriinan kipi tir. Nıingaka. Inkamın kimiir bii nwowam tiri, siya inkamın i idao nwowiyin siir hiriinan dwo. Mi kimiir biyan inkamın siya mıiyın inkamnan dwo. ²⁷ Yipikin biyanın, ha? Mi tari ti inkamın hindara prıiyidwo aeyin siya, iyie? Si rani mi tari inkamın nae dirıraerariyin mi

tari siya, aniya? Kimiir kwoinim ha naingwowi siyairgi niuwu, aniya? Nungaka. Yio inkamin nae naeyin, siya. Mi an kara ti kinakar mi idwokai aeyin, ini iriipi miyan inkamar mi owin, kimiir kinsiis haiginiuwam.

²⁸ Iya dimin taeminim, kariir kinanankuim, wim kima kanakar nwokim. Kima kariir bi haiburgim, kima ini kanakar yitnakiukripkaiyim.

²⁹ Mi iya Adi Komii siya digworaekwo whiekakim, simiir kigirkakana ya kariir bidi hauugiya. Mi iriipi hiriinan kara kimiir bidi mi hauugiyin.

³⁰ Mi kariir iya digworaekwo whiekakim simiir kigirkakana kima wi kanakar nidwo ae kwiyaei, kariir hi aiarar. Mi kima wi ipiia, inkam komiiyim nu kigriraowiyim simiira wi sair nidwokaii. Mi kima wi Isrel simiir isid iuur whiso wi simiir yai hidan inkam nwowi. Iriig.

*Pita siya digumii Jisis siir haimriiyugin
(Mt 26:31-35; Mk 14:27-31; Jo 13:36-38)*

³¹ Mi Jisis siya Saimon Pita siir boinki, saimon, saimon! Wakae! Adi Komii siya wadie bidi yokiyin Setan siirin, kimiir kinankuwam. Mi siya kimiirin wi widim sim ninibrombropiyim, wi hiriinan ninibrombropi, witnidim yim sima mi kasim yim sima. ³² Mi kara nhwo Adi Komii siiram bidi kwisboinin kiriiram. Mi kiriir naingwo tibmiiya wi digi rani. Mi mhoiia kiriir kwoinin kisina haigii mi wi kariirim nwoki itim. Mi kira wi kiriir nomiiyauim. Simiir nwoki whindiriraerim. ³³ Mi Pita siya siir boinki, Biyan Inkam Komii, kara maeyaua huyokiyokaiya kinaka nikin hugripkiikikaiyim nidid rani mi kara wi kinakar

m̄i aowi. ³⁴ M̄i J̄is̄is̄ siya ina bōnkiȳin, Pita, kara k̄ir̄ir̄in p̄i h̄in̄ina bōnkīi, panao n̄iȳaka iuum̄in p̄i n̄ik̄ k̄ama n̄ik̄i owi m̄i k̄ira k̄ariir̄ in̄iḡ īir̄in, idip̄ idip̄in w̄i kwōima m̄is̄is̄aei, h̄in̄in, kara J̄is̄is̄ siir̄ b̄i n̄inokn̄ink̄in. Iriig.

Um̄ir̄ m̄īya m̄i n̄ib̄ m̄i kam̄k̄iū ik̄in̄ s̄imiir̄ yaiga

³⁵ M̄i J̄is̄is̄ siya kam̄im̄ siir̄ k̄igna m̄ir̄iȳim̄ s̄imiir̄ s̄rii, b̄īya kara n̄ikropkiya k̄imiir̄ m̄i k̄ima um̄ir̄ m̄īya m̄i n̄ib̄ m̄in, kam̄k̄iū m̄in b̄idi hainam̄im̄, aniya? M̄i ȳim̄ s̄ima ina bōnim̄. N̄ingaka, n̄ingak̄inga. ³⁶ M̄i m̄hoīya J̄is̄is̄ siya s̄imiir̄in h̄in̄ina bōnkī m̄i tariinan̄in inkam̄in um̄ir̄ m̄īya m̄i n̄ib̄ m̄ink̄ak̄i n̄īuwi, ȳim̄ s̄imiir̄ warar̄ tim̄i ink̄in hainam̄. M̄i inkam̄in kam̄k̄iū karam̄k̄i n̄īuwi, ȳio w̄i siir̄ ȳuis̄ aiirar̄ tim̄i hainam̄, inkam̄ n̄h̄rk̄im̄ s̄im̄ s̄ain̄im̄ m̄i ȳio siya, w̄i siir̄ kam̄k̄iū īir̄ n̄wokī s̄ain̄im̄. ³⁷ Dimusi rani, Yokwo Kom̄ii saeya h̄in̄ina bōnk̄ika, s̄ima siir̄in w̄i ik̄i inkam̄ biȳeȳim̄ w̄i s̄imiir̄ in̄ hauuḡii. Kara k̄imiir̄in p̄i h̄in̄ina bōni, t̄iki dim̄in̄in k̄ariir̄in wa n̄imb̄iyami. Kaimwoka, t̄iki yaȳim̄ Yokwo Kom̄ii saeya bōnkiȳim̄, tariinan̄in t̄isi b̄idi ȳimb̄iniȳim̄. ³⁸ M̄i kam̄im̄ siir̄ k̄igna m̄ir̄iȳim̄ s̄ima bōin, inkam̄in nowomwark̄aiȳuw̄iȳin, k̄ira k̄iḡii! Kr̄ima kam̄k̄iuwo whisa n̄wowi, t̄ir̄in. M̄i siya s̄imiir̄ bōnkī, hindara daingwo owougi, k̄ima k̄ariir̄ yai aiir̄ n̄inokn̄ink̄in tani. Iriig.

*J̄is̄is̄ siya nh̄wo m̄h̄iū Oliv̄ h̄ir̄ kw̄isbōink̄in
(Mt 26:36-46; Mk 14:32-42)*

³⁹ M̄i J̄is̄is̄ siya ha nam̄in m̄i siya m̄h̄iū Oliv̄ h̄iriir̄ yam, nugak̄ siya n̄ik̄i t̄iryakwok̄in̄ saiir̄ h̄iriinan̄. M̄i kam̄im̄ siir̄ k̄igna m̄ir̄iȳim̄ s̄ima siir̄ m̄hoīyar̄

yam. ⁴⁰ Mi siya ha nimbiyamın ta maeyau aiir mi siya simiir boın, wım kima nhwo tır kwisboın, Adi Komii siiramın. Mi ti diminın wi kimiiram pi kinankıuwisi. ⁴¹ Mi siya simiirın ha haiburgigin mi yio siya arurıg sa ini owıu. Siiya Inkamki kabitkiya mi arurıg ha namıkaiyuwiya saiir hiriinan. Mi siya Adi Komii siiramın ogmwo hir ini hıuıu, nhwo siiram kwisboınım. ⁴² Mi siya ina boınkıyın, Adi Komii, diminın kira tırimar naıngwowi, ti dimin biyeyım, ti kariir nıpiyaokıyım, simiir swoki haiyam tiri, yio kiriirar kwoınkın. Kira kariir kwoın iir kipi nwo. Nıngaki, nıngakiınga. Kira kiriir kwoın iirar dwo. ⁴³ Mi Adi Komii siir paekwosımın ha nıtın siiram, siya yauni kınsiis haiginıuni. ⁴⁴ Jisis siya hik prasae bi haigin mi siya nhwo ina kwisboının. Mi siir pıua bidıu ini wara yanka nınitkiya. Mi ta bidıuwa ini nhıenan nua hiriir yaokiınaiınama.

⁴⁵ Mi siya nhwo ha kwisboın digiyın mi siya ina swoki insiin apnamın kamım siir kigna miriıyım simiiram. Mi siyar kıgam sima nhwo hirar whini. Ta hıka ini komii yowa mi sima nhwo asi whınamkim. ⁴⁶ Mi siya simiir boın, kima nhwo dimuam grıınkın whini, ha? Kima dınsiin idwoki mi nhwo kwisboın yi miıyık rani, Setan siya kimiiram kinankıuım. İriig.

*Judas siya Jisis siir sau omomın siir ın hauugi
(Mt 26:47-56; Mk 14:43-50; Jo 18:3-11)*

⁴⁷ Mi Jisis siya ha niki boınaiyın mi iikam isid komiıyın ina yıtın siirım. Mi inkamın sima dapiyın Judas, ti kam iıur nwıso Jisis siir kigna miriıyım simiir nwırkın. Simiir bııyın siya nwonanıın.

Siya siir kingiin minam namkin siir nankab-mamaɪ boɪnim. Yio simiir ad wanmi siyɪugin. ⁴⁸ Mi Jisis siya siir boɪnki, Judas, kira Yaowae Adin ninomor kouanki nitin siir dimusi napirɪmdini mi ti hiriinan siyɪu kira siirin wi sau omomin siir in asi hauugii, aniya? ⁴⁹ Mi kamim Jisis siir kigna mɪriiyim sima ti diminin nɪmbiyamin siir kigim mi sima ina boɪnim, Biyan Inkam Komii, kira hinina naingwowi, krɪma siirin kamkiuni ti hampɪpit, aniya? ⁵⁰ Mi simiir nwirin, prismi biyan inkamin siir mi mɪriiyin inkamin, siir inigan wina siya haingrip itkiigi. ⁵¹ Mi Jisis siya hiriinan kigiyin mi siya boin, ti hiriinan siyɪuin kira ti itkiigi. Mi Jisis siir ina siir win aɪr ha nonkwokiyin mi ini wadɛyar swoki okiya.

⁵² Mi mhoiɪya Jisis siya prismi yaowae adin mi kamim omaka Adi Komii siir inig hainaniya saiir bi nwowiyim mi kamim siyɪu komii ninokninkini ikim, kɪma siir nonkworɪnuwam nitkim, kɪma wara kamku dan minim hainaniyim, pi hiyan inkamin saika nɪtiowi, aniya? ⁵³ Inokɪinokin, kara kimakar nwokin Adi Komii siir inig hainaniya omaka saiir mi kɪma kariirin, hir bi nonkwokim. Mi ta kimiir i aeya Setan siya kariir nɪkwowaisiiyana. Iriig.

*Pita siya boin kara Jisis siir bi ninokninkinkin
(Mt 26:57-58,69-75; Mk 14:53-54,66-72; Jo 18:12-18,25-27)*

⁵⁴ Mi siya ha boin digiyin mi sima siirin ina yonkworɪmdinu inkikwona apnamin. Mi sima siirin prismi yaowae adin siir omaka hiriir hainam. Mi Pita siya simiir mhoiɪyar

yapriiraowam. ⁵⁵ Mi sima paeya hira omaka aiir huyokiyokaiya saiir yainau hir yamgin oni. Mi Pita siya ini simaka warar mini oniyuwun. ⁵⁶ Mi miyan wig ira saeya Pita siir kiga, siya pae hir nwonyin mi saeya boin, ti inkamin Jisis saikar nwokin. ⁵⁷ Mi Pita siya ina boinin. Nngaka. Wig! Kara Jisis siir bi ninokninkinkin. ⁵⁸ Mi mhoiya inkam nwirin ina swoki boinyin, ni kira ti isidin siir inkam nwirkin. Mi Pita siya ina boinkiyin, nhinga boinkin! Ankara wara rani. ⁵⁹ Mi mhoiya bi kwamhiimhiigin, inkam nwirin, ha swoki kwitin, igao yai siya ini boini, kaimwokinga, ti inkamin siir inkam nwir ieyairgin. Mi siya nu Galili hiran inkamkin. ⁶⁰ Mi Pita siya ina boinkiyin, nhinga boinkin! Nngaka. Kara wara diminin kira boinin siir bi ninokninkinkin. Mi siya hiriinanar niki boinin mi iumin ina yikiyin. ⁶¹ Mi Biyan Inkam Komiiyin ini Pita siirar haiyug okwo kaokiyin. Mi Pita siya, ta yaiya biya Jisis siya niki boina siir, saiir swoki aingwokiyin, tapa niyaka, iumin pi niki ik karam nwowi mi kira kariir inig iirin idip idipin wi kwoima miisasei, kara Jisis siir bi ninokninkinkin. ⁶² Mi Pita siya idowiya ha napnyamin mi siir noua hir yani iyop bwaemaiyu. Iriig.

*Sima Jisis siir yipimpar mi yaebu siir yiewaiyu
(Mt 26:67-68; Mk 14:65)*

⁶³ Mi inkamin Jisis siir kigriiraowun siya siir yigbumbu mi siirin ina mi ipimparin. ⁶⁴ Mi sima siir whwonkamin, yuisni kikogropikou. Mi siirin ina sruiyin, kira profet inkamnanki niuwi mi kira krimiir boinki, kiriirin nhinga tiowi, ha? ⁶⁵ Mi

sima siir'in yai bibiyie nhirim simiir warar yinkin igbumbu. Iriig.

*Sima Jisis siir'in kaunselmiyam yikiunam
(Mt 26:59-66; Mk 14:55-64; Jo 18:19-24)*

⁶⁶ Mi mhoiia bieiin ha nimbi idniyakwokin mi Isrelmi biyan inkam komii komiiyim mi prismi yaowae ad ikim mi kamim siyu komii ninokninkiniyim, sima iripar yamwoni kaunsel simiir omaka aiirarar. Mi sima Jisis siir'in simiiram yikiunam. ⁶⁷ Mi sima boin, kira krimiir boinki, kira Kraiskin, iyie? Kira Krai rani, aniya? Mi siya simiir boinki, kara kimiirin pi hinina boinkii, pi kara kimiir mi boini mi wim kima pi kariir yai aiir mi aingwo tibmii rani. Nungaka. ⁶⁸ Mi kara, kimiiram in pi diminam srii mi wim kima pi kariir wakae boin tani. ⁶⁹ Mi tariinanin mi mhoiia iriipi hiriinan, kara Yaowae Adin, ninomor kouanin, wi Adi Komiiyin, kirie komiikakin, siir iikam whiekakim, simiir kigirkakana wi siir ina iniga saiir inigmiiya nidwowi. ⁷⁰ Mi sima boin, ana, kira Adi Komii siir yinisimkin? Ihi. Yio ina yowarkii boinin, wasi kimar bidi boinki iskiyin. Karargin. ⁷¹ Mi sima ina boinim, krima yaeya yai kwiram dimusi swoki hansrani? Krima whiekakar in, yayim siya boinkiyim bidi wakaekiyim. Iriig.

23

*Sima Jisis siir'in inkam komii Pailat siir wh-wonkam ida boin wokiyopnatkaikikim
(Mt 27:1-2,11-14; Mk 15:1-5; Jo 18:28-38)*

¹ Sima Jisis siir yai wakae digiyim mi sima whiekakar nhinki mi Jisis siir'in ina yikiunamin

inkam komii Pailat Romanin siirim. ² Mi siirin haningnin boinuriyiu bwakainam, inkam komii Pailat saika mi sima ina boinim, krɪma ti inkamin siir bɪdi kigim siya Isrel krɪmiir isidim simiir siyiu imiir bɪdi haiprid haiginuwɪn. Mi krɪmiirin siya mi boinkin takis umirim inkam komiiyin om komii Romanin siir hauusiyin. Mi siya hinina mi boinkin mi Mesaia Kraisin karargin mi nu kigriraowan inkam komiiyin iriipi karargin. ³ Mi Pailat siya Jisis siir srii, kara Juda iikamim simiir nu kigriraowan inkam komiikin, aniya? Mi siya Pailat siir yai aairin ina yowarkii boinin, kirar bɪdi boinki iskiyin. ⁴ Mi Pailat siya ha haiyug kaowin pris simiir biyan kamim mi iikam ikim simiir boinki, kara ti inkam iirin dimin whir bi hɪdiyiskaikin siya dimin whir bi tirbukin. ⁵ Mi sima ini komiia kauwok boinkiyim mi siya ta yai aairin siyar boinkin iikam whiekakim nu Judianim simiir boinmimauuwɪn mi sima ina yanaakiyim. Mi siya ti hiriinan siyiuin nu Galili hiranki diriraerar yokiyokiiniyin mi tisi tirar namwoniyin. Iriig.

Sima Jisis siirin inkam komii Herot siir wh-wonkam ida boinwokiyopnatkaigikim

⁶ Mi Pailat siya hiriinan yai aair wakaekiyin mi siya simiirin ina srigiyin mi ti inkamin siya nu Galili hiran inkamkin, aniya? Mi sima ina boinim ihi siya nu Galiliyan inkamkin. ⁷ Mi iya sima hiriinan boinim Jisisin nu haimeiyin Herot siya kigriraowiyin mi siir hirankin mi siya siirin Herot siirim asi nikropkikin. Mi ta ii aairin Herot siya om komii Jerusalem hirar mi okin. ⁸ Mi Herot siya Jisis siir kigin mi siya ini maigimaigga ywowin.

Siya siir yai imiir wakaekin mi ii haruwa rani, siya naingwokwonanaeyin Jisis siir kigamin. Mi siya minam kaokin Jisis siya dimin kirie komii whir diriraerarim siir whwonkam idan, biya iikamki kig karamae nwowim simiir. ⁹ Mi Herot siya Jisis siiram in yai kasa bi kiniwamwarki sriinanaekin. Mi Jisis siya siir yaiisim kwir bi swoki wakae boinkin. ¹⁰ Mi pris simiir biyan kamim mi kamim siyiu komii ninokninkini ikim sima Jisis siir kingiin hirar yamikwoni mi sima siirin ina boin huriyiu kripkaiyim. ¹¹ Mi saiir mhoiia Herot siya mi siir sauan kamim sima Jisis siir yikbumbu. Mi siirin siyiu miyik bi tirkim mi sima yuis win kibiya kwira hai mi sima ta yuisa siir kaihaiginu mi sima siirin ina swoki ikropkiyin Pailat siirimar. ¹² Biya Herot sowa Pailat io sowa sowa ninwo anwowiko. Mi ta ii aiararin sowa io bi nwoko ina yimboino. Dimusi rani, Pailat siya Jisis siirin Herot siirim nikropkikin. Iriig.

Pailat siya Jisis siirim boinkin paeyin hiniya niriio ninkinin siir nirinuim
(Mt 27:15-26; Mk 15:6-15; Jo 18:39-19:16)

¹³ Mi Pailat siya ina yikunan prismi yaowae adim mi kamim Isrel simiir bi nwowi ikim mi iikam ima simiirar yikuna. Mi sima maeyau kwiruwar hangiriyu omimr. ¹⁴ Mi siya simiirin ina boinin, ti inkamin kariiram kima nikunaniyin mi kima siirin hinina boin, siya iikam whiekakim simiir siyiu imiir bidi haiprid haiginuwun. Mi kara siirin kimiir whwonkam ida bidi sriiyin. Mi kima wakae, ti digworaekwowim kima boin huriyiu natkaikiyam tirim siir, kara siirin simiir bi hidiyiskaikin. Siya dimin whir bi

swoki tɪrbukɪn. ¹⁵ Herot siya ɪriipi hɪriinan. Mi siya ini krɪmiirɪmar swoki ikropkiyɪn. Wakae, ti inkamɪn siya dimɪn whɪr bi tɪrbukɪn mi krɪma siirɪn wa nisomao rani. Nɪngaka. ¹⁶ Mi kara pi kariir kam nhɪrɪm sɪmiir nɪkropki siirɪn idgiuni nɪpɪmparɪm mi kara siirɪn pa swoki iuguski. ¹⁷ Mi sɪmiir siyɪuɪn hɪnɪnkin, sɪmiir yaiwou Pasova whiekakɪm Pailat siya inkamɪn pi nwɪra nɪkrop apniki maeyauwa mi biyɪe mɪriiya hɪuyokiyokaiya saiir hɪrankɪn. ¹⁸ Mi iikam whiekakɪm, sɪma hɪnɪna kauwok boɪnki komiiyar ti inkamɪn Jisis, siirɪn disomaoki mi Barabas siirɪn diuguski krɪmiiram. ¹⁹ (Biya yai kwɪra Barabas siya nɪniika om komi hɪr biyan kamɪn omom omom kigrɪraowiyɪm sɪmarkar mi siya inkam nisomaokɪn mi sɪma siirɪn maeyauwa mi biyɪe mɪriiya hɪuyokiyokaiya saiir asi nɪkrop apnɪnopkaikikɪn.) ²⁰ Mi Pailat siya sɪmiirɪn yai ɪna swoki boɪnɪn. Siya Jisis siir nɪuguskiyam naɪngwokɪn. ²¹ Mi iikamɪm sɪma ɪni komiia kauwok boɪnkiyɪm, siirɪn paeyɪn hɪniya nɪrɪo nɪnkinɪn siir dɪrɪnugi! Siirɪn paeyɪn hɪniya nɪrɪo nɪnkinɪn siir dɪrɪnugi! ²² Mi Pailat siya kwoɪmaka sɪmiirɪn ɪna swoki boɪnkiyɪn, dimusika? Ti inkamɪn siya dimu tɪrbukɪn? Kara siirɪn dimɪn whɪr bi hɪdiyɪskaikɪn mi krɪma siirɪn pi kariir kam nhɪrɪm sɪmiiram nɪkropki sɪma pi nɪpɪmparɪm mi siirɪn pa swoki iuguski. ²³ Mi sɪma ɪna kauwok boɪnanaeyɪm, siya Jisis siirɪn pae hɪniya nɪrɪo nɪnkinɪn siir nɪrɪnuɪm. Mi ti yayɪm sɪma kauwok boɪnɪm Pailat siir yayi aiarɪn ɪni sɪma ikwowaisigiyɪm. ²⁴ Mi Pailat siya ɪni sɪmiir yai aiarar wakaeyoknan. ²⁵ Mi iikamɪm sɪma ti

inkamın yaii niniyın biyan kamım omom omom kigriraowiyım simaka mi inkam nisomaowın siirım kauwok boın siir swoki ikrop apnikiyım simiiramın mi Pailat siya siirın ina yuguskiyın. Mi siya simiir yai aiirar wakaeyokna mi siya Jisis siirın ina hauugiyın sauan kamım simiir in mi sima siir wa nwoki isomaowım.

Sima siirın paeyın hiiniya niriio ninkinın siir yirinugi

(Mt 27:32-44; Mk 15:21-32; Jo 19:17-27)

²⁶ Mi om komii Rom hirın sauan kamım sima Jisis siirın ina yikunamım mi sima inkamın nwira yapyiskai, Saimonın om komii Sairiniyanın siir. Mi siya om komiia hiriir napninopkainamım nitkin mi sima siir yankabrınu mi ti paeya hiiniya niriio ninkinın siir yikmwon itiyiskai mi siya ini Jisis siir mhoiia yitiyiskai apamın.

²⁷ Mi iikam kasa rani, siir mhoiia napnamım mi wig kasa rani, Jisis siiram ninou mwamwanamım.

²⁸ Mi Jisis siya ina haiyug boinkiyın, kima ti om komii Jerusaleman wigım, kima kariirım kipi nou. Kima kimasiyar douna mi kimiir yinisısım imiirsi warar. ²⁹ Wakae, mhoiia igwira nimbiamı mi iikamım sima wi hinına boini,

wigım yinisım naokaina karamae nwowım, yinisım imiirın nwoi haigiye imiyyae karamae nwowım, sima ha maigimaiga.

³⁰ Mi ta iya sima wi iki mhu komii mi mhuisısımım simiir boinki, kima krimiir idwo wini pamkirınuni! ³¹ Mi om komii Rom hirın iikamım sima siye biye kariir tiri, kara inkamın dimın biye tir karamae nwowın mi mhoiia sima

tari simiirin siyiu biyie komii warar ninkin tiri, kamim dimin biyekakim. Mi sima wa diguguski.

³² Mi kamim yaii niniiyim sima inkam nwiswo sowiir warar yinkin ikiunam, sowa siyiu biyie diriraerarko. Mi sima sowiirin Jisis saika ninkin isomaowam naingwokim. ³³ Mi sima maeyau kwira saiir yimbiam, ta maeyauwa saiir inigin mwokiuka. Mi ta maeyauwa sima Jisis siirin hir ninugim paeyin hiniya nio ninkinin siir. Mi sima ti inkam biyie nwiswo sowiir warar yinkin irinugi mi nwirin Jisis siir iniga mi nwirin yaiyaeya. ³⁴ Jisis siya ina boinin, Adi Komii, kira simiir dimin biyeyim simiir haiyoprimdiyumiigi. Sima ninokninkin tani ti diminin sima tir iirin. Mi sauan kamim sima satu ina gwowim siir yuis aiirim mi inkamin pi kaigrinuwi mi ta yuisa pi siya haii. ³⁵ Mi ikamim sima ini hirar yokwowim mi ina kaowim. Mi biyan kamim nu Judianim sima siirin hinina yigbumbu, siya ikam nhirim simiirarar whindiriraerarkin. Mi Krais kingi nuwi siirin Adi Komii siya nimbingi mi siya, sisiyar whin diriraerarna. ³⁶ Mi kamim sauanim yim iriipa hiriinan kingiin ha mi itim siir mi igbumbu. Mi sima op waina kwoin kausriiya siir yaka hauu. ³⁷ Mi sima ina boinkiyim, kira Juda simiir nu kigriraowan inkam komiiki nuwi mi pi kinakinar whindiriraerarna. ³⁸ Mi siir mwo koua nwowa yaiya, hinina winboinka. Ti inkamin Juda simiir nu kigriraowan inkam komiikin.

³⁹ Mi ti inkam biyie nwiswo Jisis saika ninkin irimdinuwo mi nwirin Jisis siir yigbumbu. Kira Mesaia Kraiskin, aniya? Mi kira kinakinar diriraerarna mi pi kririir warar mi whindiriraerar.

⁴⁰ Mi nwirin siya ta hariinan yai aiir wakaekiyin mi io siir yo mi krira ta siir hariinan hik aiir haii mi kira Adi Komii siirsi nɔdid rani, ha? ⁴¹ Sɔma kririir nisomaowi siyɔ biyɛ krira tirin siirsi, sɔma siyɔ miyik iirar mi tiri. Mi ti inkamin siya dimin whir bi tirbugin, siya wi whisariiyar naowi. ⁴² Mi siya ina boinin, Jisis mhoiia kira kiriir nu kigriraowan inkam komii nimbiam mi kira kariirin wi timi naingwo. ⁴³ Mi Jisis siya siirin ina boinin, kara kiriirin yaimwowa boini, kira panaoin pi kanakar nwowi ninomor kou hir. Om miyikin iikam miyikin omwai sim waiya yokiyokiyin siir. Iriig.

Jisis siya naonamaeya

(Mt 27:45-56; Mk 15:33-41; Jo 19:28-30)

⁴⁴ Mi iya hariir tiriir nabie bopwo nwowa. Mi hinda tinda iya ina kakauu iuguskiya mi ti nu whirkakin ini niya ywokiyin. Mi biyin nad nworibin ii kwoim hiniin mi iya ina swoki pirankiriba. ⁴⁵ Mi iya niya niki owa ta yuis komiia omaka komiia Adi Komii siira maeyauwa huyokiyokikaiya dimin whirki kimbu karame nwowa siir nitomanouwa ini bopwoniya yinwhitamkiya mi mirkwisa yimbiam. Mi ti siyɔuin Adi Komii siya krimiir nɔsiimauugikin. Mi krɔma nhwo siirin kwisboini siyugak bidi yamwowuin. ⁴⁶ Mi dimin taeminim nimbiam digiyin. Mi Jisis siya ini komiia kauwok boinkiyin, Adi Komii, krimiir Wanin kariir inigin yokiyokiyin pi kiriir in hauugigi. Siya hariinan boinkiyin mi siya ina yaonamin. ⁴⁷ Mi sauan kamim simiir biyan inkamin siya ti dimin iir kigiyin mi siya ini Adi Komii siir inig iirar

hainankiyin, siya ina boinin, ihi, kaimwoki kaimwokinga, ti inkamin siya inkam miyiki miyikin. ⁴⁸ Mi ikam whiekakim sima siir kaowam nitim mi sima ti digworaekwowim nimbiamim simiir kigiyim mi sima ini simiir ingas imiirar pikrimgribgiyim mi ina swoki amim simiir omaka. ⁴⁹ Mi Jisis siir nomiiyau whiekakim, siir sibgu ninokninkinim mi wigim nu Galiliyanim biya Jisis siirim nitim, sima aruriga ywokwo mi sima ina kigmimikim ti digworaekwowim nimbiamim. Iriig.

Mi sima Jisis siir piuis biyieya siiyenowin siir ini kikaigik

(Mt 27:57-61; Mk 15:42-47; Jo 10:38-42)

⁵⁰ Mi inkam nwirin hirar nwokin, siir inigin Josepkin. Siya wadiei wadiekin, siya Juda kaunsel inkamkin. ⁵¹ Mi iki kaunsel kam nhirim omisim kigriraowiyim simiir kwoin aka bi nwokin, ti diminin sima Jisis siir tiram minim. Siya om Arimatia nu Judia hiran inkamkin. Yio siya iya Adi Komii siir digworaekwo whiekakim simiir kigirkakana saiiram nwowikin. ⁵² Mi ti inkamin siya ina yamin inkam komii Pailat siir omaka mi ina sruiyin, siya Jisis siir piuis nhinga saiir hainamin mi siya ini wadieya ywokiyin. ⁵³ Mi Jisis siir piuis biyieya siya saiir hiunis haiyin, pae hiiniya nirioninkinin siir hirankin. Mi yuiis whisiinana saiir higrinu mi siya siir piuis biyie aiirin siyano whirin siir kikaigik. Mi ti ieyin sima siiya komiia saiir nopkikaikin. Mi biya sima ti ie iirin inkam nwir bi kikai miminkin. ⁵⁴ Taka iya Fraideka sima Juda simiir ii komiia Sabat

pɪu siisiya dimɪn taemɪn tɪr karamae nwowiya saiiir nae digworaekwo ɪmiir dirɪraerer haigɪnkɪm saeya wɪ sapi nɪmbiyami.

⁵⁵ Mi wigim nu Galili hiranki nitim Jisis saika mi sima Josep siir mhoiiyar yam. Mi sima ti ie iir warar kigmimik. Mi sima Josep siir warar nɪnkɪn kaokim siya Jisis siir piuis biyeya wɪ panina namisi dirɪraerer haigi. ⁵⁶ Mi sima ha kig digikim mi sima ina swoki amim simiir yapa yapa omaka. Mi sima wa minim mi digworaekwo miyik miyikim piui miyik whakiyim ina dirɪraerer haiginim. Jisis siir piuis biyeya saiiir naokinim, pi whiisi mi simiir i komiia Sabat nikiuwiya sima piu siiskuwak, siyu komii siya boina mi saiiir hiriinan. Iriig.

24

*Jisisin ieyankin bidi yinsiin idwowin
(Mt 28:1-10; Mk 16:1-8; Jo 20:1-10)*

¹ Mi wik kwira saiiir biyan iya Sande sima nugak imumar yamyakwok sima maeyauwa Jisis siir haingikaiya saiiir hiriir yam. Sima wain piuii miyik whakiyin siir hainam, biya sima niki dirɪraerer haiginin mi sima ina hainamim. Mi sima Jisis siir piu aiir naokinim tɪrkim. ² Sima ta siiya aiir kig, sima niki warkikua, saiiirin sima bidi warakpitkikiya. ³ Mi sima ha napninopkai namim mi sima ninomor kouan, Biyan Inkam Komiiyin Jisis siir piuis biyie aiir bi kigim. ⁴ Sima ina yangwoyimi yokim mi sima inkam nwiso sowiir kig simiir kingiin hirar nokwowi sowiir yuiso hindara kigniniyaei. ⁵ Mi ti wigim sima sima nidid

prasae bi kikinkim. Mi sima ogmwo n̄imwowim
 nua h̄iriir kaiyrou nam mi simiir whwonkamim
 ini nua h̄iriir kaowim. Mi ti inkam n̄wiso simiir
 boin, kima inkamin omwai waiyokiyokiyin
 siiram dimusi hansiri ta maeyauwa inkam
 haingikaiya, inkam wirniya saiir, ha? ⁶ Siya
 tapair nwo rani. Bidi yinsiin idwo nam̄in! Kima
 yaiya biya siya kimiir boinmauuwa saiir ti
 swoki aingwowaakaigi, ii siya nu Galili hirar
 niki owin. ⁷ Siya kimiirin hinina boinm̄imauugin,
 sima Yaowae Adin ninomor kouanin kariirin
 wi ikamim dimin biyekakim simiir hauwi mi
 siirin wi paeyin hiiniya n̄ioninkin saika sima
 n̄inkin ir̄imdinu inankii. Mi ii kwoimaka kara wa
 swoki insiin idwowi! ⁸ Sowa h̄iriinan boino mi
 ti wigim sima ina yaingwowaakaigiyim ta yaiya
 biya Jisis siya boina saiir ⁹ mi sima ta maeyauwa
 inkam haingikaiya saiir haiburgik mi ina swoki
 amin. Mi sima kam iuur nwirim siir mi k̄igna
 m̄riiyim simiir ini boinmauuu mi kam n̄hirim
 simiir warar, ti digworaekwo whiekakim sima
 k̄igim simiir. ¹⁰ Mi Maria om Makdalanaka mi
 Joana mi Maria Jemsni yopii aka, simar nwokim
 mi wig n̄hirim simakar n̄inkin okim sima ti yayim
 aposel kamim simiir boinm̄imauuu. ¹¹ Mi ti
 aposel kamim simiir kwoinim ha naingwokim
 ti wigim sima n̄ksisaei mi simiir yai aiir bi
 naingwo tibmiigim. ¹² Mi Pita siya ha n̄nsiin̄in mi
 maeyauwa inkam haingikaiya saiir h̄iriir iw̄itnam
 mi siya ti ie iir ini waisi kaowu mi yuis imiirara
 k̄ig sima sima nwokai. Mi siya omaka h̄iriir swoki
 am mi ini ti dimin iir ini aingwoȳimiyokiuin. Iriig.

Inkam n̄wiso Jisis siirin siyiuin omisim Emeasa

namiyin siir hir kig
(Mk 16:12-13)

¹³ Mi ta ii aairarin inkam nwiso simiiraigo, sowa omisim whirin sima dapiyin Emeasa siir hiriir napnamko. Ti omin siya om komii Jerusalem siir aru ywowin. Mi ini omisim Emeas hirar yamwowuin, siir prieiyin kilomita uur kwirkim.

¹⁴ Sowa ha napnamo mi sowa digworaekwo whiekakim ti ii imiir nimbiyamim simiir yapboinaiyam. ¹⁵ Mi sowa ha napboinaiyamo mi ini sowa sowa yinsrii ansriiyamo mi Jisis siya ina yimbiyamim sowiir kingiin hirin mi ini sowaka yapamin. ¹⁶ Mi sowiir nhwowo dimin whirki bi kimirkaigo mi sowa ha bi ninokninkin, siya Jisiskin. ¹⁷ Mi Jisis siya sowiir boin, kowa dimu nouapboinaiyami, ha? Siya hiriinan boinin mi sowa ha nokwowo mi sowiir mhi kwoinino ini hikakar ywowo mi sowiir whwonkamo miyik bi nwoko. ¹⁸ Mi inkam nwirin, siir inigin Kliopaskin siya siir yai aka hinian yowarkii boin mi iikamim omom omomiyim Jerusalem hirarar bidi yamwomiriuim. Mi tari kinakinargin ti diminin Jerusalem hir nimbiyamim siir ninokninkin karamae nwowin, aniya? ¹⁹ Siya hiriinan boinkiyin mi Jisis siya sowiir srii, dimukin, ha? Mi sowa siirin hinina boin, ti diminin Jisisin om Nasaretanin siir nimbiyamkin. Siya profet inkamkin mi siya mi miyik miyik komii komiiyim mi yai miyik miyik komii komii ikim Adi Komii siir whwonkam ida mi iikamim simiir whwonkam ida mriikin. ²⁰ Mi prismi bi nwowi kamim mi kaunselmi biyan kam ikim, sima hauugim Jisis siirin sauan kamim simiir in, sima

nisomaowim, paeyin hiiniya nironinkinin siir ninkin irinuwim. ²¹ Krira biya hinina naingwo tibmiigo, ti inkamin siya Isrelmi iikamim simiir whinkinsiis haiginuwiyin. Ihi, mi yai kwira hininga. Ti digworaekwo ima nimbiyama, ii kwoimim bidi yamkiyim digworaekwo whiekak nhirim simaka nimbiyamkin. ²² Mi tapa wig nhirim krimiir isid iirin sima nini boinanankim krimiirin. Sima nugak imumar namiyakwokim maeyauwa inkam haingikaiya saiir. ²³ Mi sima Jisis siir piuis biye aiir bi kigim. Ningaka. Mi sima ina swoki haiyug apnamim mi sima hinina ini boinu, krima paekwosim nwisu sowiirin nhwonan whin kignanikim sima hinina boinkikim, Jisis siya ini omwaiyar swoki waiyan. ²⁴ Sima ha boin digiyim mi krimiir kam nhirim sima ha namim maeyauwa inkam hainkikaiya saiir mi sima digworaekwowim wig ima boinim simiir hiriinanar swoki kigu. Mi yim sima Jisis siir bi kigim.

²⁵ Mi Jisis siya io sowiir ywoki, kowa kwoin karamaeko! Kowiir mhi kwoinim ini hiinsima ywowaowim profetkim boiniyim yai whiekakim simiiram naingwo tibmiiyim. ²⁶ Pi panina tiri, ha? Mi kowa tari bi ninokninkinko, Mesaia Kraisin Adi Komii siya nimbini siya wi hik kimpipisu prasae hai rani, biyin mi siya mhoiya wi Adi Komii siir hiranki hai inig komiiyin, aniya? ²⁷ Mi Jisis siya Moses siir yayim simiirar kwaboibwakainam mi profet whiekakim simiir ima mi siya sowiir boinmimauu. Mi siya Yokwo komii saeya boinim yayim siir, simiir boinmimauu.

²⁸ Mi sima ti omin sowa namim tirin siir kingiin

hir yimbiyam. Mi Jisis siya hiriinan tirin mi siya ina yapsasaeyamin. ²⁹ Mi sowa siir yikidu mi ina boino, kira kriraka tirar dwo. Bieyin bidi yikiyamkiyin mi iya pi sapi kakauui. Mi siya ina yapninopkainamin mi ini sowakar ywowin. ³⁰ Mhoiia siya naeyim tirim mi Jisis siya sowakar yidwo. Mi siya bretin ha haiyin mi ina boin wadiekinyin Adi Komii siir mi haimiihaimiyo sowiir yinop hauu. ³¹ Siya hiriinan tirin mi sowiir nhwowo ini biimi siya kinkiyoy mi sowa siirin ina yinokninkinkiyoy. Mi siya hir bi swoki omiminkin ina kwakigugugiyin, sowa siir bi swoki kigmiminkiko. ³² Mi sowa boin, kira siyu hirar niki apniyo mi kririirin yayim siyar niki apboinmamaunikin mi Yokwo Komii sair yaimwowim simiirar boinmimaugin, kririirin. Kaimwoka ta ii aiararin kririir mhi kwoinim maigimaigra bidiyar ywowo!

³³ Sowa hiriinan boinaiyo mi bi kimiminkiko, sowa ta ii aiarar swoki insiin haiyug apnamo om komii Jerusalem hiriirin. Mi sowa ti Jisis siir kam iur nwirim simiir ini kigu mi nomiyau nhir ikim, siya maeyau kwiruwa haingiriyu owi. ³⁴ Mi siya sowiir boin, kaimwoki kaimwokinga, Yaowae Adin ninomor kouanin bidi swoki insiin idwowin. Saimon siya bidi kigin siirin. ³⁵ Mi sowa ina mi boino, digworaekwo whiekakim sowiir nimbiyamo siyu hir. Mi sowa boin, siya bret iir ninopkin mi krira siirin ha kiginokninkinkikin. Iriig.

Kamim siir kigna mriiyim siya Jisis siir bidi kigim

(Mt 28:16-20; Mk 16:14-18; Jo 20:19-23; Ap 1:6-8)

³⁶ Sima ta yai ailarar niki idwokai boinaiyim mi Jisis siya biri kimiminkikin simiir bopwoniya hirar yamikwoiu. Mi siya simiir boinki, naingwobumbua kimakar dwo. ³⁷ Mi sima ini hindara yanaakiyim mi ini nididkakar ywonamim. Simiir kwoinim ha naingwokim sima aknain kwir kigi. ³⁸ Mi siya simiir boin, kima dimusi nanaai, ha? Mi kimiir kwoinim hinina dimusi sibnaingwoyokiyokiyami, ha? ³⁹ Kariir iga ina owiir kigi. Karaigin ti nokwowin, kimiir inim kariir donkwo mipa kig. Aknaina saeya kpkak kugak rani, ta kima kiga kariirin saiir hiriinan. Nungaka. ⁴⁰ Siya hiriinan boinin mi siya siir iga inwo simiir yisiimauu. ⁴¹ Mi sima ini maigimaiga ywowim mi sima bi niki aingwo tibmiigim. Mi sima ina yinaingwoyimi yokim. Mi siya simiir sriigi mi kima tari nae nhirkakim tapaiirin, nwo rani, aniya? ⁴² Mi sima anasu haimiyyin sima nanagin siir hauu. ⁴³ Mi siya ha haiyin mi ini simar kigwo aeyin siirin.

⁴⁴ Mi siya ha nae digiyin mi siya simiir boin, biya kara kimaka niki owin, kara kimiir bidi boinmauwwin. Digworaekwo whiekakim biya kariir winboinim, Mosesni siyu komiyyin yokwoni sima winin mi profetmi yokwo aka mi yokwo Sam sima ti digworaekwo whiekakim sima wi hiriyyar nimbiam digi. ⁴⁵ Mi Adi Komii siir yai imiirin siyar nanaakninkii haiginugikin iikam imiirin ta omaka air nwowim. ⁴⁶ Mi siya simiir boin, Yokwo Komii saeya hinina boinka, Me-saia Kraisin wi hik sipi hai mi ii kwoimaka wa swoki insiin idwowi ie hirankin. ⁴⁷ Mi iikam miyyikim sima siir inigin wi iikam isid whie

komiiyım tı nu ıırin wı sımiir boınmımauwı mı sımiir dimın biyeyım wı Adi Komii siya nwoki haiyoprimdiyumiigiyım. Kima ta mı aiirin om komii Jerusalem tırar mırii bwakainam ⁴⁸ mı tı digworaekwo imiir boınmauwam. ⁴⁹ İni wakaeyım, tı dimınin biya Adi Komii siya boınin kımıir hauwım, yo tariinanın kara kımıirim nikropkiyım tiri. Kima tı om komii siirar dwo mı iya ninomor kouan kırıeya saeya niti kımıirim wı saiirar dadıgıu. İriig.

*Adi Komii siya Jisis siirin ninomor kou hiriir swoki yikunam
(Mk 16:19-20; Ap 1:9-11)*

⁵⁰ Mı Jisis siya ha boın digiyın mı siya sımiirin ina yikunamım mı om Betani hirar yadıgıu. Mı siir ina ha ninansiinakiya mı nhwo ina kwisboınkiyın mı siya ilkam imiir yikboınmamairın. Adi Komii siya simaka nwowam. ⁵¹ Siya nhwo sımiirar niki kwisboınmamairın mı siya sımiirin ini hirar iyopnisugikın mı Adi Komii siya siirin ini hirankar yikunakiyın mı ninomor kou hiriir yam. ⁵² Mı sima siir inıg iir hainan mı ini om komii Jerusalem hiriir swoki amım mı sima ini maırgımaırga komıigakar ywonamım. ⁵³ Mı inokınokın sima Adi Komii kımıir Wanın siir omaka saiirama nami, siir inıg iir hainanım. İriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

5350dc83-93b2-5000-9c98-dcdb728ba84f